

1 ሳሙዔኤሌ ማፃኣፖ ዓይያ ካር

ዒሰራዔኤሌ ዓሳ ሱኡጋ ዋይሣ ዋደይዳፓ ካኣታ ዋይሣ ዋደ
ባንሢ ዋይቲ ፒንቄቲያ ሃና ሳሙዔኤሌ ማፃኣፖ ፔታሳዛ ኬኤዛኔ፤
ዬይ ላኣሚንታ ዒሰራዔኤሌይዳ ማዲንታኒ ዳንዳዔሢ ባሼ ሃይሣ
ዓሲ ዛላናኬ፤ ዬንሢ ዓሶፓ ፔታሳሢ፡- ጋፒንያይዳ ዒሰራዔኤሌ
ዓሶ ዋይሣ ጳኤፖ ጳኤፖ ሱኡጋይዳፓ ፔቲሢ ሳሙዔኤሌኬ፤
ላምዓሳሢ፡- ዒሰራዔኤሌ ዓሶኮ ቤርታሳ ካኣታሢ ሳኣፖኦኬ፤
ሃይሣሳሢ፡- ቢታንቶይዳ ኬሰካንዳሢኮ ቤርታ ዒዛኮ ናንጎ ሃይሳ
ሳሙዔኤሌሲና ሳኣፖኦሲና ዋላ ፔቲ ማዔሢ፡ ዳውቴኬ።

ሃና ማፃኣፖ ጳኤፖ ማሊፃ፡- ሚናኣ ጫኣቁምይዳ ዓኣ ሃይሶ
ኬኤዛ፤ ሃንጎ ማፃኣፖሲፐዲ ያኦሲም ጉሙርቂንታያ ማዒሢ ዓንጆ
ጴዲሳሢንታ ናንጋ ናንጎይዳ ዔኤቢ ቢያ ገኢጋያ ማዓሢ ዛላ፤
ዬያፐዲ ሃሣ ዓይሢንቲሢ ዒፃሢ ሎኦሚሢና ባይሲንታና ዔኪ
ሙካሢያኣ ኬኤዛያኬ። ዬይ ማሊፃ ቁኤሳሢ፡ ዔኤሊም ናንገና
ናንጋ ጎዳ፡- «ታኣኒ ታና ቦንቻዞንሢ ቦንቻንዳኔ፤ ታና ቦሃዞንሢ ታ
ቦርሲሳንዳኔ» ጌይ ኬኤዜሢዳ ፔጋዲ ዔርታኔ (2:30)።

ሃና ማፃኣፓ ካኣታ ካኣታዳኣና ዔቁ ዲማ ዲማ ማሊሢ ዛላኣ
ኬኤዛኔ፤ ዬያኮ ቤርታ ዒሰራዔኤሌ ዓሶኮ ጎኔ ካኣቲ ማዒ ዔርታሢ
ናንገና ናንጋ ጎዳኬ፤ ጋዓንቲ ገንፃፓ ዴራ ያኦጩ ያኦጩሢር ዒዚ
ዔያቶም ካኣቲ ደኦሜ። ዬይ ያዲ ማዔቲያ ባሼ ዔርታኒ ኮይሳ
ባካ ካኣታሢታቲያ ዒሰራዔኤሌ ዴራ ያኦሲ ዔያቶኮ 0-ፃ ማዒ
ዋጊ ዋጊ ዋይሣያ ማዔም ዋርቃሢኬ (2:7-10)። ዬይያ ያኦሲ
ዋጎ ዴምይዳ ማዒ ያርጎቺታቲያ ማንቆ ዓሲ ሄኮ ማዒ ቦንቺንቲ
ናንጋንዳያ ኮይሳሢ ዔርዛኔ።

ማፃኣፔላ ዲማ ዲማ ዓርቁ ባኮ

- ሳሙዔኤሌ ዒሰራዔኤሌ ዓሶኮ ሱኡጌ ማዔሢ (1:1—7:17)
- ሳኣፖኦኬ ካኣታዲያ (8:1—10:27)
- ሳኣፖኦኬ ዋይሣ ቤርታሳ ሌዮንሢ (11:1—15:35)
- ዳውቴና ሳኣፖኦኬና ዛላ (16:1—30:31)
- ሳኣፖኦኬና ናኣቶናኮ ሃይሶ (31:1-13)

ሳሙዔኤሌኮ ሾይንቶ

1 ጌመራ ሚርጌ ዓላ ዔፕራኤሜ ዓጮይዳ ራማ ጌይንታ ዳካ ካታማሰኬኖይዳ ናንጋያ፡ ዔፕራኤሜ ፃጳፓ ሾይንቴያ ሂልቃና ጎዖ ፔቴ ዓሲሰኬይ ዓላኔ፤ ዒዛኮ ዓዴ ዪሮሃሚ ጌይንታያ ዔኤሊሁ ናይ ማዓዛ ቶኦካ ዒዛኮ ፀፕ ጌይንታያ ቶሁ ማአሪ ዓሲኬ፤

2 ሂልቃናኮ ሃናና ፒናና ጌይንታ ላምዖ ላኣሊ ዓላኔ፤ ፒናና ጎዖዘኮ ናይ ዓላኔ፤ ሃናኮ ጋዓንቴ ፔቴታዖ ናይ ባኣሴ፤

3 ሂልቃና ሌዓ ሌዓ ቢያ ባኣዚ ዳንዳዓ ጎዳ ዘገ ካአሽካኒና ሚቹ ዒንጎ ባኮ ዒንጋኒ ሴኤሎ ጌይንታ ቤሲ ዴንዳኔ፤ ዒማና ሆፕጊና ፒንሃሴ ጌይንታ ዔኤሊኮ ናይሰኬንሢ ናንጊና ናንጋ ጎዳም ቄኤሴ ማዒ ሴኤሎይዳ ማዳኔ።

4 ሂልቃና ሚቹ ዒንጎ ባኮ ሹኪ ዒንጋ ዎዶና ቢያ ዒንጎና ዓሽኮይዳፓ ፔቴ ዓሲም ዒንገንታኒ ኮይሳኔ ጌይንታማጉዴያ ፒናናም ዒንጋኔ፤ ዬያጉዲ ዒዛኮ ዓቲንቆ ናኣቶንታ ዉዲሮ ናኣቶንታማኣ ፔቴ ፔቴሢም ሂላማ ዒንጋኔ፤

5 ሃና ዒ ሚርጌና ናሽካሢሮ ሃንጎዎቶሲዳፓ ጳንጩ ማዓያ ዒንጋኔ፤ ጋዓንቴ ናንጊና ናንጋ ጎዳ ናይ ዒዛ ላኣጌሢሮ ዒዛ ዘኣኮኬ፤

6 ናንጊና ናንጋ ጎዳ ዒዛም ናይ ዒንገባኣሢሮ ዒዛኮ ሌጋ፡ ፒናና ዒዛ ዳጋሳንዳ ጌኤሲ ኮዒ ኮዒ ሚርጌ ሜታሳኔ፤

7 ዬይ ማዲንታ ዳምባ ሌዓ ሌዓ ዓቱዎፃ ማዲንታያኮ፤ ዬያሮ ዔያታ ናንጊና ናንጋ ጎዳ ማአሪ ዴንዳ ዎዶማና ዎዶማና ዓቱዎፃ ሃና ዬኤኪ ሙኡዚ ዒፃንዳያ ሃላንዳኣና ፒናና ዒዛ ኮሺ ሜታሳኔ።

8 ዬያይዳፓ ዔቄያና ዒዛኮ ዓኒ፡ ሂልቃና ዒዛ ኮይላ፡ «ዔዛ ሃና! ኔ ዓይጎሮ ዬኤካይ? ዓይጎሮ ኔ ሙዖ ዒፃይ? ዓይጎሮ ኔ ሃያይዲ ዖዩ ዖዩ ሺራይ? ታጳ ናይፓ ታ ኔኤም ባሼቱዎዓዳ?» ጋዓኔ።

ሃና ዖኦሲ ሺኢቄ ሺኢጲዖ

9-10 ፔቴ ኬሊ ሴኤሎይዳ ዓኣ፡ ናንጊና ናንጋ ጎዳሢ ማአራ ዔያታ ሙኡዚ ሙዒ ጋፔሰካፓ ሃና ዖኦሲ ሺኢቃኒ ዔቄኔ፤ ዒማና ዒዛ ሚርጌና ያያሢሮ ካራ ባይቄ ዬኤኪ ዬኤኪ ዖኦሲ ሺኢቃንቴ ቄኤሳሢ፡ ዔኤሊ ካሮ ኮይላ ፔ ያይቶይዳ ዴዒ ዓላኔ፤

11 ሃና፡- «ቢያ ባኣዚ ዳንዳዓ ጎዳሢዮ! ታና ኔ ዓይሌሎ ዛጌ! ታኣኮ ሜቶ ዛጌ ታኣም ማሌ! ታና ዋሊፖ! ኔ ታኣም ፔቴ ዓቲንቄ ናይ ዒንጌቴ ዒ ናንጋ ሌዖ ቢያይዳ ኔኤም ዲማዴያ ማሂ ኔኤም ታ ዒዒንጋንዳኔ፤ ቶኦካ ዒዛኮ ፔቴታዖ ሜኤዲንታዓኮ» ጌይ ናኣሴኔ።

12 ሃና ዬያይዲ ሺኢቄ ሚርጌ ኔጌኔ፤ ዒማና ዔኤሊ ዒዛኮ ሙሱራ ዓገፃሢ ዛዛጋኔ፤

1:11 ገይ. ማፃ 6:5።

13 ዒዛ ፔቴታዎ ዑኡሲ ዋይዚሱዋዎ ሙሱር ፔኤኮ ባጊሢ ባጊሢ ፔ ዒኖና ሺኢቃኔ፤ ዬያር ዔኤሌ ኮይላ ዒዛ ዑሽኪ ማማሢንቴያ ማላዛ።

14 «ሃያይዲ ማሢንቲ ዋይማ ሄላንዳኦና ኔ ናንጋንዳይ? ሃኖ ዑሽኪ ማሢንቲፃሎ ሃሼ!» ጌዔኔ።

15 ዒዛ ማሃዎ፡- «ታ ጎዳሢዮ ያዲቱዋሴ! ታኣኒ ዴኤፒ ያዩሢና ዓኣ ዓሲዋይ፤ ዋይኖ ዑዠ ማዔቴያ ማሌ ማሣ ዑሺ ታ ዑሽኪባኣሴ፤ ጋዓንቲ ታኣኮ ማቶ ናንጊና ናንጋ ጎዳም ታ ከኤዞ ከኤዛኔ።

16 ታና ኔኤኮ ባይሌሎ ፓሡዋ ዓሲ ማሃ ዛጊፒ፤ ሃኣዲ ታ ኔጊ ሺኢቁሢ ካራ ባይቁም ማታዳ ዓሲታሢርዋይ» ጌዔኔ።

17 ዬያር ዔኤሌ፡- «ኮሺ ዓኣዳ! ዒሰራዔኤሌ ያኣዛሢ ኔኤኒ ሺኢቁ ባኮ ኔኤም ዒንጎንጎ!» ጌዔኔ።

18 ዒዛ ጊንሣ፡- «ታና ኔኤኮ ባይሌሎም ኔ ያኦሲ ሺኢቃ ዋዶና ማሌ!» ጋዓዎ፣ ዴንዲ ሙኡዚ ሙዔኔ፤ ያዩያዋ ዒማፓ ሃሼኔ።

ሳሙዔኤሌኮ ሸይንቶንታ ያኦሲማኣ ዲማዲዎ

19 ዚር ጉቴሎ ሂልቃናና ዒዛኮ ጋር ዓሶና ዋላ ማኢሪ ዔቁ ናንጊና ናንጋ ጎዳም ዚጌሰካፓ ራማይዳ ዓኣ፣ ዔያቶኮ ማኣሪ ዴንዴኔ፤ ሂልቃና ዒማና ፔ ማቶ ሃናና ዋርቃዛ ናንጊና ናንጋ ጎዳ ዒዛም ማሌኔ፤

20 ዬያር ዒዛ ኔጉዋዎ ጎጳዲ ዓቲንቁ ናይ ሸዔኔ፤ ያዲ ማዔሢር ዒዛ፡- «ሃያ ናዎ ታኣኒ ናንጊና ናንጋ ጎዳይዳፓ ሺኢቁ ዴንቁያኮ» ጋዓዎ፣ ሱንዮ ናዎኮ «ሳሙዔኤሌ» ጌይ ጌሢኔ።

21 ሂልቃና ፔ ጋር ዓሶና ዋላ ለዓ ለዓ ማዳ ጎይዎ ዒንጎ ባኮ ዒንጋኒና ናንጊና ናንጋ ጎዳም ናኣቤ ናኣሶ ኩንሣኒ ሴኤሎ ዴንዴኔ።

22 ጋዓንቲ ዒማና ሃና ዔያቶና ዋላ ዴንዲባኣሴ፤ ዓይጎር ጌዔቴ ዒዛ ቤርታ ዓኒም፡- «ናዓሢ ዳንፃፓ ጉጉኡጳማና ዒ ናንጋ ዋዶ ቢያ ናንጋንዳ ያኦሲ ማኣር ታ ዒዛ ዔኪ ዴንዳንዳኔ» ጌይ ከኤዜሢርኮ።

23 ሂልቃና ዒማና ዒዛም፡- «ቃራኮ፤ ኔኤም ኮሺ ማዒ ጴዳሢጉዲያ ማማዳ፤ ዒዛ ኔ ጉኡጲሻንዳያ ሄላንዳኦና ማኣራ ዴዒኒ ኔ ዳንዳዓኔ፤ ናንጊና ናንጋ ጎዳ ኔኤም ጫኣቁ ባኮ ኩንሣንጎ» ጌዔኔ፤ ዬያር ሃና ማኣራ ዴዒ ፔኤኮ ናዓሢ ዲቺሢ ዓርቁኔ።

24 ናዓሢ ዒዛ ዳንዮ ጉኡጲሻሰካፓ ዔኪ ሴኤሎ ዴንዴኔ፤ ናዎና ዋላ ሃይሣ ሌዔ ማዔ ዋፓና፣ ታጳ ኪሎ ዲኢሊ፣ ፔቴ ሱርባ ኩሙሢ ዋይኔ ዑሺ ዔኪ ዴንዴኔ፤ ዬያይዲ ዒዛ ዒዛኮ ናዓሢ፣ ሳሙዔኤሌ ናይ ዳካ ዓኣንቲ ሴኤሎይዳ ዓኣ ናንጊና ናንጋ ጎዳ ማኣሪ ዔኪ ዓኣዳኔ።

25 ዒኢካ ዒ ሄላፖ ጌሜ ናንጊና ናንጋ ጎዳም ሹኬሰካፓ ናዓሢ ዔኪ ዔኤሊ ኮይላ ሺኢሹኔ፤

26 ዒማና ሃና ዔኤሊ ኮይላ፡- «ታ ጎዳሦ፣ ዳካ ለዔኮ ቤርታ ሃይካ ኔ ቤርታ ዔቁ ፆኦሲ ሺኢቃንቴ ኔ ዛጌ ላኣሌላ ታናዋይ፤

27 ታኣኒ ዒማና ሺኢቁሢ ናንጊና ናንጋ ጎዳ ታኣም ሃያ ናዓሢ ዒንጋንዳጉዲኬ፤ ናንጊና ናንጋ ጎዳሢያ ታፆኦጭማ ጎይፆ ሃያ ናዓሢ ታኣም ዒንጌኔ።

28 ሃሢ ታኣኒ ዒዛ ናንጊና ናንጋ ጎዳም ዲማዴ ዒንጎ ባኣዚ ማሃ ዔኪ ሺኢሹኔ፤ ዒ ናንጋ ዋዶ ቢያይዳ ናንጊና ናንጋ ጎዳም ዲማዴያ ማዒ ዒዛም ማዳንዳኔ» ጌዔኔ። ዩካፓ ዔይታ ዒኢካ ናንጊና ናንጋ ጎዳ ዘጊ ካኣሽኬኔ።

2

ሃና ሺኢቁ ሺኢጲፆ

1 ሃና ሺኢቃፆ ሂዚ ጌዔኔ፡-

«ናንጊና ናንጋ ጎዳ ማዴ ባኮና ዒና ታኣኮ ኮሺ ዋዛዳኔ፤
ናንጊና ናንጋ ጎዳ ታና ዴግ ዴጊዲ ቦንቸሴኔ፤
ኔ ታና ማኣዴሢሮ ዋዛዳ
ታ ሞርኮ ታ ሚኢጫኔ።»

2 «ናንጊና ናንጋ ጎዳጉዴያ ዲማዴይ ፆኦኒያ ባኣሴ፤
ኔጉዲ ማዓይ ፆኦኒያ ባኣሴ፤
ኑ ፆኦዛሢጉዴያ ዋርዲያ ሹቸ ማዓይኣ ባኣሴ፤

3 ሄርሺንቴ ሆኦሊንቴፖፕቴ፤
ፆቶርሞ ጌኤዘ ዒንሢኮ ሃሹዋቴ፤
ናንጊና ናንጋ ጎዳ ማዔ ፆኦሲ ቢያ ባኣዚ ዔራያኬ፤
ዓሲ ማዳ ባኮ ቢያ ዘጊ ዒ ዋጋኔ።

4 ዶዶ ዓሶኮ ፆሎ ሂኢዣ ማቁኔ፤
ላቤ ዓሳ ጋዓንቴ ዋልቁ ዳንቁ ዶዴኔ፤

5 ሚዦ ዓሳ ናይዲንቴ ሙኡዚሮ ዋርቃያ ማዔኔ፤
ናይዴ ዓሳ ጋዓንቴ ሚሽኬኔ፤
ዘኣኬላ ላንካይ ሾዔኔ፤
ሚርጌ ናኣቶ ዒንዳ ጋዓንቴ ፔኤሮ ሌሊ ዓቴኔ።

6 ናንጊና ናንጋ ጎዳ ዋዳኔ፣ ዳቀሻኔ፤
ጋፒንፆ ዴዋ ዒጊቻ ዔቶ ኬይሳኔ፣ ዩካፓ ዒ ኬሳኔ፤

7 ናንጊና ናንጋ ጎዳ ማንቁሳኔ፣ ፆርጎቹያ ፆርጎቻኔ፤

በርሲሳኔ፤ ገንሣ ጴግ ጴጊያ ጌይሳኔ።

8 ዒዚ ማንቆ ዓሶ ሲላላፓ፣ ላኦፖንሢያ ዲቢንፃፓ ዔቁሳኔ፤
ዔርቲ ጴኤፖ ዓሶ ቤዞ ባንሢ ጴጊዲ ኬሳኔ፤
ቦንቹንታ ዓሳ ዴዓ ያይቶዋ ዒንጋኔ፤
ሳያኮ ቦኦኮላሢ ደቁሢ ናንገና ናንጋ ጎዳኬ፤
ዬያይዳ ሳያ ቢያ ማገፍሢያ ዒዛኬ።»

9 «ዓሲ ባሺሢ ዴንቃሢ ፔ ዎልቁናቱዋኣሢሮ
ናንገና ናንጋ ጎዳ ዒዛም ጉሙርቁንታዞንሢኮ ሄርቃ ቶኮ
ካፓኔ፤

ፑርቶ ዓሳ ጋዓንቴ ዲሚዳ ኬኤሪንታ።

10 ናንገና ናንጋ ጎዳ ዒዲ ማካ ዓሲ ቤሲ ባይቃኔ፤
ጫሪንጫ ዴዒ ዔያቶይዳ ዒ ጉጉንሣንዳኔ።
ናንገና ናንጋ ጎዳ ሳያይዳ ቢያ ዎጋንዳኔ፤
ካኦቶም ዎልቁ ዒዚ ዒንጋንዳኔ፤
ዒ ደኦሪሢ ጴግ ጴጊዲ ቦንቹሳንዳኔ።»

11 ዬካፓ ሂልቃና ራኦማይዳ ዓኦ፣ ዒ ናንጋ ማኦሮ ማዒ ዴንዳኔ፤
ናዒሢ፣ ሳሙዔኤል ዒማና ቁኤሳሢ ዔኤሊ ዴማ ማዒ ናንገና ናንጋ
ጎዳም ማዳኔ።

ዔኤሊኮ ናኦታ ማዳ ፑርቶ ማዳ

12 ዔኤሊኮ ናኦታ ፓሣ ባኦዚ ባኦያ፣ ዲቻ ቶሌያኬ፤ ናንገና ናንጋ
ጎዳኦ ዔያታ ቦንቹዎያኬ፤

13 ዓሳ ዔያቶም ዒንጋንዳጉዲ ቁኤሳ ያኦጪ ዔካ ዳምቦ ዔያታ
ካፑዎሴ፤ ዎዎዳይ ጌዔቴ፡- ያኦሲም ዓሳ ፔኤኮ ቆልሞ ሹኪ ዒንጋ
ዎድና ዓሸካ ሃጊ ካሢንታ ጎይሣ ዓኦንቴ ዔያቶም ማዳ ዓሳ ሃይሃ
ኪሬና ዓኦ ዓሸኪ ኪሬ ዔኪ ሙካኔ።

14 ዬያ ኪሮ ካሢንታ ዓሸኮይዳዳኪ ሉኡፓ ኪራ ዔኪ ሙኬ ዓሸኮ
ዔኪ ዴንዲ ቁኤሳሢም ዒንጋኔ፤ ያኦሲም ዒንጎ ባኮ ዒንጋኒ ሴኤሎ
ሙካ ዒሲራዔኤሌ ዓሶ ዬያይዲ ዬያይዲ ዔያታ ማታሳኔ፤

15 ሃሣ ዬያ ሌሊቱዋንቴ ማላ ናንገና ናንጋ ጎዳም ሚቹንቱዋንቴ
ቤርታ ቁኤሶም ማዳ ዓሳ ቆልሞ ሹኪ ዒንጋ ዓሢ ኮይላ ሙኪ፡-
«ኔኤኒ ካሢንቴ ዓሸኪ ዒዛም ዒንጋንዳጉዲቱዋንቴ ዓኦዔ ዓሸኪ
ቁኤሳሢ ኮዓሢሮ ዒዛም ታ ሚቹ ዒንጋንዳጉዲ ታኦም ዒንጌ»
ጋዓኔ።

16 ዓሢ ዒማና፡- «ቤርታ ማላ ናንጊና ናንጋ ጎዳም ሚቸንቶንጎ፤ ዩካፓ ኔ ኮዔሢጉዴያ ዔካኒ ዳንዳዓኔ» ጌዔቴ፥ ቁኤሶም ማዳሢ፡- «ዔይዔ፤ ኔኤሮ ሃሢ ዒንጌ! ኔ ዒንጎ ዒፆቶ ታዎልቁና ዔካንዳኦ!» ጋዓኔ።

17 ዩያይዲ ያኦሲም ዒንጎ ባኮ ዔኤሊኮ ናኦታ ቶኦቸሢሮ ዩይ ጎማ ናንጊና ናንጋ ጎዳ ኮሺ ደጋሴ።

ሳሙዔኤል ሴኤሎይዳ ናንጌ ናንጎ

18 ሳሙዔኤል ጋዓንቴ ዒማና ናይ ዓኦያ ሚዘጸ ሻኦዣ ሸኤሚና ማዦና ዔፑዴ ማይንቴ ናንጊና ናንጋ ጎዳም ማዶ ማዳኔ፤

19 ዒንደላኦ ዒዛኮ ለዓ ለዓ ዓኒና ዎላ ዒንጎ ባኮ ያኦሲም ዒንጋኒ ሙካ ዎዶና ቢያ ዳካ ኮኦቴ ማዦ ማዦ ዔኪ ዩዓ።

20 ዔኤሊ ሂልቃናንታ ማቸ፥ ሃናንታ ዓንጃዎ፡- «ናንጊና ናንጋ ጎዳም ደማዴያ ማሃ ዒንሢ ዒንጌ፥ ሃያ ናዓሢ ቤዛ ሃና ላኦሎፓ ማሌ ናይ ኔኤም ዒዚ ዒንጎንጎ!» ቢያ ዎዴ ጋዓኔ።

ዩካፓ ዔያታ ፔ ማኦሪ ማዒ ማዒ ዴንዳኔ።

21 ናንጊና ናንጋ ጎዳ ሃና ዓንጃሢሮ ዒዛ ሃይሃ ዓቲንቁና ላምዎ ወዲሮ ናይና ሾዔኔ፤ ሳሙዔኤል ጋዓንቴ ናንጊና ናንጋ ጎዳ ማኦሪ ማዲ ማዲ ዲጩኔ።

ዔኤሊና ዒዛኮ ላምዎ ናኦቶና

22 ዒማና ዔኤሊ ጋርቸ ዓኦኔ፤ ዒዛኮ ናኦታ ዒሰራዔኤል ዓሶም ማዳ ፑርቶ ማዶንታ ባሼ ሃሃ ዓፒሎና ማዦገንቴ፥ ናንጊና ናንጋ ጎዳ ዴሮና ካኦማ ማኦራ ማዳ ላኦሎና ዎላ ላሃሢ ቢያ ዒ ዎይዛኔ።

23 ዩያሮ ዒ ናኦቶም፡- «ዓይጎሮ ዒንሢ ዩያጉዴ ፑርታ ባኦዚ ማዳይ? ዒንሢ ማዳ ፑርቶ ባኮ ቢያ ዓሶይዳፓ ታዎይዛኔ።

24 ታ ናይዮቴ! ዩያጉዴ ፑርታ ባኦዚ ማዲፖቴ፤ ናንጊና ናንጋ ጎዳኮ ዴራ ዒንሢ ዛሎ ታኦም ኬኤዛ ባካ ሚርጌ ዒጊቻ ባኦዚኬ፤

25 ፔቴ ዓሲ ማሌ ዓሲም ፑርታ ባኦዚ ማዴቴ ያኦሲ ባኦኮ ጌሊ ጊኦጊሻኒ ዳንዳዓኔ፤ ጋዓንቴ ናንጊና ናንጋ ጎዳም ፑርታ ማዶ ማዴ ዓሲ ዎ ቃይሺ ጊኦጊሻንዳይ?»

ያዲ ዒ ጌዔንቴያ ናንጊና ናንጋ ጎዳ ዔያቶ ባይዛኒ ማሊ ዔቁሢሮ ዔኤሊ ናኦታ ዓዶኮ ዞሮ ዎይዚባኦ።

26 ናዓሢ፡ ሳሙዔኤል ዔጰና ዲጩ ዲጩ ዓኦዴኔ፤ ሃሃ ናንጊና ናንጋ ጎዳንታ ዓሲንታ ቤርታ ዓሲ ማዒ ቦንቸንቴ ጴዳያ ማዔ።

ዔኤሊ ማኦሮይዳ ኬኤዚንቴ ያኦሲ ማሊዎ

2:26 ሉቃ. 2:52።

27 ፔቴ ከሌ ናንጊና ናንጋ ጎዳ ዳኬያ፣ ጾኑሲ ማለሢ ከኤዛ ዓሲ ዔኤሌ ኮይላ ሙካዖ፡- «ዔኤሊዮ! ናንጊና ናንጋ ጎዳ ሂዚ ጋዓኔ፤ ሩዕ ዓድ፣ ዓኣሮኔ ማኣሮ ዓሳ ገብፄ ዓጮይዳ ካኣቲኮ ዓይሌ ማዒ ዓኣ ዎዶና ታና ታ ዒዛም ፔጋሲ ዳዌኔ፤

28 ቄኤሴ ማዒ ታኣም ዒ ማዳንዳጉዲ፣ ታኣም ዒንጎ ባኮ ዒንጎ ቤዛ ማዳንዳጉዲ፣ ዑንጅ ጩቢሳንዳጉዲ፣ ታ ቤርታ ቄኤሳ ማኣዓ ዔፑዶ ማይንታንዳጉዲ ዒሰራዔኤሌ ፃጾ ቢያፓ ኔ ዓዶ ማኣሮ ዓሶ ታ ዶኦሬ። ሃሣ ዒሰራዔኤሌ ዓሳ ታኣም ሚቺ ዒንጋ ባኮ ቢያ ኔ ዓዶ ማኣሮ ዓሶሮ ታ ማሄኔ።

29 ታ ዓይሢም ታኣም ዒንጊንታ ሚቺ ዒንጎ ባኮንታ ሃንጎ ዒንጎ ባኮዎ ዓይጎሮ ዒንሣ ሰሃይ? ኔኤኮ ናኣታ ታኣም ዒንጎ ባኮይዳፓ ኮሺ ማዔ ባኮ ዶኦሪ ዔኪ ሙዒ ሙዒ ዲጫንዳጉዲ ታጊዳፓ ባሼ ኔ ዔያቶ ቦንቻሣ ዓይጎሮዳይ?»

30 ዬያሮ ናንጊና ናንጋ ጎዳ ማዔ ዒሰራዔኤሌ ጾኦዛሣ ሂዚ ጋዓኔ፤ ሩ ማኣሮ ዓሶንታ ኔ ዓዶ ማኣሮ ዓሶንታ ታኣም ናንጊና ማዳያ ማዓንዳጉዲ ታ ጫኣቄያታንቴ ሃሣ ያዲ ማዓዓኬ፤ ታና ቦንቻዞንሣ ታ ቦንቻንዳኔ፤ ታና ሰሃዞንሣ ታ ቦርሲሳንዳኔ፤

31 ዓካሪ ኔ ማኣሮ ዓሶ ባኣካፓ ፔቴ ዓሲታዖ ናንጊ ጋርቹዎጉዲ ኔኤና ኔ ዓዶ ማኣሮ ዓሶና ታ ባይዛንዳ ዎዴ ዑኬኔ።

32 ታኣኒ ካኣሽኪንታ ቤዘይዳ ሚርጌ ሜቶ ኔ ዛጋንዳኔ፤ ዒሰራዔኤሌ ዓሶም ኮሺ ባኣዚ ማዲንታያ ማዔቴያ ኔ ማኣሮ ዓሶ ባኣካፓ ጾኦኒያ ናንጊ ጋርቻንዳይ ጴዳዓኬ።

33 ታኣም ዒንጎ ባኮ ዒንጎ ቤዘይዳ ማዳ ዓሶ፣ ዒንሣ ባኣካፓ ታ ባይዙዎዖ ዓይሳንዳ ፔቴ ዓሣ ኔና ዬውሳያና ጾዩሳያ ማዓንዳኔ፤ ሃንጎ ኔ ማኣሮ ዓሳ ቢያ ጋዓንቴ ዴጌ ዓኣዖ ጾልዚና ሃይቂ ኩዳንዳኔ፤

34 ኔኤኮ ላምዖ ናኣቶ ሆፕፒና ፒንሃሴናይዳ ሄላንዳ ባካ ኔኤም ማላታ ማዓንዳኔ፤ ዬያታ ላምዓሣ ፔቴ ከሊዳ ሃይቃንዳኔ።

35 ታ ዓና ጋዓሣጉዴያ ታኣም ማዳንዳ ፔቴ ጉሙርቁንታ ቄኤሴ ታ ዔቂሳንዳኔ፤ ዒዛም ታኣኒ ባይቁዎ ዜርሣ ጌሣንዳኔ፤ ታ ካኣታሴ ካኣታሣ ማኣዲ ማኣዲ ማዳ ቄኤሴ ዒ ማዓንዳኔ።

36 ኔ ዜርፃፓ ሺምፔና ዓቴይ ቢያ ዬያ ቄኤሳሣ ኮራ ዴንዲ ሂርኪ ጌይ ዚጊ ሚኢሺንታ ሙኡዚንታ ሺኢቃንዳኔ፤ ሙዖንዶ ሙኡዚር ጌይ ቄኤሶ ማኣዲ ማዳኒ ዒዛ ዔያታ ሺኢቃንዳኔ» ጌዔኔ።

2:28 ከሲ. ማፃ 28:1-4፤ ለዊ. ዓከ 7:35-36። 2:34 1ሳሙ. 4:11።

3

ናንገና ናንጋ ጎዳ ሳሙዔኤልም ፔጋዲ ጰደሚ

1 ሳሙዔኤል ዔኤሊ ደማ ማዲ ናንገና ናንጋ ጎዳም ማዳኔ፤ ዬኖ ዋደና ናንገና ናንጋ ጎዳ ዲቢ ባኣዚ ከኤዙዋሴ፤ የኦሲ ፔጋሲ ዳዋ ባኣዚያኣ ጰደዋሴ።

2 ፔቴ ከሊ ዔኤሊ ፔ ላሃ ቤዛ ላሂ ዓኣኔ፤ ዒማና ዓኣፓ ዒዛኮ ጋርቻታፓ ዔቁያና ኮሺ ደንቁያኩ።

3 ሳሙዔኤል የኦሲም ደማደ ጫኣቁም ሳኣዲና * ዓኣ፥ ጌኤዦ ማኣርይዳ ላሂ ዓኣንቴ ጌኤዦ ማኣርኮዋ ፖዓ ሃይቁባኣንቴ፤

4 ናንገና ናንጋ ጎዳ ሳሙዔኤል ዔኤላዛ ሳሙዔኤል «የኦ!» ጌይ ዬሂኔ።

5 ዬካፓ ዔኤሊ ኮይላ ጳሽኪ ደንዲ፡- «ኔ ታና ዔኤሌህሂር ሃይሾ ታ ሙከኔ!» ጌዔኔ።

ዔኤሊ ጋዓንቴ «ታ ኔና ዔኤሊባኣሴ፤ ጊንሣ ደንዲ ላሂ» ጋዓዛ፤ ሳሙዔኤል ደንዲ ላሂኔ።

6-7 ናንገና ናንጋ ጎዳ ጊንሣ ሃሣ ሳሙዔኤል ዔኤሌኔ፤ ጋዓንቴ ናንገና ናንጋ ጎዳ ሃያኮ ቤርታ ዒዛም ከኤዚ ቤቁባኣህሂር ዒዛ ዔኤላህሂ ናንገና ናንጋ ጎዳታህሂ ሳሙዔኤል ዔሪባኣሴ፤ ዬያር ዔቁ ዔኤሊ ኮይላ ሙካዎ፡- «ኔ ታና ዔኤሌህሂር ሃይሾ ታ ሙከኔ!» ጌዔኔ።

ዔኤሊ ማሃዎ፡- «ታናዓሃ! ታ ኔና ዔኤሊባኣሴ፤ ጊንሣ ደንዲ ላሂ» ጌዔኔ።

8 ላሚ ሃሣ ሃይሣሲ ናንገና ናንጋ ጎዳ ሳሙዔኤል ዔኤላዛ፤ ሳሙዔኤል ዔቁ ዔኤሊ ኮይላ ሙካዎ፡- «ኔ ታና ዔኤሌህሂር ሃይሾ ታ ሙከኔ» ጌዔኔ።

ሳሙዔኤል ዔኤላህሂ ናንገና ናንጋ ጎዳታህሂ ዬካፓ ዔኤሊ ዔሬኔ፤

9 ዬያር ዔኤሊ፡- «ኔ ላሃ ቤዛ ደንደ፤ ዓካሪ ላሚ ኔና ዔኤሌያ ማዔቴ ናንገና ናንጋ ጎዳህደ! ኔ ዓይላህሂ ዋይዛኔ ከኤዙ» ጌዔ» ጌይ ሳሙዔኤል ዘራዛ፤ ሳሙዔኤል ዒ ላሃ ቤዛ ማዲ ደንደ።

10 ናንገና ናንጋ ጎዳ ዒኣካ ሙኪ ዔቃዎ፤ ሃያኮ ቤርታ ዔኤላ ጎይዎ፡- «ሳሙዔኤል! ሳሙዔኤል!» ጌይ ዔኤሌኔ።

ሳሙዔኤል ዒማና፡- «ኔ ዓይላህሂ ዋይዛኔ ከኤዙ» ጌዔኔ።

11 ናንገና ናንጋ ጎዳ ዒዛም፡- «ታኣኒ ዒሰራዔኤሌ ዓሶይዳ ዋይዚ ዋይዙዋ ባኣዚ ማዳንዳ ከሊ ዑከኔ፤

* 3:3 ጫኣቁም ሳኣዲና ጋዓዛ ታኣሶቴ ጌይንታያኩ።

12 ዬኖ ኬሎና ዓይፃፓ ጋፖ ሄላንዳኣና ዔኤሊንታ ማኣሮ ዓሰንታይዳ ታ ማዳንዳኔ። ጌይ ኬኤዜ ባኮ ቢያ ማዲ ታ ኩንሣንዳኔ፤

13 ዒዛኮ ናኣታ ታና ቦሂ ማዳ ማዳ ዒዚ ዛጌዎ ዔይቶ ጎሪባኣሢሮ ዒዛኮ ማኣሮ ዓሰይዳ ናንገና ናንገ ሄላንዳኣና ፑርታ ባኣዚ ታ ዓጋንዳኔ ጌይ ታኣኒ ዒዛም ኬኤዚናኣኮኤ።

14 ዬያሮ ዔኤሊ ማኣሮ ጎማ ሚቶ ዒንጎ ዒንገሢናኣ ማፃም ማሌ ዒንጎ ባኣዚና ፔቲታዎ ዓቶም ጌይንቲንዱዋሴ ጌይ ታ ጫኣቄኔ» ጌዔኔ።

15 ዬካፓ ሳሙዔኤል ካራንዳያ ሄላንዳኣና ላሃዎ፣ ሳዓ ካራዛ ዔቁ ናንገና ናንጋ ጎዳ ማኣሮኮ ካሮ ቡሌኔ፤ ጋዓንቴ ዒዛም ፆኦሲ ፔጋሲ ዳቂ ባኮ ዔኤሊም ኬኤዛኒ ዒጊጩኔ፤

16 ዒማና ዔኤሊ ሳሙዔኤል፡- «ታ ናዓሃ፣ ሳሙዔኤል!» ጌይ ዔኤሌኔ።

ሳሙዔኤሌያ፡- «ዮ፣ ጎዳሢዮ!» ጌዔኔ።

17 ዔኤሊ፡- «ናንገና ናንጋ ጎዳ ኔኤም ኬኤዜ ባካ ዓይጎዳይ? ፔቲታዎ ታኣም ዓኣቶፖ፤ ፔቲ ባኣዚታዎ ኔ ዓኣቶቴ ፆኦሲ ኔገዳ ዳኤፒ ማቶ ዔኪ ዬዎም» ጌዔኔ።

18 ዬካፓ ሳሙዔኤል ቢያ ባኮ ዔኤሊም ኬኤዜኔ፤ ዓይጎ ባኣዚያ ዓኣቶ ባኣዚ ባኣሴ፤ ዬካፓ ዔኤሊ፡- «ዒዚ ናንገና ናንጋ ጎዳ ማዔሢሮ ዒ ኮዔ ባኣዚ ማማዶንጎ» ጌዔኔ።

19 ሳሙዔኤሌያ ዑጌኔ፤ ናንገና ናንጋ ጎዳ ዒዛና ዎላ ዓኣሢሮ ሳሙዔኤሌ ኬኤዛ ባካ ቢያ ጉሪ ሳዓ ኬዱዋሴ፤

20 ዬያሮ ዬኖ ዓጮኮ ካራፓ ካሮ ሄላንዳኣና ናንጋ ዒሰራዔኤሌ ዓሳ ቢያ ሳሙዔኤሌ ፆኦሲ ማላሢ ኬኤዛ ዓሲ ማዔሢ ዔሪኔ፤

21 ናንገና ናንጋ ጎዳ ዬያኮ ቤርታ ዒዛም ፔጋዲ ጴጂሢጉዲ ሴኤሎይዳ ፔጋዲ ጴጊ ጴጊ ዒዛና ጌሰቲሢ ዓርቄኔ፤ ሳሙዔኤሌ ኬኤዛ ባካ ዒሰራዔኤሌ ዓጮ ቢያይዳ ዋይዚ ዔኪንታያ ማዔኔ።

4

ጫኣቄም ሳኣፂኖኮ ዲዒንቲዎ

1 ዒሰራዔኤሌ ዓሳ ፒሊሰጻኤማ ዓሰና ያልታኒ ኬሰኬኔ፤ ዬያሮ ዒሰራዔኤሌ ዓሳ ዓቤንዔዜሪ ጌይንታ ቤዛ ዲንኪ ዴዓዛ ፒሊሰጻኤማ ዓሳ ዓፑቄ ጎዎ ቤሰካ ዲንኪ ዴዔኔ፤

2 ዒማና ፒሊሰጻኤማ ዓሳ ያሎ ዓርቃዎ ኮሺ ያልቲሰካፓ ዒሰራዔኤሌ ዓሰ ባሺ ያይዶ ሺያ ዓሲ ዎዳኔ፤

3 የላፓ ቶሊ ዓቲ ዓሳ ደንኪ ዔያታ ደዔ ቤዘ ሙካዛ ዒሰራዔኤል ዓሰኮ ሱኡጋ፡- «ሃኖ ፒሊሰጃኤሜ ዓሳ የሎና ኑና ባሻንዳጉዲ ናንገና ናንጋ ጎዳ ዓይጋ ሃያ ማደይ? ኑኡና ዋላ ከሰኪ ኑ ሞርኮ ኩጫፓ ኑና ዓውሳንዳጉዲ ዓካሪ ኑ ደንዲ የኦሲኮ ጫአቁሞ ሳአጂኖ ሴኤሎይዳፓ ዔኪ ሙኮሞ» ጌዔኔ።

4 ሂዚ ጌዔሰካፓ ከኢታ ዓሲ ሴኤሎ ዳኪ ጫአቁሞ ሳአጂኖ ዑይይዳ ዓአ ከሩቤኤሎይዳ ፔኤኮ ደፆ ቦንቾ የይቶ ገኢጊሼ፣ ቢያ ባአዚ ዳንዳዓ ጎዳ ማዔ የኦዛሢ ፔኤኮ ደኤፖ ቦንቾ ፔጋሳ ጫአቁሞ ሳአጂኖ ዔኪ ዩይሴኔ፤ ዒማና ዔኤሊኮ ላምፆ ናአታ፣ ሆፒኒና ፒንሃሴና ጫአቁሞ ሳአጂኖ ዓሰና ዋላ ዔኪ ሙከኔ።

5 ዩይ ጫአቁሞ ሳአጂና ዒኢካ ሂላዛ ዒሰራዔኤል ዓሳ ሳዓ ዓገፃንዳያ ሂላንዳአና ደገዲ ዒላሺ ዋዛና ዒላቲያ ዒላቲኔ።

6 ፒሊሰጃኤሜ ዓሳ ዩያ ዑኡዘ ዋይዛያ፡- «ዔብሬ ዓሰ ጉርዳ ሃያይዲ ዒላሾሢ ዓይጎ ባአዚ ናንዳይ?» ዋሊ ኮይላ ጌዔ፣ የኦሲኮ ጫአቁሞ ሳጂኖ ዔብሬ ዓሳ ዔኪ ሙከኔሢ ዔራያ።

7 ዒገቹሞና፡- «የኦዛይዳፓ ፔቲ ዔያቶ ኮይላ ሙከኔ፤ ዓካሪ ኑ ባይቄኔ! ሃያኮ ቤርታ ሃያጉዳ ባአዚ ኑና ሂሊ ቤቁባአሴ፤

8 ባደዔ ኑና! ሃያ ዋልቆና ዓአ የኦዛይዳፓ የ ኑና ዓውሳንዳይ? ሚና ገብጃ ዓሰ ዓሲ ናንጉዋ ዳውሎይዳ ዳማ ዳማ ደርያና ጳርቂ ባይዜዘንሢ ሃአታ ዔያቶኬ!

9 ፒሊሰጃኤሜ ዓሲዮቴ! ደደዋቴ! ዓቲንቁ ማዒ የልቱዋቴ፤ ያዲ ማዒ ባአቲ ቤርታ ዔያታ ኑኡኮ ዓይሌ ማዔሢጉዲ ኑኡኒ ሃሢ ሃአቶ ዔብሬ ዓሰም ዓይሌ ማዒ ዓታንዳኔ ጌይሢኬ! ዩያር ዓቲንቁ ማይ ደዲ የልቱዋቴ» ጌዔኔ።

10 ዩያር ፒሊሰጃኤሜ ዓሳ ደዲ የልቲ የሎና ዒሰራዔኤል ዓሰ ባሾም፣ ዒሰራዔኤል ዓሳ ፔኤኮ ማአር ባንሢ ባንሢ ጳሽኬኔ፤ ዒሰራዔኤል ዓሰኮ ሃይሢታሚ ሺያ የልዚ ዓሲ ጋንቺንቲ ጋፔኔ።

11 ዒማና የኦሲኮ ጫአቁሞ ሳአጂና ደዒንቲ ዔውቴኔ፤ ሃሃ ዔኤሊኮ ላምፆ ናአታ ሆፒኒንታ ፒንሃሴንታአ ሃይቄኔ።

ዔኤሊኮ ሃይቦ

12 ዩኖ ከሎ ቢኢኒያሜ የጳ ማዔ ፔቲ ዓሲሰኬይ የሎ ቤዛፓ ዔቂ ሴኤሎ ሙከ ሂሌኔ፤ ዒዚ ሲዮ ዔርዛኒ ማአዓሢ ፔኤኮ ዳርዚ ቶኦኮይዳአ ሲላሊ ዋሢ ዓአኔ፤

13 ዓሢ ዒኢካ ሂላአና ዔኤሊ የኦሲኮ ጫአቁሞ ሳአጂኖ ዛሎ ማሊ ሜታዲ ሜታዲ ጎይያ ዓጮይዳ የይታና ደዒ ዓአኔ። ዓሢ ዒማና

ካታሞ ጌሊ ሃይሶ ዲኡሳዛ ዬያ ዋይዜ ዳራ ቢያ ዲቃቲ ዒላቲ ዓርቄኔ።

14 ዔኤሊ ዬያ ዒላቶ ዋይዛዎ፡- «ሃይ ዒላታ ዓይጎዳዎ?» ጌይ ዖኦጫዛ፣ ዬይ ዓሢ ሃይሶ ዔኤሊም ከኤዛኒ ዑኩና ዴንዴኔ፤

15 ዒማና ዔኤሊኮ ለዓ ታዘጲታሚ ሳሊ ለዔ ማዔም ዒ ጋርቼ ዓሲከ፤ ዓኣፓ ዒዛኮ ሚርጌ ዴንቁዋያኬ።

16 ዓሢ ዒዛ ኮይላ ሙካዎ፡- «ታኣኒ ዖላፓ ቶሊ ሙኩኔ፤ ሃና ታ ሃይካ ጳሽኬ ጎይሣ ሙኪ ሄሌኔ» ጌዔኔ።

ዔኤሊ ገንሣ ዒዛ ኮይላ፡- «ታ ናዓሢዮ! ዔባ ዋዚዳይ?» ጌይ ዖኦጫኔ።

17 ዬይ ዓሢ ማሃዎ፡- «ዒሰራዔኤሌ ዓሳ ዖሎና ባሺንቲ ፒሊሰጻኤሚ ዓሶ ቤርታፓ ጳሽኬኔ፤ ዬይ ባሺንቲፃ ኦኡኮ ዳውሲንቲኬ፤ ዬያ ሌለቱዋንቲ ኔኤኮ ላምዎ ናኣታ ሆፕፕንታ ፒንሃሴንታ ሃይቄኔ፤ ሃሣ ዖኦሲኮ ጫኣቁሞ ሳኣጻናኣ ዲዒንቲ ዔውቲኔ» ጌዔኔ።

18 ዓሢ ዖኦሲኮ ጫኣቁሞ ሳኣጻና ዲዒንቲሢ ሃሊ ከኤዛዛ ዔኤሊ ካታሞ ጌሎ ዲዖ ካራ ዴዒ ዓኣ ዖይታፓ ገንሣም ሎኦሚኔ፤ ዒዚ ሚርጌ ጋርቹያ ሃሣ ዑፃኣ ኮሺ ዓንዲሪታሢር ጌቲቃይዶ ሎኦሚሢር ባቃናፓ ሚቁ ሃይቄኔ፤ ዔኤሊ ዒሰራዔኤሌ ዓሶኮ ሱኡጌ ማዒ ዖይዲታሚ ለዔ ዋይሣኔ።

ፒንሃሴ ማቕኮ ሃይሶ

19 ዔኤሊ ናኣዚ፣ ፒንሃሴኮ ማቕ ዒማና ሾዓኒ ዑኩያ ጎጲና ዓኣያኬ፤ ናንገና ናንጋ ጎዳኮ ጫኣቁሞ ሳኣጻና ዲዒንቲ ዔውቲሢ፤ ዒዛኮ ዓኒንታ ማዖንታ ሃይቄሢ ዋይዛዎ ዲቃቲ ሾይቹና ዓርቁንቲ ሾዔኔ፤ ዒዛ ሾይጫ ዓርቃዎ ሚርጌ ሚታሴኔ፤

20 ዬያር ዒዛ ሃይቃኒ ዑኪ ዓኣንቲ ዒዛ ኮይላ ዓኣ ላኣላ፡- «ዶዶ! ዓቲንቁ ናይ ኔ ሾዔኔ!» ዒዛም ጌዔኔ፤ ጋዓንቲ ዒዛ ዒና ዔኪ ዋይዚ ማሂ ጌዔ ባኣዚ ባኣሴ።

21 ማዔቲያ ሻካቲ ዑኡሲና፡- «ዖኦሲኮ ቦንቻ ዒሰራዔኤሌላፓ ዲማጴኔ» ጋዓዎ ዬያ ናዓሢኮ ሱንዖ «ዒካቦዴ» ጌይ ጌሣኔ፤ ዬያ ዒዛኮ ጌይፃ ዖኦሲኮ ጫኣቁሞ ሳኣጻና ዲዒንቶንታ ዒዛኮ ዓኒንታ ማዖንታኮ ሃይሶ ዔርዛያኬ።

22 ሄሊሳዎ ሃሣ፡- «ዖኦሲኮ ጫኣቁሞ ሳኣጻና ዲዒንቲ ዔውቲሢር ናንገና ናንጋ ጎዳኮ ቦንቻ ዒሰራዔኤሌይዳፓ ዲማጴኔ» ጌዔኔ።

5

ዖኦሲኮ ጫኣቁሞ ሳኣጻና ፒሊሰጻኤሚ ዓጮይዳ

1 ፒሊስጻኤሜ ዓሳ ያኦሲኮ ጫአቁሞ ሳአፂኖ ደዒ ዔኬሰካፓ ባቤንዔዜሬ ጌይነታ ቤዛፓ ዓሽደዳ ጌይነታያ ዔያቶኮ ፔቴ ካታማሰኬኖ ዔኪ ዴንዳኔ።

2 ዔያታ ዔኪ ዴንደዖ ዔያቶኮ ያኦዛሢ ደአጎኦኔ ማአሪ ጌልዚ ደአጎኦኔ ማሊሲ ማዠና ባኮኮ ኮይላ ጌሢኔ።

3 ዚሮ ጉቴሎ ዬኖ ካታሚሎ ዴራ ሙኪ ዛጋነቴ ደአጎኦኔ ማሊሲ ማዠና ባካ ያኦሲኮ ጫአቁሞ ሳአፂኖ ቤርታ ፂነጋሊ ሎኦሚ ዓአነቴ ዴንቃዖ ዔቂሲ ቤርታ ዓአ ቤዛ ጊንሣ ጌሢኔ፤

4 ሃሣ ጊንፃአ ዓሶ ጉቴ ዔያታ ሙኪ ዛጋነቴ ደአጎኦኔ ማሊሲ ኮሻና ባካ ጊንሣ ያኦሲኮ ጫአቁሞ ሳአፂኖ ቤርታ ቤርታአሲ ጎይዖ ሎኦሚ ዓአነቴ ዴንቁኔ፤ ዬኖ ኬሎና ዬያ ማዠና ባካሢኮ ቶኦኮነታ ላሞዖ ኩጮነታ ሜቂ ደማዲ ካሮ ኮራ ኬዲ፤ ሃንጎ ዓቴ ዑፃ ዒኢካ ደዔ ቤዛ ዓአኔ።

5 ሃኖ ሄላንዳአና ደአጎኦኔኮ ቁኤሶነታ ዓሽደዳይዳ ዬያ ያኦዛሢ ካአሽካዘንሢነታ ቢያ ዬኖ ጌሎ ካሬሎ ቶኪና ሄርቁሞዖ ዑሣ ታንጋርጪ ዴንደሣ ዬያሮኬ።

6 ናንጊና ናንጋ ጎዳ ዒማና ዓሽደዳ ዴሮይዳ ሚርጌና ዳጋዲ ዓሶ ኮሺ ሜታሴኔ፤ ዔያቶነታ ዔያቶኮ ኮይላ ዓአ ዴሮኮ ቢያ ዑፃ ዴንጫነታ ዬያጉዴያ ኪፃ ባአዚ ኬሲ ሜቶ ዔያቶሞ ዓጌኔ።

7 ዬይ ዴራ ዬያ ባኮ ቢያ ዛጋዖ፡- «ዒሰራዔኤሌ ያኦዛሢ ኑናነታ ኑ ያኦዛሢ፤ ደአጎኦኔነታይዳ ሜቶ ዔኪ ዬዔኔ፤ ዬያሮ ሃካፓ ሴካ ዒሰራዔኤሌ ዓሶ ያኦዛሢኮ ጫአቁሞ ሳአፂኖ ሃይካ ዴዓንደጉዲ ኑ ኮውሞሴ» ጌዔኔ።

8 ዬያሮ ዔያታ ደንጎ ፒሊስጻኤሜ ካአቶሞ ኪኢታ ዓሲ ደኪ ዔኤሊሳዖ፡- «ዒሰራዔኤሌ ዓሶ ያኦዛሢኮ ጫአቁሞ ሳአፂኖ ኑ ዎደንደይ?» ጌይ ያኦጩኔ።

ዔያታ ማሃዖ፡- «ጋአቴ ካታሞ ዔኪ ዓአዲሞቴ» ጌዔኔ፤ ዬያሮ ጋአቴ ጌይነታያ ፔቴ ፒሊስጻኤሜ ዓሶ ካታማሰኬኖ ዔኪ ዔያታ ዴንዳኔ፤

9 ጋዓነቴ ያኦሲኮ ጫአቁሞ ሳአፂኖ ዬኖ ካታሞ ሄላዛ ናንጊና ናንጋ ጎዳ ዬኖ ካታሚሎይዳ ሜቶ ዔኪ ዬዒ ዴሮሞ ሚርጌ ሜታሴኔ። ናአቶነታ ጋርቾነታ ዓይሱሞዖ ዴሮ ቢያሢ ዑሢዳ ኪፃ ባአዚና ሜታሴኔ፤

10 ዬያሮ ያኦሲኮ ጫአቁሞ ሳአፂኖ ዔቅሮኔ ጌይነታ ሜሌ ፒሊስጻኤሜ ዓሶ ካታማሰኬኖ ዔኪ ዔያታ ደኬኔ፤ ጋዓነቴ ዒኢካ ሄላኦና ዬኖ ካታሚሎይዳ ናንጋ ዴራ ዒላቲ ዬኤካዖ፡- «ዒሰራዔኤሌ ያኦዛሢኮ ጫአቁሞ ሳአፂኖ ሃይካ ኑ ኮራ ዔያታ ዔኪ ሙኬሢ ኑና ቢያሢ ኩርሲሳኒ ማሊኬ!» ጌዔኔ።

11 ሃሣ ጊንሣ ፒሊስጻኤሜ ዓሶ ካኣቶ ባንሢ ሲያ ከኢታ ዓሲ ደኪ፡- «ኦኡና ኦ ማኣሮ ዓሶና ሲያ ኩርሱዋንቴ ዒሰራዔኤሌ ያኦዛሢኩ ጩኣቁሞ ሳኣዲኖ ዋንዴ ዔኪ ሙኩና ቤዘ ማሂ ዳኩዋቴ» ጌዔኔ፤ ናንገና ናንጋ ጎዳ ሚርጌና ዔያቶ ሜታሴሢሮ ካታሞ ሲያይዳ ዓኣ ዓሳ ጋፒ ሃይቃንዳኔ ጌይ ካራ ባይዚ ዒጊጩኔ፤

12 ዓማና ሃይሶይዳፓ ዓቲ ዓሳ ዑፃ ከፃ ባካ ሚርጌና ዔያቶይዳ ዋልቃዳሢሮ ዴራ ሲያ ፔኤኮ ያኦዘ ባንሢ ዩኤኪ ዩኤኪ ዒላቴኔ።

6

ያኦሲኮ ጩኣቁሞ ሳኣዲና ማዔሢ

1 ያኦሲኮ ጩኣቁሞ ሳኣዲና ፒሊስጻኤሜ ዓጮይዳ ላንካይ ዓጊኒ ዴዔሰካፓ፡

2 ፒሊስጻኤሜ ዴራ ዔያቶኮ ቄኤሶንታ ዠዋዋ ዔኤሊ፡- «ያኦሲኮ ጩኣቁሞ ሳኣዲኖ ኦ ዋዴቴ ኮሺዳይ? ጊንሣ ዋንዴ ሙኬ ቤዘ ማሂ ኦ ዳካኒ ጌዔቴ ዋዴ ኦ ዳኮንደይ? ጎይያ ኦሞ ከኤዘዋቴ» ጌይ ያኦጩኔ።

3 ዔያታ ማሃዎ፡- «ዒሰራዔኤሌ ዓሶ ያኦዛሢኩ ጩኣቁሞ ሳኣዲኖ ማሂ ዳካኒ ዒንሢ ኮዔቴ፡ ዒንሢኮ ዳቢንቶ ዛሎሮ ዒንጎ ባኣዚ ዒንጊ ዋላ ዳካንዳያ ኮይሳኔ፤ ጩኣቁሞ ሳኣዲኖ ፔቴታዎ ዔኤቢ ዒንጉዋዎ ማሂ ዳካንዳያ ኮይሱዋሴ፤ ዒንሢ ዩያይዴቴ ደርዓሢፓ ዳቃንዳኔ፤ ሃሣ ዒዚ ዒንሢ ሚርጌና ሜታሴሢሮ ዓይጎርታቴያ ዒንሢ ዔራንዳኔ» ጌዔኔ።

4 ዴራ ዒማና፡- «ኦኡኮ ዳቢንቶሮ ዒንጎ ባኣዚ ማሂ ዓይጎ ኦ ዒንጊ ዳኮንደይ?» ጌይ ያኦጩኔ።

ቄኤሶንታ ዠዋንታ ማሃዎ፡- «ዑፃ ከሰካ ዳንጮና ከያና ማሊሲ ዋርቄና ኮሸና ደንጎ ናኣቦ፤ ሃሣ ፒሊስጻኤሜ ዓሶ ካኣቶ ሚርጉሞጉዴያ ሂኢዳ ማሊሲ ዋርቄና ማዠና ደንጎ ናኣቦ ማዓንዳያ ኮይሳኔ፤ ዩይ ዒንሢ ሲያሢንታ ዒንሢኮ ደንጎ ካኣቶንታይዳ ዳኪንቴ ደርዓሢ ፔቴ ማዔሢሮከ።

5 ዒንሢኮ ዓጮ ባይዛንዳጉዲ ዳኪንቴ ሂኢያንታ ዑፃ ከፃ ባኮንታ ማሊሲ ዩንሢ ዒንጎ ባኮንሢ ኮሺ ዒሰራዔኤሌ ዓሶ ያኦዛሢ ዒንሢ ቦንቻንዳያ ኮይሳኔ፤ ዩያ ዒንሢ ማዴቴ ጎያንቴ ዒንሢንታ ዒንሢኮ ያኦዘንታ ዓጮንታ ኩርሲያ ዒ ሃሻንዳያ ናንዳኔ፤

6 ጌብጻ ዓጮ ካኣተና ጌብጻ ዓሶና ማዴሢጉዲ ዓይጎር ዒንሢኮ ዒኖ ዒንሢ ደዲሻይ? ዒሰራዔኤሌ ዓሳ ጌብጻ ዓጮይዳፓ ከሰከሢ ያኦሲ ጌብጻ ዓሶ ሚርጌና ሜታሴሢኮ ጊንፃፓቲዳ?

7 ይኛህ ሃሳብ ዓኪ ሳርጌላ ያይታገታ ዋኣደገቲ ቤቀባኣ ላምዖ ናይንዳ ባይ ገአጊሹዋቲ፤ ዩንሢ ባኣቶንሢ ዋኣደ ሳርጌሎ ያይቲሎ ቃንባርይዳ ቱኪጋፓ ናኣር ዔያቶኮ ቁሪ ገንሣ ባርቶ ጌልዙዋቲ፤

8 ዩካፓ ያኦሲኮ ጩኣቁሞ ሳኣዲኖ ዔኪ ዒንሢ ገአጊሹ ያይቶይዳ ጌሡዋቲ፤ ዒንሢኮ ደቢንቶ ዛሎ ዒንጎ ዒንጊዖ ዎላ ዳካኒ ዎርቆና ዒንሢ ኮሼ ዲማ ዲማ ባኮ ሳኣዲኔ ጋርካ ዓጊ ጩኣቁሞ ሳኣዲኖ ኮይላ ጌሡዋቲ፤ ዩያይዳሰካፓ ጎይዖ ኬሲ ዳንዳንዳጉዲ ሃሹዋቲ።

9 ዓካሪ ዎዘም ዳንዳቲያ ዛጉዋቲ፤ ቤትሹሜሼ ካታሞ ባንሢ ዳንዳያ ማዔቲ ዩያ ኩርሳ ባኮ ኑጊዳ ዳኬሢ ዒሰሪዔኤሌ ዓሶ ያኣዛሢ ማዔሢ ዔርዛኔ፤ ጋዓንቲ ዩኖ ባንሢ ዓኣዲዎያ ማዔቲ ዩይ ባይሲንታ ኑጊዳ ሙኬሢ ያኦሲ ዳኬምቱዋንቲ ጉሪ ሙሙኬ ባኣዚታሢ ኑ ዔራራንዳኔ» ጌዔኔ።

10 ዓሳ ዒማና ጌይንቲ ጎይዖ ማዳኔ፤ ላምዖ ናይንዳ ባይ ዔኪ ሳርጌላ ያይታ ቱኡቲ ዓኣ ቃንባራይዳ ዎኣደሰካፓ ናኣር ቁራዖ ባርቶ ጌልዚ ካር ዎዳኔ።

11 ያኦሲኮ ጩኣቁሞ ሳኣዲኖ ዔኪ ሂኢያንታ ኪፃ ባኮንታ ማሊሲ ዎርቆና ኮሺንቲ ባኮ ኩንሢ ጌሦና ሳኣዲኖ ሳርጌሎ ያይቶይዳ ጌሢኔ፤

12 ዩካፓ ባኣቶንሢ ጎይዖ ኬሰኪ ሴካ ሃንጋ ጎዑዎዖ ፒዝ ጌይ ቤትሹሜሼ ካታሞ ባንሢ ዳንዳሢ ዓርቄኔ፤ ዔያታ ዳንዳ ዎዶና ያኦሊ ያኦሊ ዓኣዳኔ፤ ዒማና ፒሊሰፄኤሜ ካኣቶ ዶንጎንሢ ዳንዳ ቤትሹሜሼኮ ዛጳ ሄላንዳኣና ገንዖ ዳንዳኔ።

13 ቤትሹሜሼ ዓሳ ፔቲ ዶኦቹዳ ዛርጌ ጩኦሪቤቃ ዳግ ጌይ ዛጋዖ ያኦሲኮ ጩኣቁሞ ሳኣዲኖ ዳንቄኔ፤ ዩያ ዔያታ ዳንቄሢር ኮሺ ዎዛዳኔ።

14 ሳርጌሎ ያይቲላ ቤትሹሜሼይዳ ናንጋ፡ ዒያሱ ጌይንታ ዓሲሰኬያኮ ጎሺ ጌሊ ዳኤፒ ሹቹኮ ኮይላ ሙካዖ ዔቄኔ። ዳራ ዒማና ሳርጌሎ ያይቲሎኮ ሚዖ ጳሊ፡ ባኣቶንሢያኣ ሹካዖ ያኦሲም ሚቹ ዒንጎ ዒንጊሢ ማሂ ሺኢሹኔ።

15 ዒኢካ ዓኣ ሊዎ ዒሳ ያኦሲኮ ጩኣቁሞ ሳኣዲኖንታ ዎርቃ ኩሚ ዓኣ ሳኣዲኖ ዔኪ ዳኤፖ ሹጫሢ ዑፃ ጌሢኔ፤ ዒማና ቤትሹሜሼ ዓሳ ናንገና ናንጋ ጎዳም ሚቹ ዒንጎ ባኣዚንታ ሜሌ ባኮዎ ቢያ ዒንጌኔ፤

16 ዶንጎ ፒሊሰፄኤሜ ካኣቶንሢ ዩያ ቢያ ዛጌሰካፓ ዩኖ ዓሶ ማዒ ገንሣ ዔቅሮኔ ዳንዳኔ።

17 ፒሊሰፄኤሜ ዓሳ ዔያቶኮ ደቢንቶ ዛሎ ዒንጎ ባኮ ማሂ ናንገና ናንጋ ጎዳም ዳኬ ዑፃ ኪፃ ባኮ ማሊሲ ኮሾና ዎርቆ ናኣሶንሢ፡- ዓሽዶዳ ሱንሢና፡ ጋኣዛ ሱንሢና፡ ዓሰቄሎና ሱንሢና፡ ጋኣቲንታ ዔቅሮኔ ካታሞ ሱንሢና ዳኪንቲያኬ።

18 ሂኢዎ ማሊሲ ዋርቆና ማዠናዘንሢኮ ፓይዳ ደንሳ ፒሊሰጻኤሜ ዓሶ ካኣታ ዎይሣ፡ ዙሎ ኮሺ ዲርቂ ማዠና ካታሞንሢና ዩያቶኮ ኮይላ ዓኣ ጉርዶ ፓይዶ ጉዴያኬ። ቤትሹሜሹይዳ ናንጋ ዒያሱ ጎዡ ጋራ ያኦሲኮ ጫኣቁሞ ሳኣጻና ገሢንጉቴ ዳኤፖ ሹጫሢ ዩያ ማዲንጉቴ ባኮኮ ሃኖ ሄላንዳኣና ማርካ ማዒ ዓኣኔ።

19 ዒማና ቤትሹሜሹ ዓሳ ያኦሲኮ ጫኣቁሞ ሳኣጻኖኮ ጋር ዘገሢሮ ናንገና ናንጋ ጎዳ ዔያቶይዳ ደጋዲ ዔያቶ ባኣካፓ ለንካይታሚ ዓሲ ዎዴኔ፤ ናንገና ናንጋ ጎዳ ዩያይዲ ዔያቶ ባኣካፓ ዓሶ ኩርሴሢሮ ቤትሹሜሹ ዓሳ ያዩ ዩኤኬኔ።

ያኦሲኮ ጫኣቁሞ ሳኣጻና ቂርያትይዓሪሜይዳ

20 ዩያሮ ቤትሹሜሹ ዳራ፡- «ሃያ ዲማዴ ያኦዛሢ ቤርታ ያኦኒ ጫርቂ ዔቃንዳይ? ዒዛኮ ጫኣቁሞ ሳኣጻኖ ኑ ኮይላፓ ኬሲ ዎካ ዳኮንደይ?» ገዔኔ።

21 ዩካፓ ቂርያትይዓሪሜ ዓሶም፡- «ፒሊሰጻኤሜ ዓሳ ያኦሲኮ ጫኣቁሞ ሳኣጻኖ ኑ ኮራ ዔኪ ሙኬሢሮ ዒንሢ ሙኪ ዔኩዋቴ» ገዒ ኪኢታ ዓሲ ዳኬኔ።

7

1 ዒማና ቂርያትይዓሪሜ ዓሳ ሙኪ ናንገና ናንጋ ጎዳኮ ጫኣቁሞ ሳኣጻኖ ዔኪ ገሜራዳ ዓጫ ናንጋ፡ ዓቢናዳኣቤ ጎዶ ዓሲሰኬያ ማእሪ ገልዜኔ፤ ዒኢካ ዔያታ ናንገና ናንጋ ጎዳኮ ጫኣቁሞ ሳኣጻኖ ካፓንዳጉዲ ዒዛኮ ናኣዚ ዓላዜሬ ዩያም ዲማሲ ደኦሬኔ።

ሳሙዔኤል ዒሰራዔኤል ዓሶኮ ሱኡጌ ማዔሢ

2 ዩካፓ ያኦሲኮ ጫኣቁሞ ሳኣጻና ያዶሲ ዎዴ ቂርያትይዓሪሜይዳ ዴዔኔ፤ ዒኢካ ዴዔሢ ላማታሚ ለዔ ጉዴያኬ፤ ዒማና ዒሰራዔኤል ዓሳ ናንገና ናንጋ ጎዳ ዔያቶ ማኣዳንዳጉዲ ዒዛ ባንሢ ዒላቴኔ።

3 ሳሙዔኤል ዒሰራዔኤል ዴሮም፡- «ጉቤ ዒናፓ ናንገና ናንጋ ጎዳ ባንሢ ዒንሢ ማዓኒ ኮዔቴ ሜሌ ያኦዞ ቢያ፤ ባሹና ዓሰታሮቴ ገይንታ ላኣሊ ማሎና ማዠናጉቴ ያኦዜሎ ባይዙዋቴ፤ ዒንሡሞ ጉቤ ናንገና ናንጋ ጎዳም ዒንገ ዒዛ ሌሊ ካኣሽኩዋቴ፤ ዒዚ ፒሊሰጻኤሜ ዓሶ ኩጫፓ ዒንሢ ዓውሳንዳኔ» ገዔኔ።

4 ዩያሮ ዒሰራዔኤል ዓሳ ባዓኣሌና ዓሰታሮቴና ገይንታ ያኦዞ ባይዚ፡ ናንገና ናንጋ ጎዳ ሌሊ ካኣሽኬኔ።

7:1 2ሳሙ. 6:2-4፤ 1ዮኦሲ. ዓሃኬ 13:5-7።

5 ዩካፓ ሳሙዔኤል፡- «ታኣኒ ዒንሢሞ ናንገና ናንጋ ጎዳ ሚደጳይዳ ሺኢቃንዳሢሮ ዒኢካ ቡኩዋቴ» ጌይ ዒሰራዔኤል ዓሶ ጉቤ ዔኤል።

6 ዩያሮ ዔያታ ፔቱሞና ሚደጳይዳ ቡኩኔ፤ ዒኢካ ዔያታ ዋኣሢ ዲይ ዔኪ ያኦሲሞ ዒንጎ ባኣዚ ማሂ ላኣሊ ዩኖ ኬሎ ጉቤ ዔኤሊ ሙዋዎ ፔኤቄ፤ ዒማና ዔያታ፡- «ኰኒ ናንገና ናንጋ ጎዳም ዋይዘ ዒዲ ዳቤ» ጌይ ዳቢንቶ ፔኤኮ ቡኩዌ፤ ዒሰራዔኤል ዓሶ ባኣካ ማኸገታ ሞኦቶ ማዔቲያ ሜሌ ሜሌ ጌኤሲ ሳሙዔኤል ጌሰቲ ዋጋሢ ዩኖ ሚደጳይዳኩ።

7 ዒማና ዒሰራዔኤል ዓሳ ሚደጳይዳ ቡኩሢ ፒሊሰዌኤሚ ዓሳ ዋይዘዎ ዶንጎ ፒሊሰዌኤሚ ካኣታ ዔያቶ ያላኒ ፔኤኮ ያላ ዓሶ ዔኪ ኬሰኬ፤ ዩያ ዒሰራዔኤል ዓሳ ዋይዘዎ ዒጊጨ፡-

8 ሳሙዔኤሊም፡ «ፒሊሰዌኤሚ ዓሶ ኩጫፓ ኑና ዒ ዓውሳንዳጉዲ ናንገና ናንጋ ጎዳ ማዔ ኑ ያኣዛሢ ሺኢቄዎ ኑም ሃሺፖ» ጌዔ።

9 ዩያሮ ሳሙዔኤል ጉኡጲባኣ ዳካ ማራናይ ሹኪ ጉቤና ሚቹ ዒንጎ ዒንገሢ ማሂ ናንገና ናንጋ ጎዳም ሺኢሺ፤ ዩካፓ ዒሰራዔኤል ዓሶ ዘሎ ናንገና ናንጋ ጎዳ ዒ ሺኢቃዘ ሺኢጲ ያዒዛኮ ዒዚ ዋይዜ፤

10 ሳሙዔኤል ሚቹ ዒንጎ ባኮ ናንገና ናንጋ ጎዳም ዒንጋ ጎይሢ ዓኣንቲ ፒሊሰዌኤሚ ዓሳ ዒሰራዔኤል ዓሶ ያላኒ ሙኩ፤ ጋዓንቲ ዒማ ኬሎ ናንገና ናንጋ ጎዳ ጫሪንጫፓ ዳኤፒ ጉጉንሢ ጉጉንሢም ፒሊሰዌኤሚ ዓሳ ዒጊጨ ጎጋይቂ ዒሰራዔኤል ዓሶ ቤርታፓ ጳሽኬ።

11 ዩያሮ ዒሰራዔኤል ዓሳ ሚደጳፓ ዔቂ ዔያቶኮ ቤርታፓ ጳሽኬ ፒሊሰዌኤሚ ዓሶ ዳንዲ ቤትካራ ጌይንታ ቤዘኮ ዳሞ ሄላንዳኣና ዳውሲ ዳውሲ ጎይፃ ዔያቶ ዋዳ።

12 ዒማና ሳሙዔኤል ፔቲ ሹቹ ዔኪ ሚደጳና ሺኔ ጌይንታ ቤዘኮ ባኣካ ዳኣቢ፡- «ናንገና ናንጋ ጎዳ ሃኖ ሄላንዳኣና ኑና ማኣዳ፤» ጋዓኒ ዩኖ ሹጮ «ዓቤንዔዜሬ» ጌይ ሱንሢ ጌሢ።

13 ዩያይዲ ፒሊሰዌኤሚ ዓሳ ያሎና ባሺንቲ፤ ሳሙዔኤል ናንጌ ዋዶ ቢያይዳ ናንገና ናንጋ ጎዳ ዒሰራዔኤል ዓሶና ዋላ ማዔሢሮ ፒሊሰዌኤሚ ዓሳ ዒሰራዔኤል ዓሶ ያላኒ ኬሰኪባኣሴ።

14 ዩያኮ ቤርታ ፒሊሰዌኤሚ ዓሳ ያሎና ባሺ ዓርቄ፡ ዔቅርኔና ጋቲናኮ ባኣካ ዓኣ ካታማ ቢያ ዒሰራዔኤል ዓሶም ማሂንቲ፤ ሃሃ ዒሰራዔኤል ዓሳ ፔኤኮ ዘጸ ዓኣ ካሮና ቢያ ማሂ ዔኬ፤ ዩያሮ ዒሰራዔኤል ዓሶና ዓሞራ ዓሶና ዋላ ጊኢጊ ናንጌ።

15 ሳሙዔኤል ናንጌ ዎዶይዳ ቢያ ዒሰራዔኤል ዓሶኮ ሱኡጌ ማዒ ናንጌኔ።

16 ዒዚ ለዓ ለዓ ቤኤቴኤሌንታ ጌልጌላንታ ማደጸኣ ዓኣዲ ዓኣዲ ዒሰራዔኤል ዓሶ ባኣካ ማዢንታ ጌኤዞ ጌሰቲ ዎጋኔ።

17 ዩካፓ ዒዚ ናንጋ ራኣማ ማዒ ዴንዲ ዴንዲ ዒኢካ ዓኣ ጌኤዞ ዞ ዞጋኔ፤ ራኣማይዳ ናንጊና ናንጋ ጎዳም ዒንጎ ባኣዚ ዒንጎ ቤሲያ ዒ ኮሼኔ።

8

ዒሰራዔኤል ዴራ ካኣቲ ካኣታህኒ ያኦጩህ

1 ዩካፓ ሳሙዔኤል ጋርቻዎ ፔኤኮ ላምዎ ናኣቶ ዒሰራዔኤል ዓሶኮ ሱኡጌ ማሂ ዶኦሬኔ፤

2 ዒዛኮ ቶይዶ ናዓህኮ ሱንፃ ዒዩዔኤሌ፤ ጌኤዛህ ሱንፃ ዓቢያ ጌይንታያ ማዓዛ ዔያታ ቤርሳቤ ካታሞኮ ሱኡጌ ማዒ ዶኦሬንቲኔ።

3 ጋዓንቴ ዔያታ ዔያቶኮ ዓዴ ማዴ ጎይያ ማዲባኣሴ፤ ዩያ ሃሺ ማኢሽ ኮዓ ዓሲ ማዒ ዴማና ዒንጎ ማኢሽ ዔኪ ዔኪ ዓሶኮ ጌኤዞ ፒዜ ዎጉዋሴ።

4 ዩያሮ ዒሰራዔኤል ዓሶኮ ሱኡጋ ፔቱሞና ቡኪንቲ ሳሙዔኤል ዓኣ ቤዞ፤ ራኣማ ሙካዖ፡-

5 «ዎይዘ! ኔ ሃህ ጋርቹኔ፤ ኔኤኮ ናኣታ ኔና ማሊ ኔ ማዴህ ጎይያ ማዲዋኣህሮ ማሌ ዓጮይዳ ማዲንታህጉዲ ኦና ዎይህንዳ ካኣቲ ኦም ካኣታሴ» ጌዔኔ።

6 ካኣቲ ዔያቶም ዒ ካኣታሳንዳጉዲ ዓሳ ዒዛ ያኦጩህሮ ሳሙዔኤል ያዩ ናንጊና ናንጋ ጎዳ ሺኢቄኔ፤

7 ዩያሮ ናንጊና ናንጋ ጎዳ ሳሙዔኤሌም፡- «ዴራ ጋዓ ባኮ ቢያ ዎይዜ፤ ዔያታ ኔናቱዋንቴ ታኣኒ ዔያቶ ዑፃ ካኣታዲ ናንጉዋጉዲ ዔያታ ታና ቶኦቹኔ።

8 ታኣኒ ዔያቶ ጊብፃ ዓጮፓ ኬሴሰካፓ ዓርቃዎ ዔያታ ታና ሃሺ ማሌ ያኦዞ ካኣሽኪ ካኣሽኪ ናንጌኔ፤ ዩያሮ ዔያታ ታኣም ማዴ ጎይያ ኔኤማኣ ማዲህ ዓርቄኔ፤

9 ዓካሪ ሃህ ዔያታ ጋዓ ባኮ ዎይዜ፤ ጋዓንቴ ዔያቶኮ ካኣታ ሃጊ ዔያቶም ማዲንዳ ባኮ ቢያ ፔጋሲ ላቲ ዔያቶም ኬኤዜ» ጌዔኔ።

10 ሳሙዔኤሌያ ካኣቲ ካኣታህንዳጉዲ ያኦጩ ዴሮም ናንጊና ናንጋ ጎዳ ጌዔ ባኮ ቢያ ኬኤዜኔ፤

8:5 ላሚ. ዎማ 17:14።

11 ዒ ከኤዛዎ፥ «ዒንሢኮ ካኣቲ ዒንሢሞ ማዳንዳ ባካ ያዲኩ፡- ዒንሢኮ ባቲንቆ ናኣቶ ዒ ዔኪ፥ ሳርጌሎ ያይቶና ፓራሢናይዳ ዴዒ ያለ ያልዚ ዓሲ ማሃንዳኔ፤ ሃሃ ፓራሢኮቦ ቤርታ ዓኣዲያ ዔያቶ ዒዚ ማሃንዳኔ፤

12 ዔያቶይዳፓ ፔቲ ፔቲሢ ያሎ ያለ ሺዮ ዓሶ ዓይሣያ፤ ዛሎ ሃሃ ያሎ ያለ ዶንጊታሞ ዓሶ ዓይሣያ ማሂ ዔያቶ ዒ ዶኦራንዳኔ፤ ሃንጎሞቶ ሃሃ ካኣቲኮ ጎዡ ጎሽካ ዓሶና ሃኣኮ ቡኩሳ ዓሶ ማሃንዳኔ፤ ዛሎ ጊንሣ ያሎ ዓንጋሞ ኮሻያና ሳርጌሎ ያይቶ ኮሻያ ማሃንዳኔ፤

13 ዬያጉዲ ዉዲሮ ናኣታ ዒንሢኮ ካኣቲሞ ሳሙቃ ቲዡ ጊኢጊሻያና ዋፆ ዋፆና ካሣ ካሣያ ማዓንዳኔ፡፡

14 ዒንሢኮ ማሎ ማሎ ጎዡንታ ዋይኖ ቱኮ ቤዘንታ ዛይቶ ሪሚቶንታ ቢያ ዔኪ ዒዛኮ ዶንዘሞ ዒንጋንዳኔ፡፡

15 ዒንሢኮ ሃኣኮንታ ዋይኖኮሞ ታጳፓ ፔቲማ ዔኪ ዔኪ ዒዛኮ ዶንዘና ቶኮናሞ ዒዚ ዒንጋንዳኔ፡፡

16 ዒንሢኮ ማዶ ማዶ ባቲንቆንታ ላኣሎንታ፤ ዬያጉዲ ዒንሢኮ ባኣቶንታ ሃርንታፓ ሚዛጳ ሚዛጳ ዔኪ ፔኤሞ ዒ ማሃንዳኔ፡፡

17 ማራቶና ዋኣርናኮሞ ታጳይዳፓ ፔቲማ ዒዚ ዔካንዳኔ፤ ዒንሢኮ ዒዛሞ ካራሚ ማዓንዳኔ፡፡

18 ዬይ ያዲ ማዔ ዋዶና ዒንሢ ናሽኪ ዶኦሬ ካኣታሢ ማዶ ጌኖ ማዶሮ ዒንሢ ዒላታንዳኔ፤ ናንጊና ናንጋ ጎዳ ጋዓንቲ ዒንሢኮ ዒላቶ ዋይዛዓኩ» ጌዔኔ፡፡

19 ዬይ ያዲ ማዔቲያ ሳሙዔኤሌ ከኤዛ ባኮ ቢያ ዴራ ዔኤቢኬ ጌይባኣሴ፤ ዔያታ ዒማና፡- «ዬያ ኔኤሮ ሃሼ! ኑ ኑኡኮ ካኣቲ ዓኣያ ማዓንዳጉዲ ኮዓኔ፤

20 ኑ ያዲዴሞ ሜሌ ዴራ ማዶ ጎይያ ዬይ ካኣታ ኑና ዋይሣያ፤ ኑኡኒ ሞርኮና ዋላ ያልታኣና ዔኪ ከሲ ያሊሳንዳ ካኣቲ ኑኡኮ ዓኣያ ማዓንዳኔ» ጌዔኔ፡፡

21 ዬያሮ ሳሙዔኤሌ ዴራ ጋዓ ባኮ ቢያ ዋይዛያ ዴንዲ ናንጊና ናንጋ ጎዳሞ ከኤዜኔ፤

22 ናንጊና ናንጋ ጎዳ ሳሙዔኤሌሞ፡- «ዔያታ ኔና ያኦጩ ጎይያና ካኣቲ ዔያቶሞ ካኣታሴ» ጌዔኔ፤ ዬካፓ ሳሙዔኤሌ ዴራ ፔኤኮ ማኣሪ ማኣሪ ዴንዳንዳጉዲ ዳኬኔ፡፡

9

1 ቢኢኒያሜ ፃጳፓ ቁኢሴ ጌይንታ ፔቲ ዔርቲ ያርጎቺ ዓሲሰኬይ ዓኣኔ፤ ዒዚ ዓቢዔኤሌ ናይ፥ ጃሮሬኮ ናኣዚ ናይ ማዓዛ ዓፕሃ ቶኦኪ ማዔያ ቤኮራቲ ማኣሪ ዓሲኬ።

2 ቁኢሴኮ ምኣኒያ ዒዛጉዲ ሚዛጵሞያ ሳኦፕኤሌ ጌይንታ ናይ ዓኣኔ፤ ሳኦፕኤሌ ዔጵና ዓሶ ቢያይዳፓ ምደሲ ሚዛጵሞናኣ ባሼኬ።

3 ሳኦፕኤሌኮ ዓዶ፥ ቁኢሴኮ ሃሬ ባይቁም ዒዚ ፔናኣዚ ሳኦፕኤሌ ኮራ፡- «ዓይሎይዳፓ ፔቲ ዓሲ ዔኪ ዴንዲ ባይቁ ሃር ኮዔ» ጌይ ዓይሄኔ።

4 ዬያሮ ሳኦፕኤሌንታ ዓይሌሰኬያንታ ሞላ ጌሜራዳ ዔፕሬኤሜ ዓጮና ቫለቫና ጌይ ሃር ኮይዖ ዓርቁኔ፤ ጋዓንቲ ዔያታ ሃር ዴንቃኒ ዳንዳዒባኣሴ፤ ዬካፓ ቫዕለሚ ዓጮሞ ዴንዲ ኮዓዖ ዴንቁባኣሴ፤ ሃሃ ጊንሣ ቢኢኒያሜ ዓጮይዳና ጌይ ኮይ ኮይ ዴንዴኔ፤ ጋዓንቲ ዔያታ ሃር ዴንቃኒ ዳንዳዒባኣሴ።

5 ዬያሮ ጌዒ ፀፕ ዓጮ ዔያታ ሃላዛ ሳኦፕኤሌ ዓይላሢ ኮይላ፡- «ማይ ኑ ማኣሪ ማዒ ዴንዳንዳኔ፤ ዓይጎር ጌዔቲ ኑ ዓዴ ሃር ዛሎ ሃሺ ዓካሪ ኑ ዛሎ ማሊ ማታዳንዳኔ» ጌዔኔ።

6 ዒማና ዓይላሢ፡- «ጮክ ጌዔ! ሃሮ ካታሞይዳ ኮሺ ቢንቸንታያ፥ ፔቲ ያኦሲ ዓሲሰኬይ ዓኣኔ፤ ዒዚ ኬኤዛ ባካ ቢያ ዒ ጌዔ ጎይዖማ ኩኩማኔ፤ ዬያሮ ዒዛ ኮይላ ኑ ዴንደሞ፤ ጎዓንቲ ሃር ኑ ሞካፓ ዴንቃኒ ዳንዳዒቲያ ዒዚ ኩም ኬኤዛንዳኣናንዳኔ» ጌዔኔ።

7 ሳኦፕኤሌ ጊንሣ፡- «ዓኣዶ ኑ ዓኣዳንዳኔ፤ ጋዓንቲ ዬያ ያኦሲ ዓሢሞ ዓይጎ ባኣዚ ኑ ዒንጋንዳይ? ጋላ ኑኡኮ ሉኮይዳፓ ጋፔኔ፤ ሚሌ ኑ ዓይጎ ዒንጋንዳ ባኣዚ ዓኣይ?» ጌዔኔ።

8 ዓይላሢ ማሃዖ፡- «ታ ኮራ ሃይሃ ጊራኣሚ ማዓንዳ ሹቸ ቢራ ዓኣኔ፤ ዒማ ኑ ዒንጋንዳኔ፤ ዒዚ ሃር ኑ ሞካፓ ዴንቃንዳቲያ ኬኤዛንዳኔ» ጌዔኔ።

9-11 ሳኦፕኤሌ ዒማና፡- «ቃራኬ! ቢሬ» ጌዔኔ፤ ዬያሮ ያኦሲ ዓሢ ዓኣ ካታሞ ዔያታ ዴንዲ ካታሚሎ ጌላኒ ጌሚሮ ሉካ ኬሰካንቲ ሞኣሢ ዲዓኒ ሙካ ዉዲሮ ናይና ካኣሚኔ፤ ዬያቶ ኮይላ ዔያታ፡- «ያኦሲ ፔጋሲ ዳሞ ባኣዚ ዴንቁ ኬኤዛ ዓሲ ሃሮ ካታማ ዓኣ?» ጌይ ያኦጮኹ።

ያኦሲ ማላሢ ኬኤዛ ዓሲ ዬኖ ሞዶና «ያኦሲ ፔጋሲ ዳሞ ባኣዚ ዴንቁ ኬኤዛ ዓሲ» ጌይንታኔ። ዬያሮ ፔቲ ባኣዚ ያኦሲዳፓ ያኦጮ ዴንቃኒ ኮዓ ዓሲ ቢያ፡- «ያኦሲ ፔጋሲም ዴንቁ ኬኤዛ ዓሢ ኮይላ ኑ ዓኣዶም» ጋዓኔ።

12-13 ዒማና ዉዲሮ ናኣቶንሢ፡- «ሂኖ ዓኣኔ! ዬይሾ ዒንሢኮ ቤርታ ዴንዳኔ፤ ሩኡሪ ሩኡሪ ዒንሢ ዴንዳቲ ዒዛ ሃላንዳኔ፤ ካታሞ ዒንሢ ጌጌላዖ ዒዛ ዴንቃንዳኔ፤ ዒዚ ዴራ ሃሮ ያኦሲም ዒንጎ ባኮ

ዲጋጋጊ ገሊጊንቴሢረ ሃይካ ካታሞ ሙኬኔ፤ ዲዚ ዲንጎ ባኮ ቤርታዲ ዓንጃንዳያ ኮይሳኔ፤ ዲኢካ ሙኬ ዴራ ዲዚ ሙኩዋንቴ ዬያ ሙዖ ፔቴታዖ ሙዑዋሴ፤ ዬያሮ ሃሢ ዲንሢ ኬሰኬቴ ዲዚ ሙዖ ሙዓኒ ካኣኩ ቤዞ፤ ጌሜሮ ኬሰኩዋንቴ ዲዛ ዲንሢ ዴንቃንዳኔ» ጌዔኔ።

14 ዬካፓ ሳኦኦኤልንታ ዓይላሢንታ ካታሜሎ ኬሰኪ፤ ሃጊ ዔያታ ጌሊያይዳ ዓኣንቴ ሳሙዔኤል ካኣኩ ቤዞ ዓኣዲኒ ኬሰኪ ዔያቶ ባንሢ ሙኬኔ።

15 ሳኦኦኤል ሙካንዳሢኮ ፔቴ ኬሊኮ ቤርታ ናንጊና ናንጋ ጎዳ ሳሙዔኤልም፡-

16 «ዚሮ ሃይማ ዎዴ ቢኢኒያሜ ፃጳፓ ፔቴ ዓሲ ኔ ኮይላ ታ ዳካንዳኔ፤ ታ ዴሮኮ ዒላታ ታና ሄሌሢሮ ዔያቶኮ ሜታሢ ታ ዛጌኔ፤ ዬያሮ ዲዚ ፒሊሰፃኤሜ ዓሳ ታኣኮ ዴሮ ሜታሲ ዎይሢ ዎይሢፃፓ ኬሳንዳሢሮ ዲዛ ዲሰራዔኤል ዓሶኮ ሱኡጌ ማሂ ቲሽኪ ዶኦሜ» ጌዔኔ።

17 ሳሙዔኤል ሳኦኦኤል ዴንቃኣና ናንጊና ናንጋ ጎዳ ሳሙዔኤልም፡- «ቤርታ ታ ኔኤም ኬኤዜ ዓሢ ሃያኬ፤ ዲ ታ ዴሮኮ ሱኡጌ ማዓንዳኔ» ጌዔኔ።

18 ሳኦኦኤል፡ ካታሞ ጌሎ ዲያ ካሮ ኮይላ ዓኣ ሳሙዔኤል ባንሢ ሙካዖ፡- «ዖኦሲ ፔጋሲ ዳዋ ባኮ ዴንቁ ኬኤዛ ዓሢኮ ማኣራ ዓንካዳይ ታኣም ኬኤዜቴራ?» ጌዔኔ።

19 ሳሙዔኤል ማሃዖ፡- «ዬይ ዓሢ ታናኬ፤ ቤርታዲ ሃሢ ካኣኩ ቤዞ ዴንዴ፤ ሃሮ ዲንሢ ለምዓሢ ታኣና ዎላ ሙዓንዳኔ፤ ዚሮ ጉቴ ኔ ጎኦጫ ባኮ ቢያ ታ ኔኤም ኬኤዚ ዳካዛ ኔ ዓኣዲንዳኔ፤

20 ሃይሃ ኬሊኮ ቤርታ ኔኤኮ ባይቁ ሃራ ጳዴኔ፤ ዬያቶ ዛሎ ሜታዲፖ፤ ጋዓንቴ ዲሰራዔኤል ዴሮኮ ማሊፃ ዖና ዴንቃኒ ኮዓያ ኔኤም ማላይ? ዔያታ ኮዓሢ ኔኤና ኔ ዓዶ ማኣሮ ዓሶናቴዓዳ?» ጌዔኔ።

21 ሳኦኦኤል ዲማና፡- «ታኣኒ ዲሰራዔኤል ፃጳ ባኣካፓ ዳካ ማዔ ቢኢኒያሜ ፃጳፓኬ፤ ሃሃ ዬያ ፃጳፓኣ ታ ማኣሮ ዓሳ ኮሺ ላኣፓኬ፤ ሃሢ ሃያጉዴ ባኣዚ ዓይጋ ኔ ታኣም ኬኤዛይ?» ጌዔኔ።

22 ዬካፓ ሳሙዔኤል ሳኦኦኤልንታ ዓይላሢንታ ዔኪ ዳልጎ ኬኤዖ ጌልዘዖ ሃይሢታሚ ማዓ ሾኦቺ ሙዖሮ ዴዒ ዓኣንቴ ዬያቶሲፓ ዑሃ ዓኣዴ ቃራ ቤሰካ ዴይሢኔ።

23 ዲማና ሳሙዔኤል ካሢንቶ ቤዛ ማዳ ዓሢ ዔኤላዖ፡- «ዴማሲ ጌሢ» ጌይ ታ ኔኤም ዲንጌ ሜኤሎ ዓሽኮ ታኣም ዔኪ ሙኬ» ጌዔኔ፤

24 ዬያሮ ዬይ ዓሢ ቃራ ጉባሲ ዓሽኪ ዔኪ ሙኪ ሳኦኦኤል ቤርታ ጌሢኔ፤ ዲማና ሳሙዔኤል ሳኦኦኤልም፡- «ሃኣዛጌ፤ ሃይ

ኔኤም ዲማሲ ገሢነቴ ቃራ ዓሽኪኬ፤ ታኣኒ ዔኤሌ ሸኦጮና ዋላ ኔ ሙዓንዳጉዲ ታ ገሢነጋታሢሮ ሃያ ሙዔ» ገዔኔ።

ይያር ዬዮ ከሎ ሳኦኦሎ ሳሙዔኤልና ዋላ ሙዔ፡

25 ካኦኦ ቤዛፓ ከዲ ካታሞ ገላዛ ሳሙዔኤል ሳኦኦሎም ላሆንዶ ቤሲ ፔ ማኦራ ኩቦ ጋሮይዳ ገኢጊሺሳዛ ዒዚ ዒኢካ ዋርቄኔ።

ሳሙዔኤል ሳኦኦሎ ተሸኪ ካታሢሢ

26 ዚሮ ጉቴ ሳሙዔኤል ሳኦኦሎ ኩቦ ጋራፓ ዔኤላዎ፡- «ዓካሪ ዔቄ፤ ታ ኔና ዳካዛ ዳንዳኒ» ገዔኔ፤ ሳኦኦሎ ዒማና ላሃ ቤዛፓ ዔቄ ሳሙዔኤልና ዋላ ጎይፆ ከሰከኔ፤

27 ዬካፓ ካታሞኮ ጋፒንፆ ሃላፆ ሳሙዔኤል ሳኦኦሎ ኮይላ፡- «ኔኤኮ ዓይላሢ ቤርታ ዓኦዳንዳጉዲ ዒዛም ከኤዜ» ጋዓዛ፤ ዓይላሢ ቤርታ ዳንዳሰካፓ ሳሙዔኤል ሳኦኦሎ ኮራ፡- «ኔ ዳካ ዔቄ፤ ናንጊና ናንጋ ጎዳ ገዔ ባኦዚ ኔኤም ታኣኒ ከኤዛንዳኔ» ገዔኔ።

10

1 ዬካፓ ሳሙዔኤል ሪሚቶ ዛይቶ ቲዠ ዓርሃና ጉራኖ ዔኪ ሳኦኦሎኮ ቶኦካ ዋሂ ሄርቄሰካፓ፡- «ናንጊና ናንጋ ጎዳ ዒዛኮ ዳር፤ ዒሰራዔኤሎኮ ሱኡጌ ማዓንዳጉዲ ኔና ተሸኪ ዶኦሜኔ፤ ኔኤኒ ዒዛ ዳርኮ ሱኡጌ ማዒ ሞርኮ ኩጫፓ ዔያቶ ዓውሳንዳኔ።

2 ሃኖ ኔ ታጊዳፓ ዲማዲ ዳንዳኦና ቢኢኒያሜ ዓጮይዳ ዓኦ ጭፃሂ ገይንታ ቤዛ ዓኦ ራኦሃሎ ዱኡፖ ኮይላ ላምፆ ዓሲ ኔኤና ካኦማንዳኔ፤ ዬንሢ ዓሶንሢ ኔኤኒ ኮዓ ሃራ ጳዴያ ማዔሢ፤ ሃሃ ኔኤኮ ዓዴ ሃሮ ዛሎ ማሊፆ ሃሺ ኔ ዛሎ ሜታዲ፡- «ናዓሢ ዛሎ ታ ዋዎይታንዳይ?» ገይ ፆኦጫያ ማዔሢ ኔኤም ዔያታ ከኤዛንዳኔ።

3 ዬካፓ ኔኤኒ ዳንዲ ታኦሪይዳ ፔቴ ዳኤፒ ሚሢሰከይ ዓኦ ቤሲ ሃላንዳኔ፤ ዒኢካ ፆኦሲም ዒንጎ ባኦዚ ዒንጊ ካኦሸካኒ ቤኤቴኤሌ ዳንዳ ሃይሃ ዓሲ ኔ ዳንቃንዳኔ፤ ዬንሢዳፓ ፔቴሢ፡- ሃይሃ ዋናናይ ጎቹያ፤ ላምዓሳሢ፡- ሃይሃ ላኦዳ ከዴያ፤ ሃይሃሳሢ፡- ዋይኔ ዑሺ ሉካና ዓርሢ ከዴያ ማዓንዳኔ፤

4 ዔያታ ኔኤና ዔኤሊንታፆ ካሃንሢዳፓ ላምፆንሢ ኔኤም ዒንጋንዳኔ፤ ኔኤኒ ዔካንዳያ ኮይሳኔ፤

5 ጊንሃ ሃሃ ኔ ዳንዲ ፒሊሰጭሜ ዓሶኮ ፆሎ ዓሳ ዲንኪ ዳዔ፤ ጊቢዓ ገይንታ ፆኦሲ ገሜሮ ሙካንዳኔ፤ ዬካፓ ካታሜሎ ገሎ ካሮ ኔ ሃላኦና ፆኦሲም ገሜሮይዳ ዒንጎ ባኮ ዒንጊ ማዒ ሙካ ፆኦሲ ማሊፆ ከኤዛ ዓሳ ቡኪንቲ ዓኦያ ኔ ዳንቃንዳኔ፤ ዔያታ ጎኦላንታ ሹሉንጎንታ ፔቴ ሻሺና ዳንሃ ጎኦሎንታ ዋርቄ ዋርቄ ካራቤያ ባዒ

ባዒ ያኑሲ ቦንቸሞ ዓይናዳንቴ፤ ሃሣ ፔኤኮ ዑኑዞ ጰጊዲ ያኑሲ ማለሢ ኬኤዛንቴ ኔ ሙካንዳኔ።

6 ዓማና ኔ ዔሩዋንቴ ያኑሲኮ ዓያና ዋልቁና ኔጊዳ ኬዳንዳኔ፤ ዩካፓ ዔያቶና ዋላ ኔ ያኑሲ ማለሢ ኬኤዚሢሢ ዓርቃንዳኔ፤ ዲማ ዓሲያ ማዒ ኔ ላኣሚንጎንዳኔ፤

7 ዩንሢ ማላቶንሢ ቢያ ኩማኣና ያኑሲ ኔኤና ዋላ ዓኣሢሮ ኔ ማዳኒ ኮይሳ ባኮ ቢያ ማማዳ፤

8 ያኑሲም ሚቸ ዒንጎ ባኮንጎ ፔቱሞና ዒንጎ ባኮዋ ዒንጋኒ ኔኤና ጎ ካኣማንዳ ቤዞ፡ ጌልጌላ ቤርጎ ጎኣኮ ዳንዳ፤ ጎኣኒ ሙኪ ኔ ዋዋዳንዳቴያ ኬኤዛንዳያ ሃላንዳኣና ላንካይ ኬሊ ዒኢካ ዳዔ» ጌዔኔ።

9 ዩማና ሳኣዎኦሌ ሳሙዔኤሌፓ ዲማዲ ዳንዳኣና ያኑሲ ሳኣዎኦሌ ላኣሚ ሚሌ ዓሲ ማሃኔ፤ ሳሙዔኤሌ ዒዛሞ ማላጎ ማሃ ኬኤዜ ባካ ቢያ ዩዩ ኬሎ ኩሚኔ፤

10 ሳኣዎኦሌንጎ ዓይላሢንጎ ጊቢዓ ሃላዛ ያኑሲ ማለያ ኬኤዛ ዓሳ ቡኪ ዓኣዎ ሳኣዎኦሌና ካኣሚኔ፤ ዓማና ዔርቲባኣንቴ ያኑሲኮ ዓያና ዋልቁና ሳኣዎኦሌይዳ ኬዳም ዔያቶና ዋላ ያኑሲ ማለሢ ኬኤዚሢሢ ዓርቁኔ።

11 ዩያሮ ዩያኮ ቤርጎ ሳኣዎኦሌ ዔራ ዓሳ ዩያ ዒ ማዳሢ ዛጋዎ፡ «ቁኢሴ ናኣዚ ዋዎይቲይ? ሳኣዎኦሌያ ያኑሲ ማለያ ኬኤዛ ዓሶ ማዒያ?» ጌይ ዋሊ ኮይላ ያኑጩኔ።

12 ዒኢካ ናንጋ ፔቲ ዓሲሰኬይ፡ «ሃኣቶ ሃንጎዋቶ፡ ያኑሲ ማለያ ኬኤዛ ዓሶ ዛላ ዋዚዳዎ? ዔያቶኮ ዓደንሢ ያናንሢዳዎ?» ጌይ ያኑጩኔ፤ «ሳኣዎኦሌያ ያኑሲ ማለያ ኬኤዛ ዓሶ ማዒናኣኮዳ?» ጌይንጎ ኮኣኪንሃ ሃይሳ ዩያይዳፓ ዔቁያናኬ።

13 ሳኣዎኦሌ ያኑሲ ማለያ ኬኤዚ ጋፔሰካፓ ጌሚራ ዓኣ ያኑሲም ዒንጎ ባኮ ዒንጎ ቤዞ ኬሰኬኔ።

14 ዓማና ሳኣዎኦሌኮ ማዔ ሳኣዎኦሌንጎ ዓይላሢንጎ ዳንቃዎ፡ «ዒንሢ ዓንካፓ ሙካይ?» ጌይ ያኑጩኔ።

ሳኣዎኦሌ ማሃዎ፡ «ሃራ ኑ ኮሳኒ ዳንዳዎ ዳንቃኒ ዳንዳዒባኣሢሮ ሳሙዔኤሌ ያኑጩኒ ኑ ጌሌኔ» ጌዔኔ።

15 ማዓሢ ዒማና፡ «ዒዚ ዒንሢም ዋዚ ጌዔይ?» ጌይ ያኑጩኔ።

16 ሳኣዎኦሌ ማሃዎ፡ «ሃራ ጴዳሢ ኑም ዒ ኬኤዜኔ» ጌዔኔ፤ ጋዓንቴ ካኣቲ ማዒ ደኑሚንቴያ ማዒያ ሳሙዔኤሌ ኬኤዜሢሢ ማዎም ዒ ኬኤዚባኣሴ።

ሳኣዎኦሌኮ ካኣቲማ ፔጋሲ ኬኤዚንቴሢ

10:12 1 ሳሙ. 19:23-24።

17 ዴራ ናንጊና ናንጋ ጎዳ ቤርታ ማፃፃይዳ ቡካንዳጉዲ ሳሙዔኤል ዔኤሌኔ።

18 ዒኢካ ዒዚ ዴሮም፡- «ናንጊና ናንጋ ጎዳ ማዔ ዒሰራዔኤል ጾኦዛሂ ሂዚ ጋዒኔ፤ ታ ዒንሂ ጊብፆ ዓጫፓ ኬሴኔ፤ ጊብፆ ዓሰንታ ማሌ ዒንሂ ሄርቁ ዎይሂ ካኦቶንታይዳፓ ዓውሲ ታ ዒንሂ ኬሴኔ፤

19 ሃሂ ዒንሂ ጋዒንቲ ማቶይዳፓ ዒንሂ ዓውሴ ጾኦዛሂ ሰሂኦም ሃሂ ኔኤሮ ካኦቲ ካኦታሴ! ጌዔኔ። ዬያሮ ሃሂ ዒንሂኮ ፃፅና ቶኦኮና ፓቁንቲ ፓቁንቲ ናንጊና ናንጋ ጎዳ ቤርቶ ሸኢኩዎቲ» ጌዔኔ።

20 ዬካፓ ሳሙዔኤል ፔቲ ፔቲ ፃፅ ቤርቲም ቤርቲም ኬሰካንዳጉዲ ማሃዛ ናንጊና ናንጋ ጎዳ ቢኢኒያማ ፃፅ ደኦሬኔ፤

21 ሂሊሳፖ ሳሙዔኤል ቢኢኒያማ ፃፅ ማኦሮ ዓሳ ጉቤ ቤርቲም ኬሰካንዳጉዲ ማሃዛ ዬያቶ ባኦካፓ ማፃሬ ማኦሮ ዓሳ ደኦሪንቲኔ፤ ጊንሃ ሃሃ ማፃሬ ማኦሮ ዓሰኮ ዓቲንቃ ቤርቲም ኬሰካንዳጉዲ ማሃዛ ዬያቶ ባኦካፓ ቁኢሴ ናኦዚ፤ ሳኦኦኤ ደኦሪንቲኔ፤ ዔያታ ዬማና ዒዛ ኮዓፖ ዴንቃኒ ዳንዳዒባኦሴ፤

22 ዬያሮ ዔያታ፡- «ዬይ ዓሂ ሃይካ ሙኪያ?» ጌይ ናንጊና ናንጋ ጎዳ ጾኦጮኔ።

ናንጊና ናንጋ ጎዳ ማሃ፡- «ሳኦኦኤ ዬይሾ ማሆ ባኦካ ጌሊ ዓኦሸንቲ ዓኦኔ» ጌዔኔ።

23 ዬያሮ ዔያታ ዑኩና ዴንዲ ዓኦሸንቲ ቤዛፓ ዒዛ ኬሲ ዔኪ ዴሮ ኮይላ ሙካዛ ዴራ ሳኦኦኤ ዔፅና ቢያፓ ባሼ ማዔሂ ዛጌኔ፤

24 ሳሙዔኤል ዒማና ዴሮም፡- «ናንጊና ናንጋ ጎዳ ደኦሬ ዓሂ ሃይሾ ሃያኬ! ኦ ባኦካፓ ዒዛና ቤቃይ ባኦሴ» ጌዔኔ።

ዬካፓ ዴራ ቢያ ዑኡዞ ፔኤኮ ዴጊዲ፡- «ካኦቲ ማርጌ ሌዔ ናንጎንጎ!» ጌዔኔ።

25 ዴራ ካኦቶም ማዳኒ ኮይሳ ዎጌና ዳምቤና ሳሙዔኤል ኬኤዚ፤ ዬያ ማፃኦፔይዳኦ ፃኦፒ ናንጊና ናንጋ ጎዳ ቤርታ ጌሄኔ፤ ዬካፓ ዴሮ ቢያ ፔ ማኦሪ ማኦሪ ዳካዛ፤

26 ሳኦኦኤያ ጊቢዓይዳ ዓኦ ፔ ማኦሪ ማዒ ዴንዴኔ፤ ዒዛ ጊንፖ ዴንዳንዳጉዲ ጾኦሲ ማሊሴም ዔቁ ደዲ ደዲ ፆልዚ ዓሲ ዒዛና ዴንዴኔ።

27 ጋዒንቲ ፔቲ ፔቲ ፓሡዎ ማሊሂ ዓርቁ ዓሲ፡- «ሃያጉዴ ዓሲ ኦና ዎይቲ ዓውሳይ?» ጌይ ዒዛ ሰሂ ፔቲታፖ ዒንጎ ባኦዚ ዒዛም ዒንጊባኦሴ፤ ሳኦኦኤ ጋዒንቲ ዔኤቢ ጌይባኦሴ።

11

ሳኦኦኤ ዓሞኦኔ ዓሶ ፆሎና ባሼሂ

1 ፔቲ ዓጊኒኮ ጊንፃ ዓሞኦኔ ዓጮ ካአቲ፥ ናዖሴ ጌሌዓዴዳ ዓኣ ያቤሼ ካታሞ ያሊ ዓርቃኒ ያልዚ ዓሲና ማንጌኔ፤ ዬያሮ ያቤሼ ዓሳ ናዖሴ ኮራ፡- «ኑ ኔኤና ዎላ ጊኢጊ ናንጋኒ ጫኣቃንዳኔ፤ ኑኡኒ ኔኤኮ ዓይሌ ማዓንዳኔ» ጌዔኔ።

2 ናዖሴ ማሃዖ፡- «ታ ዓንሣና ዎላ ጫኣቃኒ ዳንዳዓሣ ፔቲ ባኣዚ ዓንሣ ዔኤዔቲኩ፤ ዬና ዓይጎዳይ ጌዔቲ ዓንሣ ፔቲ ፔቲሣኮ ማዘቆ ዓኣፖ ታኣኒ ዎቂ ኩሲ ዒሰራዔኤሌ ዓሶ ጋፒንሣ ሶርሲሳንዳኔ» ጌዔኔ።

3 ዒማና ያቤሼ ዓጮ ሱኡጋ፡- «ዒሰራዔኤሌ ዓጮ ጉቤ ከኢታ ዓሲ ኑ ዳካንዳጉዲ ለንካይ ኬሊ ኑሞ ዓንጌ፤ ኑና ዓውሳንዳ ዓሲ ባይቁቲ ኔኤሞ ኑ ኩጮ ዓንጋንዳኔ» ጌዔኔ።

4 ዔያታ ዳኬ ከኢቶ ዓሶንሣ ሳኣዖኦሌ ዓኣ ቤዘ፥ ጊቢዓ ሙካዖ ሃይሶ ኬኤዛዛ ዴራ ቢያ ካራ ባይዚ ዒላቲና ዬኤፕ ዓርቁኔ።

5 ሳኣዖኦሌ ዒማና ዎኣፃ ጌማይ ዒሺ ፔኤኮ ጎዛፓ ማዒ ሙካኔ፤ ዒዚ ዬያ ዎይዘዖ፡- «ሃይ ዓይጎዳይ? ዓሳ ቢያ ዓይጎሮ ዬኤካይ?» ጌይ ያኦጫዘ፥ ያቤሼፓ ሙኬ ዓሳ ጌዔ ባኮ ዒዛሞ ዓሳ ኬኤዘኔ።

6 ሳኣዖኦሌ ዬያ ዎይዛዛ ያኦሲኮ ዓያና ዎልቁና ዒዛይዳ ኬዴኔ፤ ሃሣ ማርጌና ዒ ዳጋዴኔ።

7 ዬካፓ ዎኣፃ ጌማቶንሣ ሹኪ ዓሽኮ ዲቢ ቤሲ ቲቂ ቲቂ ፓቄኔ፤ ዬያ ዓሽኮ ዔከ፡- «ሳኣዖኦሌና ሳሙዔኤሌና ጊንፃ ያልዚሮ ኬሰኩዎ ዓሲ ዓኣቲ ዬዮ ዓሶኮ ጌማታ ሃማዲ ቲቂንታንዳሣ ዔሩዎቲ!» ጌይ ከኢታ ዓሲ ዒሰራዔኤሌ ዓጮ ቢያ ዳኬኔ።

ዬያሮ ዒሰራዔኤሌ ዓሳ ቢያ ናንጊና ናንጋ ጎዳሣ ዒጊጩ ፔቲ ዓሲያ ዓቱዎፃ ቢያ ኬሰኬኔ።

8 ሳኣዖኦሌ ዔያቶ ቤዘቁ ጌይንታ ቤዛ ቡኩሳዛ ዔያቶኮ ፓይዳ፡- ዒሰራዔኤሌፓ ሙኬ ዓሶኮ ሃይሣ ጻኤታ ሺያ፤ ዪሁዳይዳፓ ሙኬ ዓሳ ሃይሣታሚ ሺያከ።

9 ዬካፓ ዔያታ ያቤሼፓ ሙኬ ከኢቶ ዓሶሞ፡- «ዚሮ ዓባ ሳዛ ሄላንዳሣኮ ቤርታ ኑ ሙኪ ዔያቶ ዓውሳንዳሣ ዒንሣኮ ዴሮሞ ኬኤዘዎቲ» ጌዔኔ። ዬንሣ ከኢቶ ዓሶንሣ ዴንዲ ያቤሼ ዴሮሞ ኬኤዛዛ ዔያታ ማርጌና ዎዛዴኔ።

10 ዬያሮ ያቤሼ ዓሳ ዓሞኦኔ ዓሶሞ፡- «ዚሮ ኩጮ ኑ ዒንሣሞ ዒንጋንዳኔ፤ ዓንሣ ኑጊዳ ኮዔ ባኣዚ ማዲዎቲ» ጌዔኔ።

11 ዚሮ ጉቴሎ ዓማ ሳኣዖኦሌ ዔቂ ፖኦሊሶ ሃይሣ ቤሲ ፓቄኔ፤ ዬያይዴሰካፓ ዴንዲ ዓሞኦኔ ዓሶ ጉርዶ ጌሊ ያልዚ ዓርቁኔ፤ ዓባ ዴንዲ ሳዛ ሄላንዳኣና ዓሞኦኔ ዓሶፓ ማርጌ ዓሲ ዎዴኔ፤ ሃይባፓ ቶሌ ዓሳ ላሞፃ ዓሲታዎ ዎላ ማዓኒ ዳንዳዑዎ ጎይሣ ጳሽኪ ፑኒ ፑኒ ዴንዳኔ።

12 ዲማና ዲሰራዔኤል ዓሳ ሳሙዔኤል ኮይላ፡- «ሳኦኦኦኦ ኑ ዑፃ ካኦኦኦኦ» ጌዔ ዓሳ ያናንሢዳይ? ዔያቶ ኑሞ ዓኦሢ ዲንጌ ኑ ዎዲንዳኔ!» ጌዔኔ።

13 ሳኦኦኦኦ ጋዓንቴ፡- «ናንገና ናንጋ ጎዳ ዲሰራዔኤል ዓሶ ሃናኦ ከሎይዳ ዓውሴሢሮ ዓይጎ ዓሲያ ዎዲንጋንዳያ ኮይሱዎሴ» ጌዔኔ።

14 ዩካፓ ሳሙዔኤል ዴሮሞ፡- «ቢያሢ ኑ ጌልጌላ ዓኦዲ ሳኦኦኦኦ ኑኡኮ ካኦኦኦ ማዔሢ ላሚ ሃሣ ፔጋሲ ኑ ዔርዘሞ» ጌዔኔ።

15 ዩያሮ ቢያሢ ጌልጌላ ዴንዲ ዲኢካ ናንገና ናንጋ ጎዳሞ ዴማዴ ቤዘይዳ ሳኦኦኦኦ ካኦኦኦ ማዔሢ ዔርዘኔ፤ ዲኢካ ናንገና ናንጋ ጎዳሞ ፔቱሞና ዲንጎ ባኦዚ ሺኢሺኔ፤ ሳኦኦኦኦንጋ ዲሰራዔኤል ዴሮ ቢያሢንጋ ዩኖ ቦንቾ ከሎ ዴኤፒ ዎዛና ቦንቼኔ።

12

ሳሙዔኤል ዔልቃሜ ዔልቃሞ

1 ዩካፓ ሳሙዔኤል ዲሰራዔኤል ዴሮሞ፡- «ዲንሢኮ ያኦጨ ያ ቢያ ታ ዔኪ ካኦኦኦ ዲንሢሞ ካኦኦኦኦ፤

2 ዓካሪ ዲንሢ ዔኪ ዓኦዲንዳ ካኦኦኦ ዲንሢ ዴንቄ፤ ጋዓንቴ ታኦኒ ማይ ጋርቼ፤ ታኦኮ ናኦኦ ዲንሢና ዎላ ዓኦኔ፤ ታኦኒ ዴጋቶፓ ዓርቃዎ ዲንሢኮ ሱኡጌ ማዲ ሃኖ ሄሌኔ።

3 ሃይሾ ታ ዲንሢኮ ቤርታ ዓኦኔ፤ ናንገና ናንጋ ጎዳንጋ ዲዚ ቲሽኪ ካኦኦኦ ካኦኦኦንጋ ቤርታ ታ ዑፃ ማርካዳዎቲ፤ ያ ጌማይንጋ ያ ሃሪንጋ ታ ዔኬይ? ያና ታ ማልቲይ? ያና ታ ሄርቄይ? ሃሣ ጌኤዘ ዎቢሺ ዎጋኒ ያጊዳፓ ዴሚና ዔኮ ሚኢሺ ታ ዔኬይ? ዩንሢ ባኮ ቢያሢፓ ፔቲ ባኦዚጋዎ ማዲ ዔኬ ባኦዚ ዓኦኦ ማሃኒ ታ ጊኢጌያኬ» ጌዔኔ።

4 ዴራ ዲማና፡- «ፔቲታዎ ኔ ማልቲባኦሴ፤ ያናኦ ኔ ሄርቄባኦሴ፤ ዓይጎ ዓሲዳፓኦ ኔ ዔኬ ባኦዚ ባኦሴ» ጌዔኔ።

5 ሳሙዔኤል ማሃዎ፡- «ማይ ታኦኒ ሃኖ ዲንሢ ቤርታ ጌኤሺ ማዔሢኮ ናንገና ናንጋ ጎዳንጋ ዲዚ ዶኦሬ ካኦኦኦንጋ ማርኮኬ» ጌዔኔ።

ዩያሮ ዴራ፡- «ሂኖ! ናንገና ናንጋ ጎዳ ኑኡኮ ማርካኬ!» ጌዔኔ።

6 ሳሙዔኤል ከኤዛዎ፡- «ሙሴንጋ ዓኦኦኦንጋ ዶኦሬሢ፤ ዲንሢኮዎ ቤርታኦ ዓዶንሢ ጊብፃ ዓጫፓ ከሴሢ ናንገና ናንጋ ጎዳኬ፤

12:6 ከሲ. ማፃ 6:26።

7 ሃሢ ዓካሪ ዒንሢ ዓኣ ቤዛ ዔቁዋቱ፤ ዒንሢኮ ቤርታኣ ዓደንሢንታ ዒንሢንታ ዓውሳኒ ናንገና ናንጋ ጎዳ ማዳ ዲቃሢ ሄርሺሳ ባኮ ቢያ ጳቂሢ ጳቂሢ ናንገና ናንጋ ጎዳ ቤርታ ታ ዒንሢ ሞኦታንዳኔ፤

8 ያይቆኦ፤ ፔ ማኣሮ ዓሶና ገብፄ ኩዲ ዒኢካ ናንጋኣና ገብፄ ዓሳ ዔያቶ ሄርቁ ዋይሢ፤ ዬያሮ ዒንሢኮ ቤርታኣ ዓደንሢ ናንገና ናንጋ ጎዳ ማኣዳንዳጉዲ ዒዛሞ ዒላቱ፤ ዒማና ዒዚ ሙሴና ዓኣርኔና ዔያቶም ዳኬ፤ ዬያታ ገብፄ ዓጫፓ ዔያቶ ዔኪ ኬሲ ሃሮ ዓጩሎይዳ ናንጋንዳጉዲ ማሄ፤

9 ጋዓንቴ ዴራ ናንገና ናንጋ ጎዳ ማዔ ዔያቶኮ ፆኦዛሢ ዋሌ፤ ዬያሮ ናንገና ናንጋ ጎዳ ፒሊሰፄኤማ ዓሶና ሞዓኣቤ ካኣቲናም፤ ዬያጉዲ ሃሃ ሃፆሬ ካታሞኮ ፖኦሊሶ ዓይሢ፤ ሲሳራም ዒንሢኮ ቤርታኣ ዓደንሢ ዓኣሢ ዒንገ፤ ዬያሮ ዔያታ ዒሰራዔኤሌ ዓሶ ያሊ ባሺ።

10 ዬካፓ ዔያታ፡- <ኦኡኒ ኔና ሃሺ ባዓኣሌና ዓሰታሮቲና ካኣሽኪ ዳቤ፤ ሃሢ ኦ ሞርኮ ኩጫፓ ኦና ዓውሴ፤ ኦ ኔና ካኣሽካንዳኔ፤> ጌይ ናንገና ናንጋ ጎዳ ባንሢ ዒላቱ።

11 ናንገና ናንጋ ጎዳ ቤርታዲ ጌዲዎ፤ ዬካፓ ባርቁና ዮፕታኣሄና፤ ጋፒንፆዳ ታና ዳኬ፤ ኦኡኒ ፔቲ ፔቲሢ ዒንሢ ዒንሢኮ ሞርኮ ኩጫፓ ቶሊሲ ዓውሴ፤ ኮሺ ዒንሢ ናንጋንዳጉዲ ኦ ማሄ፤

12 ዒንሢ ጋዓንቴ ዓሞኦኔ ካኣቲ ናየሴ ዒንሢ ያላኒ ዔቃኣና ዛጋዖ ዒንሢኮ ካኣታሢ ማዔ ናንገና ናንጋ ጎዳ ዒዳ ሃሺ፡- <ኦና ዋይሃንዳ ካኣቲ ኦም ካኣታሴ> ጌይ ታና ያኦጩ።

13 «ዓካሪ ሃይሾ ዒንሢ ዶኦሬ ካኣቲ ዒንሢ ያኦጩ ጎይፆና ናንገና ናንጋ ጎዳ ዒንሢም ዒንገ፤

14 ናንገና ናንጋ ጎዳ ማዔ ዒንሢኮ ፆኦዛሢ ቦንቺ ዒዛ ዒንሢ ካኣሽኬቱ፤ ዒዚ ኬኤዛ ባኮ ዋይዚ ዓይሢፆዋ ዒንሢ ዒዛኮ ካፔቱ፤ ዒንሢንታ ዒንሢኮ ካኣታሢንታ ዒ ጋዓ ጎይፆ ሃንቴቲ ቢያ ባኣዚ ዒንሢም ገኢጋንዳኔ፤

15 ጋዓንቴ ናንገና ናንጋ ጎዳ ጋዓ ባኮ ዒንሢ ዋይዙዋ፤ ሃሃ ዓይሢፆዋ ካፒ ኩንሡዋፆ ማዔቲ ዒ ፔኤሮ ዒንሢና ዒንሢኮ ካኣታሢይዳ ሞርኬ ማዒ ዔቃንዳኔ፤

16 ዬያሮ ሃሢ ዒንሢ ዓኣ ቤዘማካ ዔቁዋቱ፤ ናንገና ናንጋ ጎዳ ዒንሢኮ ቤርታ ፔ ዋልቁና ማዳ ዓኪ ባኣዚ ማዳሢ ዒንሢ ዛጋንዳኔ፤

12:8 ኬሲ. ማፃ 2:23። 12:9 ሱኡጎ. ማፃ 3:12፤ 4:2፤ 13:1። 12:10 ሱኡጎ. ማፃ 10:10-15። 12:11 1ሳሙ. 3:20፤ ሱኡጎ. ማፃ 4:6፤ 7:1፤ 11:29። 12:12 1ሳሙ. 8:19።

17 ሃሢ ዒንሢ ዔራሢጉዲ ሳዓ ያሳሢኬ፤ ጋዓንቴ ታኣኒ ናንጊና ናንጋ ጎዳ ሺኢቃንዳኔ፤ ዒዚ ሳዖ ጉጉንሢሲ ዒርዚ ዋርቁሳንዳኔ፤ ዬይ ያዲ ማዓዛ ካኣቲ ዒንሢ ካኣታሳንዳጉዲ ያኦጪዖና ዳቢንቴ፤ ናንጊና ናንጋ ጎዳ ያዩሴያ ማዔሢ ዒንሢ ጎናሲ ዔራንዳኔ» ጌዔኔ።

18 ዬማ ጋዓዖ ሳሙዔኤል ሺኢቃዛ ናንጊና ናንጋ ጎዳ ዒማ ኬሎና ጉጉንሢሲ ዒርዚ ዋርቁሴኔ፤ ዬያሮ ዴራ ናንጊና ናንጋ ጎዳንታ ሳሙዔኤልያኣ ኮሺ ዒጊጪ፤

19 ሳሙዔኤል ኮራ፡- «ኮ ሃይቁዋጉዲ ሃዳራ ናንጊና ናንጋ ጎዳ ማዔ ኔኤኮ ያኣዛሢ ኑም ሺኢቁ፤ ሜሌ ጎሞ ቢያ ኑ ማዳሢ ዓኣንቴ ካኣቲ ኑም ካኣታሳንዳጉዲ ያኦጪዖና ኑ ዳቤሢ ዓካሪ ኑኡም ዔርቴኔ» ጌዔኔ።

20 ሳሙዔኤል ዔያቶም፡- «ደዱዋቴ፤ ዒጊጪፖቴ፤ ዬያጉዴ ፑርታ ባኣዚ ዒንሢ ማዳያ ማዔያታቴያ ጉቤ ዒናፓ ዒዛ ካኣሽኩዋቴ፤ ናንጊና ናንጋ ጎዳ ሃሺ ሜሌ ካኣሺ ባንሢ ዛጊፖቴ።

21 ፓሢ ባኣዚባኣ ሜሌ ያኣዛ ካኣሽኪፖቴ፤ ዔያታ ዒንሢ ማኣዳኒና ዓውሳኒያ ዳንዳዑዋሴ፤

22 ናንጊና ናንጋ ጎዳ ዒዛ ዴሬ ዒንሢ ማዓንዳጉዲ ናሽኬሢር ፔኤኮ ዴኤፖ ሱንዖር ጌይ ዒንሢ፤ ዒዛኮ ዴር ዒ ሃሻዓኬ።

23 ታኣኒ ዒንሢ ኮሺና ፒዜ ማዔ ባኣዚና ዔርዛንዳፓዓቴም ዒንሢም ሺኢቁያ ሃሺ ናንጊና ናንጋ ጎዳም ጌኤታዲሢ ታኣፓ ሃኮም።

24 ዒንሢ ጋዓንቴ ናንጊና ናንጋ ጎዳ ዒጊጪቴዋቴ፤ ጉቤ ዒናፓ ጉሙርቁንቴ ዒዛ ካኣሽኩዋቴ፤ ዒንሢም ዒ ማዳ ዴኤፖ ዴኤፖ ባኮ ዋሊፖቴ።

25 ፑርታ ማዳሢና ዒንሢ ደዳቴ ዒንሢንታ ዒንሢኮ ካኣቲንታ ባይቃንዳኣኬ» ጌዔኔ።

13

ሳሙዔኤል ሳኣዖኦሌ ጎሬሢ

1 ሳኣዖኦሌ ካኣታዳኣና ሌዓ ዒዛኮ ሃይሢታሚኬ፤ ዒዚ ካኣታዳንቴ ሳምዓሳ ሌዖና፤

2 ሳኣዖኦሌ ዒሰራዔኤል ዓሶፓ ሃይሢ ሺያ ዓሲ ደኦሪ ኬሲ፤ ዬያቶይዳፓ ላምዖ ሺያ ዓሲ ሚክማሴና ቤኤቴኤሌናይዳ ዓኣ ጌሜራዳ ዓጮይዳ ዒዛና ዋላ ማዓንዳጉዲ ማሄኔ፤ ሃንጎ ፔቴ ሺዮ ዓሶ ዒዛኮ ናኣዚ፤ ዮናታኣኔና ዋላ ቢኢኒያሚ ፃጰ ዓጮይዳ ዓኣ ጊቢዓ ጌይንታ ጌሜራዳ ዓጮ ዳኬኔ፤ ዬካፓ ዓቴ ዓሶ ጋዓንቴ ማኣሪ ማኣሪ ማሢ ዳኬኔ።

3 ዮናታኦስ ዲማና ጌባዒ ጌይንታ ቤዛ ፒሊስጻኤሜ ዓሶ ያሌኔ፤ ይያ ፒሊስጻኤሜ ዓሳ ቢያሢ ዋይዜኔ፤ ይያሮ ሳኦኦሌ ከኢታ ዓሲ ዔብሪ ዓሶ ዓጮ ቢያይዳ ዛይ ዋርቂ ያሎሮ ዓሶ ዔኤላንጉዲ ዳኬኔ።

4 ሳኦኦሌ ፒሊስጻኤሜ ዓሶ ጌባዒ ያሊ ባሼሢ ይና ከኢቶ ዓሳ ዒሰራዔኤሌ ዓሶም ከኤዜኔ፤ ይያሮ ፒሊስጻኤሜ ዓሳ ዒሰራዔኤሌ ዓሶ ዒያሢ ዒሰራዔኤሌ ዓሳ ዔሪ፤ ሳኦኦሌና ዋላ ያሎሮ ከሰካያ ማዔሢ ዔርዛኒ ጌልጌላይዳ ቡኬኔ።

5 ይካፓ ፒሊስጻኤሜ ዓሳ ዒሰራዔኤሌ ዓሶ ያላኒ ዋላ ቡኬኔ፤ ዔያቶኮ ሃይሢታሚ ሺያ ሳርጌላ ያይታ፤ ላሆ ሺያ ፓራሢና ያላ ዓሲ ዓኣያ ማዓዛ ዔያቶኮ ሚርጉማ ባዚ ዓቺ ማኣሻላጉዳያኬ፤ ዔያታ ዒማና ዳንዲ ቤትዓቄኔ ጌይንታ ቤዛኮ ዓባ ከሰካ ዛሎና ሚክማሴ ጌይንታ ቤዛይዳ ዋርዲ ዳዔኔ።

6 ዒሰራዔኤሌ ዓሳ ዔባ ዒጊቻያ ማዔሢ ዳንቄኔ፤ ሃሣ ዔያቶኮ ያሎ ዓሳኣ ዲቃቲሢ ዔራዮ፡- ዳኔ ባኣካ፣ ዓንጊሢ ዓኣ ካይካ፣ ላሎ ሹዋ ባኣካ፣ ይያጉዲ ሃሣ ዛሬና ዳኔ ዔቴናይዳ ጌሊ ጌሊ ዓኣሺንጉቴ፤

7 ዓቲ ዓሳ ዮርዳናሴ ዋሮና ፒንቂ ጋኣዳና ጌሌዓዳና ዓጮ ዳንዳኔ። ሳኦኦሌ ጋዓንጉቴ ዓሳ ይያይዳኣና ጌልጌላይዳ ዳዳዔኔ፤ ዒዛና ዋላ ዓኣ ያሎ ዓሳ ዒጊጪ ዒማና ጎጎጋይቃኔ።

8 ሳኦኦሌ ሳሙዔኤሌ ዒዛ ዓይሢ ጎይጾማ ላንካይ ከሊ ሄላንዳኣና ሳሙዔኤሌ ካፒ ካፒ ዒኣኣ ዳዔኔ፤ ሳሙዔኤሌ ጋዓንጉቴ ይያ ሄላንዳኣና ጌልጌላ ሙኪባኣሴ፤ ይያሮ ሳኦኦሌና ዓኣ ዓሳ ዒዛ ሃሺ ሃሺ ዳንዲሢ ዓርቄኔ።

9 ያዲ ማዔሢሮ ሳኦኦሌ ዳሮ፡- «ሚቺ ዒንጎ ዒንጊጾንታ ፔቱሞና ዒንጎ ዒንጊጾ ዓከ ይዑዋቲ» ጌይ ዓይሢ ዓከ ሺኢሻዮ ሚቺ ዒንጎ ዒንጊጾ ናንጊና ናንጋ ጎዳም ሺኢሼኔ።

10 ይያ ዒንጊጾ ዳምቦ ዒ ማዲ ኩኩንሣማና ሳሙዔኤሌ ሙካዛ፣ ሳኦኦሌ ከሰከ ጎይሣ ዒዛ ዔኬኔ።

11 ሳሙዔኤሌ ጋዓንጉቴ፡- «ኔ ዓይጎ ማዳይ?» ጌይ ያኣጩኔ።

ሳኦኦሌ ማሃዮ፡- «ኔኔኒ ጌዔ ዋዶና ሙኪባኣሴ፤ ዳራኣ ታ ኮይላፓ ታና ሃሺ ሃሺ ዳንዲ ጋፓሢሮ ሃሣ ፒሊስጻኤሜ ዓሳ ሙኪ ሚክማሴይዳ ዋርዲ ዳዔሢሮ።

12 ታኣኒ፡- «ፒሊስጻኤሜ ዓሳ ሃጊ ታ ጌልጌላይዳ ዓኣንጉቴ ታና ያላኒኬ፣ ታኣኒ ናንጊና ናንጋ ጎዳ ታና ማኣዳንዳጉዲ ዒዛ ሺኢቂባኣሴ» ጌይ ማሊኬ፤ ናንጊና ናንጋ ጎዳም ዒንጎ ባኮዋ ዒንጋኒ ታና ኮይሳሢ ታ ዔሬኔ» ጌዔኔ።

13:8 1 ሳሙ. 10:8።

13 ሳሙዔኤሌ ዒዛሞ፡- «ዬይ ቦኑዙሞ ማደኩ፤ ናንገና ናንጋ ጎዳ ማዕ ኔኤኮ ያኦዛሢ ኔኤሞ ዓይሢ ዓይሢ፤ ከንሢባኦሴ፤ ዓይሢ፤ ማደኩ ከንሢ፤ ማዕቴ ኔኤና ኔ ዜርዖና ዒሰራዔኤሌ ዓሶ 0-ፀ ናንገና ካኦታዳንዳጉዲ ሃኖ ኔኤኮ ካኦቱሞ ናንገና ናንጋ ጎዳ ደዲሻንዳያታንቴኩ፤

14 ሃሢ ጋዓንቴ ሃይፓ ሴካ ኔ ካኦታዲ ዳዓዓኩ፤ ናንገና ናንጋ ጎዳ ዒ ናሽኬ ዓሲ ደኦሬኔ፤ ናንገና ናንጋ ጎዳ ኔና ዓይሢ ዓይሢ፤ ኔኤኒ ካፒባኦሢሮ ዬያ ዓሢ ዒዚ ፔዳርኮ ሱኡጌ ማዓንዳጉዲ ቲሽኪ ደኦሜኔ» ጌዔኔ።

ዒሰራዔኤሌ ዓሳ ዖሎሮ ገኢገንቴሢ

15 ዒማና ሳሙዔኤሌ ጌልጌላፓ ዳንዳኔ፤ ሳኦዖኤሌያ ፔኤኮ ዖሎ ዖላ ዓሶ ባኦኮ ዳንዳዛ ዓቴ ዓሳ ዒዛ ገንፆ ዓኦዳኔ፤ ዔያታ ጌልጌላፓ ዔቁ ቢኢኒያሜ ዓጮይዳ ዓኦ ገቢዓ ዳንዳኔ፤ ዒኢካ ሳኦዖኤሌ ፔኤኮ ፖኦሊሶ ፓይዳንቴ ሚርጉማ ላሆ ጭኦታ ማዕኔ፤

16 ሳኦዖኤሌንታ ዒዛኮ ናኦዚ ዮናታኦኔንታ ዖሎ ዖላ ዓሶንታ ቢኢኒያሜ ዓጮ ጌባዒይዳ ዋርዲ ዳኔ፤ ጋዓንቴ ፒሊሰጭሜ ዓሶኮ ዖሎ ዓሳ ዋርዲ ዓኦሢ ሚክማሴይዳኩ።

17 ዒማና ፒሊሰጭሜ ዓሶኮ ዖሎ ዓሳ ሃይሦ ቤሲ ፓቁንቴ ዖሎ ዓርቃኒ ዋርዲ ዮ ቤዛፓ ኬሰኬኔ፤ ዬያቶፓ ፔቴ ቤዛ ፓቆና ዓሳ ሹዓሌ ዓጮይዳ ዓኦ ፖፕራ ባንሢ ዳንዳኔ፤

18 ላሞዓሳ ቤዛ ፓቆና ዓሳ ቤትሆሮኔ ዳንዳዛ፤ ሃይሦሲ ፓቆና ዓሳ ጭባሚ ደኦጮና ዓሲ ናንጉሞ ደውሎኮ ሆታ ዓኦ ዛጶ ባንሢ ዳንዳኔ።

19 ዔብሬ ዓሳ ጩንቻ ዓፓሮንታ ዋርሢንታ ዲውሞጉዲ ፒሊሰጭሜ ዓሳ ዔያቶ ላኦጋሢሮ ዬኖ ዋዶና ዒሰራዔኤሌ ዓሶ ባኦካ ዓንገረ ዲዓ ገታ ባኦሴ፤

20 ዬያሮ ዒሰራዔኤሌ ዓሳ ፔኤኮ ማራሻ፤ ባላሻ፤ ሄርጋንታ ባኦቹንታ ፀንፂሳኒ ፒሊሰጭሜ ዓሶ ኮይላ ዳንዳኔ፤

21 ዬኖ ዋዶና ሄርጋንታ ጌማቶ ዲቃሢ ዲቃሢ ጎሽኮ ዓጩ ዓንጎሞ ፀንፂሳኒ ጩሳሢ ዖይዶ ገራኦሜ ማዓ ዳካ ሹቹ ቢራኬ፤ ማራሻና ባላሻና ፀንፂሳኒ ጩሳሢ ዬይፓ ጳንጩ ማዓያኩ።

22 ዬያሮ ዖሎ ኬሎና ሳኦዖኤሌንታ ዒዛኮ ናኦዚ ዮናታኦኔናፓ ዓታዛ ዒሰራዔኤሌኮ ፖኦሊሶ ባኦካ ጩንቻ ዓፓሮና ዋርሢና ዓርቁ ዓሲ ባኦሴ።

13:14 ዳኪ. ማደ 13:22።

23 ፒሊሰጻኤሜ ዓሳ ሚክማሴ ዴንዳ ጎይፆማ ቲቃንዳጉዲ ዔያቶኮ ስሎሮ ፔቲይዳ ፓቆና ዓሶ ዳኬኔ።

14

ዮናታኣኔ ስኦሲ ጉሙርቂ ማዳ ማዳ

1 ፔቲ ኬሊ ዮናታኣኔ ዒዛኮ ስሎ ዓንጋሞ ኬዳ፣ ጳጌሰኬያ ኮራ፡- «ፒሊሰጻኤሜ ዓሶኮ ስሎ ዓሳ ዲንኪ ዴዔ ቤዘ ኑ ፒንቆሞ» ጌዔኔ። ጋዓንቲ ዮናታኣኔ ዩያዳንዳሢ ዓደሞታፆ ኬኤዚባኣሴ፤

2 ዒማና ሳኣፆኦሌ ገቢዓይዳፓ ሚርጌ ሃኪ ዴንዳዎፆ ማግርኔይዳ ፔቲ ሮኣማኣኔ ጌይንታ ሚሢኮ ዴማ ዲንኪ ዴዔኔ፤ ዒዛና ዎላ ላሆ ጻኤታ ስልዚ ዓሲ ዓኣኔ፤

3 ቁኤሳ ማኣዓ፣ ዔፑደ ማኣዒ ዒዛና ዎላ ዒካቦዴኮ ጌርሲ ዓሂፀቤ ናኣዚ፣ ቁኤሳሢ ዓኪያ ዓኣኔ። ዓኪያ ፒንሃሴ ናይ፤ ሰኤሎይዳ ናንገና ናንጋ ጎዳሞ ማዳ ዔኤሊኮ ናኣዚ ናይኬ። ሳኣፆኦሌና ዎላ ዓኣ ስሎ ዓሳ ዮናታኣኔ ዓንኮ ዴንዴቴያ ዔሪባኣሴ።

4 ዮናታኣኔ ፒሊሰጻኤሜ ዓሳ ዲንኪ ዴዔ ቤዘ ሂላኒ ሚክማሴ ፒንቆ ካሮማና ፒንቃንዳያ ኮይሳኔ፤ ዩኖ ፒንቆ ካሬሎኮ ሻሙሎና ሚዛቆናይዳ ላሞፆ ጳኤፒ ፔቲ ዛላ ሶልት ጌዔ ላሌ ዓኣኔ፤ ፔቲ ላላሢኮ ሱንፃ ቦጻጻ ጌይንታዛ ላሞዓሳሢኮ ሱንፃ ሴኔ ጌይንታኔ፤

5 ላሎንሢኮ ፔቲዛ ፒንቆ ካሬሎኮ ኬደ ዛላ ሚክማሴኮ ሆታ ማዓዛ ላሞዓሳዛ ጳኤሎ ዛሎና ጌባዒኮ ቤርቶ ዛላ ዓኣያኬ።

6 ዮናታኣኔ ዒዛኮ ስሎ ዓንጋሞ ኬዲ ዓኣ ጳጌሢ ኮይላ፡- «ሃኒ ሙከኔ፣ ኑኤኒ ዓቲንቶ ቤርታ ቲቂንቲባኣ ፒሊሰጻኤሜ ዓሳ ስሎሮ ዲንኪ ዴዔ ቤዘ ፒንቆሞ ጎፆንቲ ናንገና ናንጋ ጎዳ ኑና ማኣዳንዳኣናንዳኔ፤ ናንገና ናንጋ ጎዳ ዲቦ ፖኦሊሶ ማኣዳሢጉዲ ኑና ዳኮንሢ ማኣዲ ባሺሳኒ ዳንዳዓኔ» ጌዔኔ።

7 ዒማና ዒዛኮ ስሎ ዓንጋሞ ኬዲ ዓኣ ጳጌሢ፡- «ኔ ናሽኬ ባኣዚ ቢያ ማማዳ፤ ታ ኔኤፓ ዲማዳዓኬ፤ ታ ኔኤና ዎላ ጉቤ ዒናፓ ዔቁኔ» ጌዔኔ።

8 ዮናታኣኔ ዒዛሞ፡- «ቃራኬ፤ ያዲታቲ ሃሴኬያ ሱኮ ፒንቂ ፒሊሰጻኤሜ ዓሶ ቤርታ ኑ ጳደሞ፤

9 ዔያታ ኑና ዴንቃ፡- ኦ ዒንሢ ኮይላ ሙኮሞ ዩካ ኑና ካፑዎቴ፣ ጌዔቴ ኑና ቤዘማካ ዴዓንዳኔ፤

10 ጋዓንቲ፡- «ሃኒ ኑ ኮይላ ሙኮዎቴ፣ ዔያታ ጌዔቴ፣ ዔያቶ ባንሢ ኑና ዳኣዳንዳኔ፤ ናንገና ናንጋ ጎዳ ኑና ፒሊሰጻኤሜ ዓሶ ስሎና ባሺሳንዳሢኮ ዩይ ማላታ ማዓንዳኔ» ጌዔኔ።

11 ዔያታ ፒሊሰጻኤሜ ዓሶሞ ጴዳዛ፣ ፒሊሰጻኤሜ ዓሳ፡- «ሃሶ ዛጉዋቱ! ፔቲ ፔቲ ዔብሬ ዓሳ ዓኣሺንቴ ዔታፓ ኬሰኪ ኬሰኪኬ!» ዋሊ ኮይላ ጌዔኔ፤

12 ዩካፓ ፒሊሰጻኤሜ ዓሳ ዮናታኣኔንታ ዒዛኮ ሶሎ ዓንጋሞ ኬዲ ዓኣ ዳጌሢንታ፡- «ኑ ዒንሢሞ ኬኤዛንዳ ባኣዚ ዓኣሢሮ ሃኒ ኑ ኮይላ ሙኩዋቱ!» ጌይ ዔኤሌኔ።

ዩያሮ ዮናታኣኔ ዒዛኮ ሶሎ ዓንጋሞ ኬዲ ዓኣሢ ኮይላ፡- «ዓካሪ ታ ጊንጾ ሙኩ፤ ናንጊና ናንጋ ጎዳ ፒሊሰጻኤሜ ዓሶ ዒሰራዔኤሌ ዓሳ ሶሎና ባሻንዳጉዲ ማሂናኣኮኬ» ጌዔኔ፤

13 ዮናታኣኔ ዒማና ባኣዚ ባኣዚ ባኣኮ ኬሰኪኔ፤ ዒዛኮ ሶሎ ዓንጋሞ ኬዳሢያ ዒዛ ጊንጾ ኬሰኪኔ፤ ዩያይዲ ዮናታኣኔ ፒሊሰጻኤሜ ዓሶይዳ ዔርቲባኣንቴ ሶልዚ ቡሊ ጳርቂ ጳርቂ ኬኤራዛ፣ ዒዛኮ ሶሎ ዓንጋሞ ኬዳሢ ዓሶ ዋዲ ዋዲ ጊንጾ ሙኩኔ።

14 ቤርቲ ቤርታ ዋዲ ዔያታ ዓርቃጾ ፔቲ ጎሺዳ ላማታሚ ማዓ ዓሲ ዋዳኔ፤

15 ዩያሮ ካታሞኮ ዙላ ዓኣ ፒሊሰጻኤሜ ዓሳ ዲቃቲ ካራ ባይዜኔ፤ ዒማና ሶሎሮ ቤርታ ኬሰኪ ዓሶንታ ጊንጾ ሙካ ዓሶንታ ዒጊጩ ጎጋይቄኔ፤ ናንጊና ናንጋ ጎዳ ዔያቶሞ ዳኬ፣ ዩያ ካሮ ባይዜ ባኮ ዛሎና ሳዓ ዓጊጻኔ።

ፒሊሰጻኤሜ ዓሶኮ ባሻንቶ

16 ሳኣጾኦኮ ሶሎ ዓሳ ቢኢኒያሚ ዓጫ ጊቢዓይዳ ዋርዲ ዳዒ ካፒ ዓኣጾ ዲቃቲ ጳሽካ ፒሊሰጻኤሜ ዓሶ ዳንቄኔ።

17 ዩያሮ ሳኣጾኦኮ ዒዛና ዋላ ዓኣ ዓሶ፡- «ሂንዳ ኑኡኮ ፖኦሊሶ ፓይዲ ኑ ባኣካፓ ፓጩ ዓሲ ዓኣቲ ዛጉዋቱ» ጌይ ዓይሣዛ፣ ዔያታ ፓይዳንቴ ዮናታኣኔንታ ዒዛኮ ሶሎ ዓንጋሞ ኬዳሢንታ ባኣያ ማዔኔ።

18 ሳኣጾኦኮ ዒማና ቄኤሳሢ፣ ዓኪያ ኮይላ፡- «ኔኡኮ ዔፑዶ ዔኪ ሙኩ» ጌዔኔ። ዒዛ ኬሎ ዓኪያ ዔፑዶ ማኣዒ ዒሰራዔኤሌ ዓሶ ባኣካ ማዶ ማዳኔ፤

19 ሳኣጾኦኮ ቄኤሳሢና ዋላ ጌሰታንቴ፣ ፒሊሰጻኤሜ ዓሶኮ ካራ ባይዚ ጳዦ ሚርጌኔ፤ ዩያሮ ሳኣጾኦኮ ቄኤሳሢ ኮይላ፡- «ናንጊና ናንጋ ጎዳ ሶኡጌንዶ ዋዳ ባኣሴ፤ ሃሺ!» ጌዔኔ።

20 ዩካፓ ሳኣጾኦኮንታ ዒዛኮ ፖኦሊሶንታ ዓኣ ቤዛፓ ዔቂ ሶሎሮ ዳንዲ ዒኢካ ሙካንቴ ፒሊሰጻኤሜ ዓሳ ካራ ባይዚ ዋሊ ጩንቻና ዋዲ ኩርሳኔ።

21 ዩያኮ ቤርታ ፒሊሰጻኤሜ ዓሶ ባኣኮ ዳንዳ ፔቲ ፔቲ ዔብሬ ዓሳ ፒሊሰጻኤሜ ዓሶፓ ኬሰኪ ሳኣጾኦኮና ዮናታኣኔና ኮራ ሙኩኔ።

22 ዔፕሬኤሌም ዓጫ ጌሜራ ጌሜራ ፑሊንቲ ዓኣ፣ ሃንጎ ዒሰራዔኤሌ ዓሳ ፒሊሰጻኤሌም ዓሳ ባሺንቲ ጳሺዳ ዓኣሢ ዋይዜኔ፤ ዬያሮ ዔያቶኮ ፖኦሊሶና ዋላ ማዒ ፒሊሰጻኤሌም ዓሶ ዳውሲሢ ዓርቄኔ፤

23 ዳንዲ ቤትዓጭኔ ካታሞኮ ሱካ ዓኣ ጎይፆ ሄላንዳኣና ዳኪ ዳኪ ያሌኔ፤ ናንጊና ናንጋ ጎዳ ዬኖ ኬሎ ዒሰራዔኤሌ ዓሶ ማኣዲ ዓውሴኔ።

ያሎኮ ጊንፃፓ ማዲንቲ ባኮ

24 ዒዘ ኬሎ ዒሰራዔኤሌ ዓሳ ናይዚና ላቤኔ፤ ዓይጎሮ ጌዔቲ ሳኣያኦሌ፡- «ታ ሞርኮ ታኣኒ ያሊ ኮሞ ማሃንዳያ ሄላንዳኣና ካሣ ሙዒ ዋኣሢያ ዑሽኬ ዓይጎ ዓሲያ ጋዳንቁንቲያ ማፆም!» ጌይ ዳሮ ጫኣቁሲ ዓይጎ ዓሲያ ካሣና ዋኣሢና ካኣሙዋጉዲ ላኣኔኔ። ዬያሮ ዓሳ ጉቤ ካሣ ሙዒ ዋኣሢያ ዑሽኩዋፆ ዬኖ ኬሎ ፔኤቄኔ።

25 ዒዘ ኬሎ ዔያታ ዳኤፒ ካይዚ ዓኣ ቤሲ ሙካፆ ዑቶ ዔኤሲ ዳንቄኔ፤

26 ዒማና ሚፆ ቢያይዳ ዔኤሲ ኩሚ ዓኣንቲ ሳኣያኦሌኮ ጋዳሞ ዒጊጩ ዔኤዘ ካኣሚ ዓሲ ባኣሴ፤

27 ጋዓንቲ ዮናታኣኔ ዒዛኮ ዓዴ ዓሶ ጫኣቁሴሢ ዋይዚባኣሢሮ ዒዚ ኩጫ ዔኪ ዓኣ ኮኦሎና ያሎሎ ዔኤዘፓ ቦኦኪ ዳካ ዔኤሲ ሙዓፆ ቤዘማና ዋልቄ ዳንቄ ደዴሞ ዓኣፓኣ ዒዛኮ ቡሊንቲኔ።

28 ያሎ ያላ ዓሶፓ ፔቴሰኬይ ዒማና፡- «ኔ ዓዴ ሃኖ ካሣ ሙዒ ዓይጎ ዓሲያ ጋዳንቁንቲያ ማፆም!» ጌይ ኑና ጫኣቁሴኔ፤ ዓሳ ቢያ ላቤሢ ዬያሮኬ» ጌዔኔ።

29 ዮናታኣኔ ማሃፆ፡- «ታ ዓዴ ኑ ዳሮሞ ዳኤፒ ማቶ ማገፎኔ! ሃሢ ታ ዳካ ዔኤሲ ሙዓፆ ዋልቄ ዳንቄሞ ዓኣፓ ታኣኮ ቡሊንቲሢ ዛጌ!

30 ሂንዳ ሃኖ ኦኡኮ ዳራ ሞርኮ ባሺ ዲዒ ዳንቃ ሙፆ ሙዒያታቲ ዋዚናንዳፆ ዓቲይ? ዋኣዳ ፒሊሰጻኤሌም ዓሲ ዋዳንዳፆ ዓቲቲያ ሂንዳ ማሊ!» ጌዔኔ።

31 ዬኖ ኬሎ ዒሰራዔኤሌ ዓሳ ሚክማሴፓ ዳንዲ ዓያሎኔይዳ ዓኣ ጎይፆ ሄላንዳኣና ዳኪ ዳኪ ፒሊሰጻኤሌም ዓሶ ያሊ ዋዳ ባሺኔ፤ ጋዓንቲ ዒሰራዔኤሌ ዓሳ ናይዳሢሮ ጎይፆ ሚሮጌ ላቤኔ።

32 ዬያሮ ሞርኮኮ ዔያታ ዲዒ ዔኬ ማራቶንታ ባኣቶንታ ዳንቄ ቤዛ ቢያ ሹኪ ዓሸኮ ሱጉፆና ዋላ ቡርቲ ቡርቲ ሙይሢ ዓርቄኔ፤

33 ሳኣያኦሌሞ ዒማና፡- «ዳራ ሱጉሢና ዓኣ ዓሸኪ ሙይ ናንጊና ናንጋ ጎዳሞ ዋይዘ ዒዲ ዳቤኔ» ጋዓ ሃይሴ ዋይዚንቲኔ።

14:33 ማኸ. ማፆ 9:4፤ ሌዊ. ዓከ 7:26-27፤ 17:10-14፤ 19:26፤ ላሚ. ዋማ 12:16፤ 23፤ 15:23።

ዩያሮ ሳኣዎኦሌ፡- «ዒንሢ ዋጎ ደቢ ዣኣሌኔ! ሃሢ ዴኤፒ ሹቸ ኮላሲ ዔኪ ዩዑዋቴ» ጌይ ዒላቴኔ።

34 ዩካፓ ሃሃ፡- «ዴሮ ባኣኮ ዴንዲ <ዒንሢኮ ባኣቶንጎ ማራቶንጎ ቢያ ዔኪ ዩዑዋቴ፤ ዩያቶ ሹኪ ሃይካ ዒንሢ ሙዓንዳያ ኮይሳኔ፤ ዓሽኮ ሱጉዎና ዋላ ሙዒ ናንገና ናንጎ ጎዳም ዋይዞ ዒዲ ጎሜ ማዲፖቴ» ጌይ ኬኤዙዋቴ» ጌዒ ዓይሣኔ። ዩያሮ ዴራ ቢያሢ ዩኖ ኬሎ ዋንቶ ፔኤኮ ባኣቶና ማራቶና ዔኪ ሙኪ ዒኢካ ሹኬኔ፤

35 ሳኣዎኦሌያኣ ዒኢካ ናንገና ናንጎ ጎዳም ዒንጎ ባኮ ዒንጎ ቤሲ ኮሽኔ፤ ዒዚ ናንገና ናንጎ ጎዳም ዒንጎ ቤሲ ኮሺ ቤቂባኣዎ ዩኖ ኮሽኔ።

36 ሳኣዎኦሌ ፔኤኮ ዎሎ ዎላ ዓሶ ኮይላ፡- «ሂንዳ ኑ ኬዲ ፒሊሰጻኤሜ ዓሶ ዲማ ዎሊ ሳዓ ካራንዳያ ሄላንዳኣና ዔያቶኮ ዓኣ ባኮ ቢያ ቡሪ፥ ዎዲያ ኑ ዔያቶ ጋፒሶም» ጌዔኔ።

ዔያታ ዒዛም፡- «ኔ ናሽኬ ባኣዚ ቢያ ማማዴ» ጌዔኔ።

ቄኤሳሢ ጋዓንቴ፡- «ቤርታዲ ናንገና ናንጎ ጎዳ ዎዚ ጋዓቴያ ኑ ዎኦጮም» ጌዔኔ።

37 ሳኣዎኦሌ ዒማና፡- «ፒሊሰጻኤሜ ዓሶ ኑ ዎሌቴ ኔ ኑና ባሺሳንዳ?» ጌይ ዎኦሲ ዎኦጮኔ፤ ጋዓንቴ ዎኦሲ ዒዞ ኬሎ ማሂ ኬኤዜ ባኣዚ ባኣሴ።

38 ዩካፓ ሳኣዎኦሌ ዴሮኮ ሱኡጎም፡- «ሃኒ ሙኪ ዓይጎ ጎሜ ማዲንቴቴያ ዎኦጪ ዴንቁዋቴ፤

39 ደቢንቲ ጳዴሢ ታ ናዎ ዮናታኣኔታቴያ <ዎዲንታንዳያ ኮይሳኔ» ጌዒ ዒሰራዔኤሌ ዓሶም ባሺሢ ዒንጎ ናንገና ናንጎ ጎዳ ሱንዎና ታ ጫኣቃኔ» ጌዔኔ። ጋዓንቴ ፔቴ ዓሲታዎ ዔኤቢ ጌይባኣሴ።

40 ዩካፓ ሳኣዎኦሌ፡- «ዒንሢ ቢያሢ ዩካ ዔቁዋቴ፤ ታኣና ታናዓሢ ዮናታኣኔና ሃይካ ኑ ዔቃንዳኔ» ጌዔኔ።

ዔያታ ዒማና፡- «ኔ ናሽኬ ባኣዚ ማማዴ» ጌዔኔ።

41 ሳኣዎኦሌ ናንገና ናንጎ ጎዳ ማዔ ዒሰራዔኤሌኮ ዎኦዛሢ፡- «ናንገና ናንጎ ጎዳሢዮ! ሃኖ ኔ ታኣም ዓይጎሮ ኬኤዞ ዒጻይ? ዒሰራዔኤሌ ዎኦዛሢዮ! ሃንሢ፥ ኔኤም ዲማዴ ሹጮንሢ ዛሎና ማሂ ታኣም ኬኤዜ፤ ሃያ ደቢንቶ ማዴሢ ዮናታኣኔታቶ፥ ሃንጎ ታናታቶ ኔ ማሊዎ ዲማሲ ዔርዛ ባኮ ዛሎና ዲማሲ ዔርዜ፤ ሃያ ጎም ማዴሢ ኔ ዴሮ፥ ዒሰራዔኤሌ ማዔቴ ኔ ማሊዎ ዲማሲ ዔርዛ ባኮ ዛሎና ዲማሲ ታኣም ኬኤዜ» ጌይ ሺኢቁም ናንገና ናንጎ ጎዳ ዮናታኣኔና ሳኣዎኦሌና ባንሢ ዳቄሢሮ ዴራ ጌኤሺ ማዔኔ፤

42 ዩካፓ ሳኣዎኦሌ፡- «ታ ናኣዚ፡ ዮናታኣኔና ታኣናሞ ዒፃ ዓጉዋቴ»
ጋዓዛ፡ ዬና ዮናታኣኔሞ ከሰከኔ፤

43 ዩካፓ ሳኣዎኦሌ ዮናታኣኔ ኮራ፡- «ዓይኅ ኔ ማዳይ?» ጌዒ
ዎኦጩኔ።

ዮናታኣኔ ማሃዎ፡- «ታኣኮ ኮኦሎኮ ቤርቶና ዳካ ዔኤሲ ቦኦኪ ዔኪ
ታ ሙዔኔ፤ ማይ ሃይቆቴያ ታ ሃይቃጎዳኔ» ጌዔኔ።

44 ሳኣዎኦሌ ዒማና፡- «ታ ኔና ዋዲሹዋ ሃሼቴ ዎኦሲ ታና
ባይዘሞ!» ጌዔኔ።

45 ዴራ ጋዓጎቴ ሳኣዎኦሌ ኮይላ፡- «ሃያይዲ ዒሰራዔኤሌ ዓሶ
ባሺሴሢ፡ ዮናታኣኔ ዋይቲ ሃይቃጎዳይ? ፔቴታዎ ዋዲጎታዓኬ! ሃይባ
ዓታዛ ዒዛኮ ቶኦኮ ጋፓናፓ ፔቴ ጋፓኔታዎ ኬዲጎዲዋኣሢ ናጎጊና
ናጎጋ ጎዳሢ ሱጎዎና ኑ ጫኣቃኔ፤ ሃኖ ዒ ማዳ ባካ ቢያ ዎኦሲ ማኣዳሞ
ማዲጎቴያኬ» ጌዔኔ፤ ዬያይዲ ዴራ ዮናታኣኔ ሃይባፓ ቶሊሴኔ።

46 ዩካፓ ሳኣዎኦሌ ፒሊሰፄኤሜ ዓሶ ዳውሲዎ ሃሺ፡ ዔያታ ፔ
ዓጮ ማዒ ዴጎዳኔ።

ሳኣዎኦሌኮ ካኣታቶ ዋደጎታ ዒዛኮ ማኣሮ ዓሶ ዘላ

47 ሳኣዎኦሌ ዒሰራዔኤሌ ዓሶ ዑፃ ካኣታዳሰካፓ ቢያ ቤዛ ዓኣ
ዒዛኮ ሞርኮ ዎሌኔ፤ ዬያታ፡- ሞዓኣቤጎታ ዓሞኦኔጎታ ዔደኦሜ
ዓሶጎታ፡ ዬያጉዲ ዎባ ካኣቶጎታ ፒሊሰፄኤሜ ዓሶጎታኬ፤ ዒ ዎሌ ዓሶ
ቢያ ባባሼኔ፤

48 ዒ ደዲ ዎሊ ዓማሌቄ ዳሮዋ ባሼኔ፤ ዬያይዲ ዎሊ
ዒሰራዔኤሌ ዓሶ ሞርኮ ኩጫፓ ዓውሴኔ።

49 ሳኣዎኦሌኮ ዓቲጎቆ ናኣታ፡- ዮናታኣኔጎታ ዩሺዊጎታ
ማልኪሹዓጎታኬ፤ ዒዛኮ ናኣ ቶይዳላ ሜራቤ፡ ጌኤዳላ ሜልኮኦሎ
ጌይጎታኔ።

50 ማሻ ሱጎፃ ዒዛኮ ዓሂኖዓሞ ጌይጎታያ ዓሂማዓፃ ናይኬ፤ ሃሃ
ዒዛኮ ፖኦሊሶ ዓይሃ፡ ሱኡጋሢ ዓቤኔሬ ጌይጎታያ ዒዛኮ ማዎ ኔሬ
ናይኬ።

51 ዬያሮ ሳኣዎኦሌኮ ዓዶ ቂኢሴጎታ ዓቤኔሬኮ ዓዶ ኔሪጎታ
ዓቢዔኤሌ ናይኬ።

52 ሳኣዎኦሌ ካኣታዲ ናጎጌ ዋደ ቢያይዳ ፒሊሰፄኤሜ ዓሶና ዎላ
ሞርኬ ማዒ ደዲ ዎልቲ ዎልቲ ዳዔኔ፤ ዬያሮ ዒዚ ደዲ ዎልዚ ዎላ
ዓሲ ዳጎቄ ዋደና ፃኣፒ ፃኣፒ ፖኦሊሶ ባኣኮ ጌልዛኔ።

15

ሳኣዎኦሌ ዓማሌቄ ዓሶ ዎሌ ዎሎ

1 ፔቴ ኩሊ ሳሙዔኤል ሳኦኦኦኦ ኮይላ፡- «ናንገና ናንገ ጎዳ ፔ ዴር ዒሰራዔኤል ዑፃ ኔና ተሸኪ ካኦታሦሞ ዒማና ታና ዳኬኔ፤ ሃሢ ቢያ ባኮ ዳንዳዓ ጎዳሢ ጋዓ ባኮ ዋይዜ፤

2 ዒሰራዔኤል ዓሳ ጊብጃፓ ኬሰኪ ሙካኦና ዓማሌቄ ዓሳ ጎይጋይዳ ዔያቶ ያሊ ያሊ ሜታሴሢሮ ናንገና ናንገ ጎዳ ዓማሌቄ ዓሰይዳ ፑርታ ዓጊ ኮሞ ዔካኒ ጌዔኔ።

3 ሃሢ ዴንዲ ዓማሌቄ ዓሰ ያሊ ዔያቶኮ ዓኣ ባኮ ቢያ ባይዜ፤ ፔቴ ባኦዚታዎ ዓይሲፖ፤ ዓቲንቆ፣ ላኦ፣ ዳኮንታ ዓኦ፣ ናኦንታ፣ ባኦንታ፣ ማራቶ፣ ጋኦላሢንታ ሃርንታ ቢያ ዎዴ» ጌዔኔ።

4 ዩያር ሳኦኦኦኦ ፔኤኮ ፖኦሊሶ ዔኤሊ ጃሌሜ ጌይንታ ቤሰካ ቡኩሲ ፓይዴኔ፤ ዒማና ዒሰራዔኤልፓ ሙኬ ያሎ ዓሳ ላሞጋ ጃኦታ ሺያ፣ ዩሁዳፓ ሙኬ ዓሳ ታጾ ሺያ ማዔኔ፤

5 ዩካፓ ዒዛንታ ፖኦሊሶንታ ዓማሌቄ ዓሰ ካታሞ ዴንዲ ፔቴ ዛሬ ካርካ ካቲ ዴዔኔ፤

6 ዒሰራዔኤል ዓሳ ጊብጃፓ ኬሰካኦና ቄና ዓሳ ኮሺ ባኦዚ ዔያቶሞ ማዴሢሮ ሳኦኦኦኦ፡- «ታ ዒንሢ ዓማሌቄ ዓሰና ዎላ ኩርሱሞ፡-ዲ ዔያቶ ባኦካፓ ኬሰኪ ዴንዲዎቴ» ጌይ ኪኦታ ዳካዛ፣ ቄና ዓሳ ዓማሌቄ ዓሰ ሃሺ ዴንዴኔ።

7 ሳኦኦኦኦ ሃዋላፓ ዓርቃጋ ዴንዲ ጊብጃ ዓጮኮ ዓባ ኬሰካ ዛላ ዓኣ፣ ሹኤሬ ዔኪ ዴንዳ ጎይጋ ሄላንዳኦና ቢያ ያሊ ዓማሌቄ ዓሰ ባሺኔ።

8 ዒማና ዒዚ ዓማሌቄ ዓሰኮ ካኦቲ፣ ዓጋጌ ዲዒ ዔካጋ ዴር ቢያ ጩንቾ ዓፓሮና ዎዲ ኩርሴኔ፤

9 ጋዓንቲ ሳኦኦኦኦና ዒዛኮ ፖኦሊሶና ካኦታሢ፣ ዓጋጌ ዎዲዎጋ ሃሺኔ፤ ዩያ ሌሊቱዎንቲ ቃራ ቃራ ማዔ ማራቶንታ ባኦንታ፣ ማሎ ማሎ ቡዎንታ ማራ ናኦንታ፤ ዩያ ዩያጉይ ኮኸ ባኮ ቢያ ዎዲ ባይዚባኦ፤ ዔያታ ዒማና ዎዲ ባይዜሢ ዔኤቢ ማኦዳ ባኦዚባኦ ባኮ ሌሊኬ።

ሳኦኦኦኦ ካኦታዲ ዴይንዲዎጋ ማዒፃ ኬኤዚንቲሢ

10 ናንገና ናንገ ጎዳ ሳሙዔኤልም፡-

11 «ሳኦኦኦኦ ታና ሃሺኔ፤ ዒዚ ታኦኮ ዓይሢጋ ካፒባኦሢሮ ዒዛ ታ ካኦታሢጋና ዒና ታኦኮ ያዩኔ» ጋዓዛ፣ ሳሙዔኤል ዩያር ዳጋዲ ዩኤኪ ዩኤኪ ያኦሲ ሺኢቄ ጎይሢ ዩኖ ዎንቶ ዎርቄኔ፤

15:1 1 ሳሙ. 10:1። 15:2 ኬሲ. ማፃ 17:8-14፤ ላሚ. ዎማ 25:17-19።

12 ዩካፓ ዒዚ ጉቴ ዓማ ዔቂ ሳኣዎኦሌ ዴንቃኒ ኮይ ዴንዳኔ፤ ዒዚ ኬሎ ሳኣዎኦሌ ዒዚ ፔኤኮ ዖሎና ባሺዖ ዔርዘኒ ዳኣቦ ዳኣቤ፣ ቁርሚሎሴ ካታዎ ሄላዎ ማዒ ገንሣ ጌልጌላ ዴንዳሢ ዋይዜኔ፤

13 ዬያ ዋይዛዎ ዒዚ ሳኣዎኦሌ ኮራ ሙካዛ፣ ሳኣዎኦሌ፡- «ሳሙዔኤሌ! ናንገና ናንገ ጎዳ ኔና ዓንጅንጎ፤ ታኣኒ ናንገና ናንገ ጎዳኮ ዓይሢዎ ማዲ ኩንሣኔ» ጌዔኔ።

14 ሳሙዔኤሌ ዒማና፡- «ሂዳዎ ሃይ ታ ሃሢ ዋይዛ፣ ባኣቶንታ ማራቶ ዲቦንታኮ ዑኡዛ ዓይጎዳዎ?» ጌይ ሳኣዎኦሌ ዖኦጩኔ።

15 ሳኣዎኦሌ ማሃዎ፡- «ዬይ ታኣኮ ዖሎ ዓሳ ዓማሌቁ ዓሶፓ ዲዒ ዔኬሢህኒ፤ ዔይታ ቃሮ ቃሮ ባኣቶንታ ማራቶንታ ናንገና ናንገ ጎዳ ማዔ ኔኤኮ ዖኦዛሢዎ ሚቹ ዒንጎ ዒንገሢ ማሂ ሺኢሻኒ ዔኪ ሙኬኔ፤ ሃንጎ ባኮ ቢያ ጋዓንቴ ቢያ ኑ ዋዲ ባይዜኔ» ጌዔኔ።

16 ዬያሮ ሳሙዔኤሌ፡- «ሃሺ ገዳንዳኔ፤ ናንገና ናንገ ጎዳ ታኣዎ ሂሮ ዋንቴ ፔጋሲ ኬኤዜ ባኣዚ ታ ኔኤዎ ኬኤዛዎ» ጌዔኔ።

ሳኣዎኦሌ፡- «ዔኤዔ፣ ኬኤዜ» ጌዔኔ።

17 ዩካፓ ሳሙዔኤሌ ዒዛዎ፡- «ኔ ኔና «ዳካ ዓሲኬ» ጌይ ማሌቴያ ዒሰራዔኤሌ ፃጸኮ ሱኡጌ ኔ ማዒባኣዓዳ? ናንገና ናንገ ጎዳ ኔና ደኦሚ ዒሰራዔኤሌ ዓሶ ዑፃ ካኣታሣኔ፤

18 ሃሣ ዬያቶ ጎማዴ፣ ዓማሌቁ ዓሶ ዋዲ ኔ ባይዛንዳጉዲ ኔና ዒ ዳኬኔ፤ ኔ ዔይቶ ጋፕዲ ኩርሳንዳጉዲ ኔና ዒ ዓይሣኔ።

19 ሂዳዎ ዋይታዛ ኔ ዒዛኮ ዓይሢዎ ኩንሣከላይ? ዲዒንቴ ዔውቴ ባኮ ሚጩንቴ ጎጋይቂ ናንገና ናንገ ጎዳ ዎዛሱዎ ማዶ ኔ ዓይጎሮ ማዴይ?» ጌዔኔ።

20 ሳኣዎኦሌ ማሃዎ፡- «ናንገና ናንገ ታ ጎዳሢኮ ዓይሢዎ ታ ኩንሣ ማዴኔ፤ ዒ ታና ዓይሣ ጎይዖና ኬሰኪ ታ ዖሌኔ፤ ካኣታሢ ዓጋጌ ሌሊ ታኣኒ ዓይሲ ዲዒ ዔኪ ዬዓዎ ሃንጎ ዓማሌቁ ዓሶ ቢያ ታ ዋዴኔ፤

21 ጋዓንቴ ታኣኮ ዖሎ ዓሳ ዲዒ ዔኬ፣ ቃሮ ቃሮ ማራቶንታ ባኣቶንታ ዋዲባኣሴ፤ ዬያይዲዎ ኑኡኒ ሃሺ ዔኪ ሙኬሢ ናንገና ናንገ ጎዳ ማዔ ኔ ዖኦዛሢዎ ጌልጌላይዳ ሚቹ ዒንጎ ዒንገሢ ማሂ ሺኢሻኒኬ» ጌዔኔ።

22 ዬማና ሳሙዔኤሌ፡- «ናንገና ናንገ ጎዳ ናሽካሢ ዓይጎ ኔኤዎ ማላይ? ዓይሢንቴሢዎ ማሌ ዒንጎ ባኮና ሚቹ ዒንጎ ባኮናዳይ? ዒዛዎ ዓይሢንቴ፣- ቃራ ማራይ ሹኪ ሚቹ ሺኢሾ ዒንገፃፓ ባሺኬ፤

23 ዖኦሲዎ ዋይዚ ዒዲሢ፡- ማርሻ ማርሺሢጉዲኬ፤ ዖቶርቂ ጌኤታዲሢዎ፡- ማሌ ዖኦዛ ካኣሽኪ ጎሜ ማዲሢጉዴያኬ፤ ኔኤኒ ናንገና ናንገ ጎዳኮ ዓይሢዎ ሃሺሢሮ ማይ ካኣታዲ ዴዑዎጉዲ ዒዚያ ኔና ሃሺኔ» ጌዔኔ።

24 ይደር ሳኦኦሎ:- «ሂዮ ጎኔኬ፤ ታ ጎሜ ማዳኔ፤ ናንገና ናንጋ ጎዳ ዓይህ ዓይህ፤ ታኔ ታኔም ኬኤዜ ባኮዋ ካፒ ታ ኩንህግላሴ፤ ታኔ ታኔኮ ፖኦሊሶ ዓገጪ ዔያታ ኮዔ ጎይዖ ቢያ ታ ማዳኔ፤

25 ጋዓንቴ ሃሂ ታ ኔና ሺኢቃኔ ይያ ጎሞ ታኦኮ ዓቶም ገዔ፤ ታኔኒ ጌልጌላይዳ ናንገና ናንጋ ጎዳ ዘገ ካኦሽኮም ታኦና ዋላ ማዒ ዒኢካ ቢሬ» ገዔ።

26 ሳሙዔኤል ዒማና:- «ታኔኒ ኔኤና ዋላ ዴንዳዓኬ፤ ኔኤኒ ናንገና ናንጋ ጎዳኮ ዓይህ፤ ማዳ ኩንሃ ሃሺ፤ ማይ ኔኤኒ ዒሰራዔኤሌኮ ካኦቴ ማዒ ዴዑዋጉዲ ዒዚ ኔና ሃሺ፤» ገዔ።

27 ያዲ ጋዓዖ ሳሙዔኤል ዒዛ ኮይላፓ ዴንዳኒ ሺሬ፤ ሳኦኦሎ ጋዓንቴ ሳሙዔኤል ዴንዳዊጉዲ ዒ ማኦዒ ዓኦ ዴኤፖ ኮኦቶኮ ዓጩ ዓርቁም ኮኦታ ዳርዓዛ።

28 ሳሙዔኤል ሳኦኦሎ ኮራ:- «ናንገና ናንጋ ጎዳ ዒሰራዔኤሌይዳ ኔ ካኦታዳ ካኦቱም ኔ ኩጫፓ ሃኖ ዳርዚ ዔከ ማሌ ቃራ ዓሲም ዒንገኔ፤

29 ዒሰራዔኤሌኮ ቦንቾ ማዔ ያኦካሂ:- ሉኡቃያቱዋሴ፤ ሃሃ ላይጋ ታ ይያይዳይ? ጋዓያቱዋሴ፤ ዒዚ ዓሲጉዲቱዋሂር ፔኤኮ ማሊያ ገንሃ ሺርሹዋሴ» ገዔ።

30 ይደር ሳኦኦሎ:- «ጎኔኬ ታ ዳቤ፤ ያዲ ማዔቲያ ማሌ ባካ ዓቶንጎ ታ ዴሮኮ ሱኦጎና ዒሰራዔኤሌ ዴሮና ቤርቶይዳ ታና ቦርሲሲፖ፤ ናንገና ናንጋ ጎዳ ማዔ ኔኤኮ ያኦካሂ ታ ዘገ ካኦሽካንዳጉዲ ታኦና ዋላ ዴንዳቴራ» ገይ ሺኢቁ።

31 ያዲ ገይ ዒ ሺኢቃዛ ሳሙዔኤል ዒዛና ዋላ ጌልጌላ ዴንዳኔ፤ ሳኦኦሎያ ናንገና ናንጋ ጎዳ ዘገ ካኦሽኬ።

32 ይካፓ ሳሙዔኤል:- «ካኦታሂ፤ ዓጋጌ ታኦም ሃኒ ዔከ ይዔ!» ገይ ዓይህዛ፤ ዓጋጌ ዒገቹምና ጎጋይቂ ጎጋይቂ ዒዛ ኮይላ ሙኬ፤ ዓጋጌ ዒማና:- «ሃይቢ ሃያጉዴ ፑርታ ባኦዚዳ!» ገይ ፔ ዒኖና ማሌ።

33 ሳሙዔኤል ዒዛ ኮይላ:- «ኔኤኮ ጩንቾ ዓፓራ ሚርጌ ናኦቶ ዒንዳ ናይ ባኦያ ማሃሂጉዲ ኔ ዒንዳኦ ናይ ባኦያ ማዒ ዓታንዳኔ» ገዔ። ጌልጌላይዳ፤ ናንገና ናንጋ ጎዳም ዒንጎ ባኮ ዒንጎ ቤዘኮ ቤርቶ ዛላ ዒዛ ተቂ ተቂ ኬኤሬ።

34 ያዲ ዴሰካፓ ሳሙዔኤል ራኦማ ዴንዳኔ፤ ካኦታሂ፤ ሳኦኦሎያ ገቢዓ ማዒ ዴንዳኔ።

35 ይማፓ ዓርቃዖ ሳሙዔኤል ናንጌ ዋዶ ቢያይዳ ካኦታሂ፤ ሳኦኦሎ ዘገ ቤቂባኦ፤ ጋዓንቴ ናንገና ናንጋ ጎዳ ዒሰራዔኤሌ

ዓሶ ዑፃ ሳኣዎኦሌ ካኣታሲዎና ዎዩሢሮ ሳሙዔኤል ዬያ ዛሎ ዎዩ ዎዩ ዬኤካኔ።

16

ዳውቴ ቲሽቲ ካኣታቶ ዶኦሚንቴሢ

1 ፔቴ ከሊ ናንጊና ናንጋ ጎዳ ሳሙዔኤልም፡- «ካኣቱሞፓ ታኣኒ ከይሴ፡ ሳኣዎኦሌ ዛሎ ኔ ሞማ ሄላንዳኣና ዬኤኪ ዬኤኪ ዴዓኒ ጋዓይ? ዒዚ ዒሰራዔኤሌኮ ካኣቲ ማዒ ናንጋዳጉዲ ታኣኒ ኮዑቀሴ። ሃሢ ኔ ሞዳንዳይ ጌዔቴ ሪሚቶ ዛይቶ ጉራኖይዳ ከንሢ ዔኪጋፓ ቤኤቴሌኤሜይዳ ናንጋ፣ ዒሴዬ ጌይንታ ዓሢ ኮይላ ዴንዳ፤ ታኣኒ ዒዛኮ ናኣቶ ባኣካፓ ፔቴይ ካኣቲ ማዓንዳጉዲ ዶኦሜኔ» ጌዔኔ።

2 ሳሙዔኤል ዒማና፡- «ዬያ ታ ሞዲ ማዳንዳይ? ሳኣዎኦሌ ዬያ ሞዋይዘቴ ታና ሞዴኔ!» ጌይ ናንጊና ናንጋ ጎዳ ዎኦጩኔ።

ናንጊና ናንጋ ጎዳ ዒዛሞ ማሃዎ፡- «ናንጊና ናንጋ ጎዳም ሚቹ ዒንጎ ዒንገሢ ዒንገኒ ታ ሙከኔ» ጌይ ፔቴ ማሮ ዔኪ ዴንዳ፤

3 ኔኤኒ ዬኖ ዒንጋ ቤዜሎ ዒሴዬ ሙካንዳጉዲ ዔኤሌ፤ ኔኤኒ ማዳንዳይ ባኮ ታ ከኤዛንዳኔ፤ ዒማና ታ ኔኤም ከኤዛ ዓሢ ቲሽኪ ካኣቱሞም ዶኦሜ» ጌዔኔ።

4 ናንጊና ናንጋ ጎዳ ዓይሢ ባኮ ማዳኒ ሳሙዔኤል ቤኤቴሌሄሚ ዴንዳኔ፤ ዒኣካ ዒ ሙከህ ሄላኣና ዬኖ ካታሜሎ ዓሳ ዒጊቹሞና ጎጋይቂ ጎጋይቂ ሳሙዔኤል ኮይላ ሙካዎ፡- «ኔ ኮሺ ዓኣዎ ሙከያ?» ጌይ ዎኦጩኔ።

5 ዒዚ ማሃዎ፡- «ሂዮ! ኮሺ ዓኣዎከ፤ ናንጊና ናንጋ ጎዳም ሚቹ ዒንጎ ዒንገሢ ሺኣሻኒ ታ ሙከኔ፤ ዒንሢኮ ዑዎ ጌኤሺ ታ ኮይላ ሙከሞቴ» ጌዔኔ። ዬማና ዒዚ ዒሴዬና ናኣቶና ፔ ዑዎ ጌኤሻንዳጉዲ ከኤዛዎ ናንጊና ናንጋ ጎዳም ዒንጎ ባኮ ሺኣሾ ቤዘሞ ሙካንዳጉዲ ዔያቶ ዔኤሌኔ።

6 ዒኣካ ዔያታ ሙካዛ ሳሙዔኤል ዔኤሊያቤ ጌይንታ፡ ዒሴዬኮ ናኣዚ ዴንቃዎ፡- «ሃይ፣ ናንጊና ናንጋ ጎዳ ቤርታ ሙከህ ዔቂሢ ጎኔ ካኣቱሞም ዶኦሚንቴሢኬ» ጌይ ፔ ዒኖና ማሌኔ።

7 ጋዓንቴ ናንጊና ናንጋ ጎዳ፡- «ዔኤሊያቤኮ ዔጰ ዎዶሱሞና ማላሢ ሚዛጰሞና ዛጊፖ፤ ታ ዒዛ ኮይባኣሴ፤ ታኣኒ ሞጋሢ ዓሲ ሞጋ ጎይሢቱሞሴ፤ ዓሲ ዑሢና ዓሲኮ ማሎ ዛጋኔ፤ ታኣኒ ጋዓንቴ ዓሲኮ ዒኔ ዛጋኔ» ጌዔኔ።

8 ዬካፓ ዒሴዬ ዓቢናዳኣቤ ጌይንታ ናዓሢ ፔኤኮ ዔኪ ሳሙዔኤል ኮይላ ሙከኔ፤ ሳሙዔኤል ጋዓንቴ፡- «ናንጊና ናንጋ ጎዳ ሃያ ዶኦሚባኣሴ» ጌዔኔ።

9 ሃሣ ገንሣ ዒሴዬ ሻማ ጎኦ ናዓሢ ፔኤኮ ዔኪ ሙካዛ፥ ሳሙዔኤሌ፡- «ናገረና ናገጋ ጎዳ ሃያኣ ዶኦሚባኣሴ» ጌዔኔ።

10 ዒሴዬ ዩያይዳኣና ፔኤኮ ላንካዎ ናኣቶ ዔኪ ሙኬ ጎይሣ ሳሙዔኤሌ ቤርታ ዎሊ ቤኤዚ ዔቂሴኔ፤ ጋዓንቴ ሳሙዔኤሌ ዒሴዬም፡- «ሃኣቶ ባኣካፓ ናገረና ናገጋ ጎዳ ፔቴታዎ ካኣቱሞም ዶኦሚያ ባኣሴ» ጋዓዎ፡

11 «ዎይዜ፤ ሜሌ ናይ ኔኤኮ ባኣዓዳ?» ጌይ ያኦጩኔ።

ዒሴዬ ዒማና፡- «ሃኣቶ ቢያሢኮ ጌኤዚሰከይ ዓኣኔ፤ ዬይ ሃሢ ማራይ ሄንቃኒ ዓኣዲ ዓኣኔ» ጌዔኔ።

ሳሙዔኤሌ፡- «ሂንዳ ዒዛ ዔኤሊሲ ዔኪ ዬዔ፤ ዒዚ ሙኩዎንጉቴ ያኦሲም ዒንጎ ባኮ ኑ ሺኢሻዓኬ» ጌዔኔ።

12 ዬያሮ ዒሴዬ ዓሲ ዳኪ ዒዛ ዔኤሊሲ ዔኪ ሙኬኔ፤ ዬይ ናዓሢ፡- ዘቄ፥ ሚዛጲ ሃሣ ዓኣፓኣ ጌኤሺ ዊሪር ጋዓያ ዴጌኬ፤ ዒማና ናገረና ናገጋ ጎዳ ሳሙዔኤሌም፡- «ታ ዶኦሚሢ ሃያታሢሮ ዔቂ ሃያ ቲሽኬ!» ጋዓዛ፡

13 ሳሙዔኤሌ ሪሚቶ ዛይቶ ኩንሦና ጉራኖ ዔኪ ጌርሲንሢኮ ቤርታ ዳውቴ ቲሽኬኔ፤ ዬማና ኔኔጉዎዎ ናገረና ናገጋ ጎዳኮ ዓያና ዳውቴ ዑፃ ኬዴኔ፤ ዬማፓ ዓርቃዎ ጎዳኮ ዓያና ዒዛፓ ዱማዲባኣሴ፤ ዬካፓ ሳሙዔኤሌ ራኣማ ማዒ ዴንዴኔ።

ዳውቴ ሳኣዎኦሌኮ ካኣቱሞ ማኣሮይዳ

14 ናገረና ናገጋ ጎዳኮ ዓያና ሳኣዎኦሌይዳፓ ዱማዲሢሮ ናገረና ናገጋ ጎዳ ፑርታ ማኩ ዓያና ዳኬም ሳኣዎኦሌ ዴንሣኔ፤

15 ዒማና ሳኣዎኦሌኮ ዓይላ ዒዛ ኮይላ፡- «ሃኣዛጌ ማይ ያኦሲ ዳኬ ሚኩ ዓያና ኔና ሃያይዳኔ፤

16 ዬያሮ ካኣቲዮ! ኑ ኔኤም ጎኦላ ዋርቂ ዔራ ዓሲ ኮዒ ዔኪ ዬዎም፤ ዬካፓ ፑርቶ ሚኩሢ ዓያና ኔጊዳ ጌላኣና ዬይ ዓሢ ጎኦሎ ዋርቃንዳኔ፤ ኔኤኒ ዬማና ዴንሣሢፓ ፖዓንዳኔ» ጌዔኔ።

17 ሳኣዎኦሌ ዔያቶም፡- «ጎኦላ ዋርቂ ዔራ ዓሲ ኮዒ ዔኪ ታኣም ዬዑዋቴ» ጌዔኔ።

18 ዒዛኮ ዓይሎይዳፓ ፔቴሰኬይ፡- «ቤኤቴሌሃሜ ካታማ ናገጋ፥ ዒሴዬኮ ጎኦላ ዋርቂ ዔራ ናይ ዓኣንቴ ታ ዛጌኔ፤ ዬያ ሌሊቱዎንጉቴ ዒዚ ያልዚና ዔርቲ ዓሲ፥ ማላሢናኣ ሚዛጲ፥ ጌኤሲኮ ያጲ ዔሪ ጌሰታ ዓሲኬ፤ ናገረና ናገጋ ጎዳ ዒዛና ዎላ ዓኣያኬ» ጌዔኔ።

19 ዬያሮ ሳኣዎኦሌ ዒሴዬ ኮይላ ከኢታ ዓሲ ዳካዎ፡- «ኔኤኮ ማራዎ ሄንቃ ናዓሢ፥ ዳውቴ ታኣም ዳኬ» ጌዔኔ።

20 ዒሴዬ ዒማና ዳውቴ ፔቴ ኮላናይ ጎቺሲ፥ ካሣንታ ሱርባ ኩሙሢ ዎይኔ ዑሺያኣ ፔቴ ሃሪይዳ ጫኣኒሲ ዳኬኔ።

21 ዩዳኛ ዳውቴ ሳኦኦሌ ኮይላ ሙካዖ ዒዛም ማደህህ ዓርቁኔ፤ ሳኦኦሌ ዒዛ ሚርጌና ናሽኬህረ ዒዛኮ የሎ ዓንጋሞ ኬዲ ሃንታንዳጉዲ ማሄኔ።

22 ዩያይዳሰካፓ ሳኦኦሌ ዒሴዬም፡- «ታኣኒ ዳውቴ ናሽኬኔ፤ ዩያሮ ዒዚ ሃይካ ዳዒ ታኣም ማደንጎ» ጌዒ ከኢታ ዳኬኔ።

23 ዩማፓ ዓርቃዖ የኦሲ ዳኬ፡ ፑርቶ ማዣህህ ዓያና ሳኦኦሌይዳ ሙኪ ጌላማና ጌላማና ዳውቴ ፔኤኮ ጎኦሎ ዔኪ ዋርቃኔ፤ ፑርቶ ማዣህህ ዓያናኣ ዒዛ ሃሼም፡ ሳኦኦሌ ኮሺ ማዓኔ።

17

ዳውቴና ጎኦሊያዳና

1 ፒሊሰጻኤማ ዓሳ ዩሁዳ ዓጫ ሶኮ ጌይንታ ካታማ የልዚር ሙኪ ቡኬኔ፤ ዔያታ ዒማና ሶኮና ዓዜቃናኮ ሳዛ ዓፔሰዳሚማ ጌይንታ ቤዛ ዱንኪ ዳዔኔ።

2 ሳኦኦሌና ዒሰራዔኤሌ ዓሶና ፒሊሰጻኤማ ዓሶ የላኒ ዔኤላ ዛሮይዳ ዱንኪ ዳዓዖ ቤሲ ቤሲ ዓርቁኔ።

3 ዓማና ፒሊሰጻኤማ ዓሶና ዒሰራዔኤሌ ዓሶናኮ ባኣካ ፔቴ ዛሪ ዓኣኔ፤ ዩኖ ዛሪሎኮ ፔቴ ዛሎ ጎኦቦይዳ ፒሊሰጻኤማ ዓሳ፤ ባጎ ዛሎና ዒሰራዔኤሌ ዓሳ ዔቁኔ።

4 ጋኣቴ ካታማፓ ሙኬ፡ የልዚና ዔርቴ ጎኦሊያዳ ጌይንታያ ዔጳ ላሆ ዋዳ ማዔ ፔቴ ዓሲ ፒሊሰጻኤማ ዓሶ ባኣካፓ ኬሰኬኔ፤

5 ዒዚ ሞኦና ዓንጊና ዱይንቴያ ዳኤሠማ ደንጊታሚ ላንካይ ከሎ ማዔያ የሎሮ ዳዳ ማኦየ ባኮንታ ቶኦካ ዓጎ ባኮዋ ዓጊ ዓኣኔ።

6 ሃሃ ዒዚ ቶኮ ጉቤ ሞኦና ዓንጎፓ ዱዋና ባኣዚና ዔኤህህ ዓኣኔ፤ ዩያጉዲ ሃሃ ሞኦና ዓንጊና ዱዋና ዋርህያ ዙላ ባሲ ዓኣኔ፤

7 ዩያ ዋርያኮ ዘዖ ዓንዲርሙማ ዶርዞኮ ዓንዳራሽ ሚያጉዳያ ማዓዛ፡ ዋርያኮ ዳኤሠማ ላንካይ ከሎ ማዓያኬ፤ ዒዛኮ ጌቴሞ ፔቴ የልዚ ዓሲ ዒዛም ኬዲ ቤርታ ቤርታ ዓኣዳኔ።

8 ጎኦሊያዳ ዒማና ፔጎ ኬሰኪ ኬሰኪ ዒሰራዔኤሌ ዓሶ ዑፃ፡- «ሃህ ዒንህህ ሃይካ የሎሮ ኬሰኬህህ ዓይጎ ዋኦታኒዳይ? ታኣኒ ፒሊሰጻኤማ ዓሲኬ፤ ዒንህህ ሳኦኦሌ ካራሞኬ፤ ሂንዳ ዓካሪ ታኣና የልታንዳ ዓሲ ዒንህህኮ ፖኦሊሶ ባኣካፓ ደኦርዋቴ፤

9 ዒዚ ታና ባሺ ዋዳቴ ኦኤኒ ዒንህህኮ ካራሚ ማዓንዳኔ፤ ጋዓንቴ ታኣኒ ዒዛ ባሺ ዋዳያ ማዔቴ ዒንህህ ኦኤኮ ካራሚ ማዓንዳኔ።

10 ታኣኒ ሃኖ ዒሰራዔኤሌ ዓሶኮ ፖኦሊሶ ዘጋንዳኔ፤ ታኣና ዋላ የልታንዳ ፔቴ ዓሲ ኬሱዋቴ!» ጌይ ጌይ ሄርሽንቴ ጌሰቴህህ ዓርቁኔ።

11 ሳኦኦሌና ዒዛኮ ፖኦሊሶና ዩያ ዋይዘዖ ዒጊጨ ጎጋይቁኔ።

ሳኦንኤሌን ስሎ ዓሳ ዓኣ ቤዘ ደውቴ ደንደህ

12 ደውቴ ዪታደይዳ ዓኣ ቤኤቴሌኤሌም ካታማ ናንጋ ዔፕራታ ዓህ ዒሴዬ ናይኬ፤ ዒሴዬኮ ሳሊ ናይ ዓኣያ ማዓዛ ሳኦንኤሌ ካኣታዲ ዓኣ ዎደና ዒዚ ጋርቸኩ።

13 ዒዛኮ ደደ ናኣቶፓ ሃይሃ ናይ ሳኦንኤሌና ዎላ የሎሮ ደንደኔ፤ ዬያታ፡- ቶይዳህ ዔኤሊያቤ፤ ላምዓሳህ ዓቢናዳኣቤ፤ ሃይሃሳህ ሻማ ገይንታህኩ።

14 ደውቴ ጉቤ ናኣቶፓ ገኤዛህኩ፤ ዒዛኮ ሃይሃ ዒሾንህ ሳኦንኤሌና ዎላ የሎሮ ደንዲ ዓኣኔ።

15 ደውቴ ዒማና ሳኦንኤሌ ኮይላፓ ቤኤቴሌኤሌም ደንዲ ደንዲ ዓደኮ ማራቶ ሄንቃ።

16 ፒሊሰጻኤሌም ዓህ፤ ጎኦሊያዴ ዒሰራዔኤሌ ዓሶ ቤርቶ ጉቶንታ ዓቦገሎንታ ኬሰኪ ኬሰኪ የይዲታሚ ኬሊ ቢያ ሄርሺንቲ ሄርሺንቲ ማታሴ።

17 ፔቴ ኬሊ ዒሴዬ ደውቴ፡- «ሚቶና ቲሾ ታጾ ኪሎ ማዓያና ታጾ ላጮና ዔኪጋፓ ዑኩና ደንዲ የሎ ቤዘ ዓኣ ኔ ዒሾንህም ዒንገ።

18 ሃንህ ታጾ ሙሹኮንህ ዔኪ ደንዲ ፖኦሊሶ ዓይህህም ዒንገ፤ ኔኤኮ ገርሲንህ ዎዚ ዓኣቲያ ዛገ ሙኪ ታኣም ኬኤዘ።

19 ካኣቲ ሳኦንኤሌንታ ኔኤኮ ገርሲንህንታ ሃሃ ዒሰራዔኤሌ ዓሶንታ ዔኤላ ደኦጮይዳ ፒሊሰጻኤሌም ዓሶና ዎላ የልቲ የልቲ ዓኣኔ» ገይ ዓይህኔ።

20 ዬያር ደውቴ ዚሬሎ ጉቴ ሚኢሪ ዔቁ፤ ማሌ ዓሲ ማራቶ ሄንቃንዳጉዲ ዒንገ ዒሴዬ ዓይህ ጎይያና ገኢገንቲ ካሃ ዔኪ ደንደኔ፤ ዒማና ዒሰራዔኤሌ ዓሳ የሎ ዓርቃኒ ዒላቲ ኬሰካማና ዒዚ ዒኢካ ሄሌ።

21 ፒሊሰጻኤሌምኮ ፖኦሊሶና ዒሰራዔኤሌ ዓሶና ዎሊ የሎሮ ገኢገ ዔቁ ዓኣኔ።

22 ዬካፓ ደውቴ ዔኪ ሙኬ ካሃ ሙዎ ባኮ ካፓህ ኮይላ ገህ የሎ ዓሳ ዓኣ ቤዘ ጳሽኪ ገርሲንህ ኮይላ ደንዲ ዔያታ ዎዚ ዓኣቲያ የኦጭ።

23 ዬያይዳ ዒ ፔ ገርሲንህና ዎላ ገሰታንቲ የሎና ዔርቲ ጎኦሊያዴ ቤርታ ማዳ ጎይያ ዒሰራዔኤሌ ዓሶ ባንህ ቤርቲም ኬሰኪ ዒሰራዔኤሌ ዓሶ ዑፃ ሄርሺንቲ ገሰቲያ ዓርቄ፤ ደውቴ ዬያ ዒ ጋዓህ ዎይዘኔ።

24 ዒሰራዔኤሌ ዓሳ ጎኦሊያዴ ዛገ ዎደና ዒጊጩ ጳሽኩ።

25 ዎሊ ኮይላኣ ዔያታ፡- «ሃኣሶ ዛጉዎቴ! ዒ ሄርሺንቲ ጋዓ ባኮ ዎይዘዎቴ፤ ካኣቲ፤ ሳኦንኤሌ ዒዛ ዎዳ ዓሲም ሚርጌ ባኣዚ

ዲንጋንዳሢ ጫአቄኔ፤ ዬያ ሌሊቱዋንቴ ፔኤኮ ናዎ ዲንጋንዳሢንታ ዬያ ዓሢኮ ማእሮ ዓሳ ጊኢራ ጊኢራንዲዋአሢያ ከኤዜኔ» ጌዔኔ።

26 ዳውቴ ዲማና ዲዛ ኮይላ ዔቂ ዓአ ዓሶ ኮራ፡- «ሃያ ፒሊሰጻኤሜ ዓሢ ዎዲ ዲሰራዔኤሌ ዓሶ ሃያጉዳ ዳውሲንቶፓ ዓውሴ ዓሢም ዓይጌ ማዲንታይ? ዔዛታ! ናንጊና ናንጋ ያኦዛሢኮ ያሎ ዓሶ ዑፃ ሃያይዲ ሄርሺንቲ ጌሰታ፡ ዓቲንቶ ቤርቶ ቲቂያ ካአኸ ካሽቲባአሢ ዲ ዓይጎ ዓሲዳይ?» ጌይ ያኦጩኔ።

27 ጎኦሊያዴ ዎዴ ዓሢም ማዲንታንዳ ባኮ ዔያታ ዲዛም ከኤዜኔ።

28 ዲማና ዳውቴኮ ቶይዲ፡ ዔኤሊያቤ ዲዚ ዓሶና ዎላ ጌሰታሢ ዎይዛያ፡ ሚርጌና ዳጋዲ፡- «ሃይካ ኔ ዓይጎ ዎዳይ? ማራቶ ዳውሎ ቦኦሎይዳ ያኦም ኔ ሃሼይ? ታኦኒ ኔኤኮ ያቶርሙዎና ዲኖ ፑርቱዎ ዔራኔ! ሃሢ ኔ ሙከሢ ሄኤዶ ያሎ ዛጋኒ ናንዳኦከ!» ጌዔኔ።

29 ዳውቴ ማሃያ፡- «ታ ሃሢ ዓይጎ ዎዳይ? ዔኤቢ ያኦጩኒታያ ታ ዳንዳዑዎዓዳ?» ጋዓያ፡

30 ሜሌ ዓሲ ባንሢ ሺሪ ሃሃ ዲማ ጎይያ ያኦጩኔ፤ ዲ ያኦጩማና ያኦጩማና ዓሳ ዲዛም ከኤዛማ ዲማከ።

31 ፔቴ ፔቴ ዓሲ ዳውቴ ጌዔ ባኮ ዎይዜሢሮ ዳንዲ ሳኦያሌም ከኤዛዛ፡ ሳኦያሌ ዳውቴ ዔኤሊሲ ዔከ ዬዔኔ።

32 ዳውቴ ሳኦያሌ ኮይላ፡- «ካኦቲዮ! ሃያ ፒሊሰጻኤሜ ዓሢሮ ያኦኒያ ጎጲ ዎአፃንዳያ ኮይሱዎሴ! ኔኤኮ ዓይላሢ፡ ታኦኒ ዳንዲ ዲዛ ያላንዳኔ» ጌዔኔ።

33 ሳኦያሌ ዲማና፡- «ዬይ ማዑዎ ባኦዚከ፤ ኔኤኒ ዲዛ ዎዲ ያላኒ ዳንዳዓንዳይ? ኔ ናይከ፤ ዲዚ ጋዓንቴ ዲ ናንጌ ዎዶ ቢያይዳ ያልዚ ጎይሢ ኮሺ ዔሬያከ» ጌዔኔ።

34 ዳውቴ ማሃያ፡- «ካኦቲዮ! ታ ኔኤኮ ዓይላሢ ታ ዓዶኮ ማራይ ሄንቃያከ፤ ዬያ ማራቶ ሙዓኒ ዘቢታቴያ ዲቤ ጌይንታ ቦዓ ሙከ ባርቂ ዔከ ዳንዳ ዎዶና፡

35 ታኦኒ ጊንያ ዳንዲ ቶሊሳኔ፤ ዬይ ቦዓ ታ ባንሢ ሙካኦና ሆሎማ ታ ዔያቶኮ ጩኦሊ ባርቂ ጳርቂ ጳርቂ ዎዎዳኔ።

36 ታኦኒ ኔኤኮ ዓይላሢ ዘቢንታ ዲቤንታ ዎዳኔ፤ ሃይ ዓቲንቶ ቤርቶ ቲቂንቲባኦ ኮልታሢ ናንጊና ናንጋ ያኦዛሢኮ ፖኦሊሶ ዑፃ ሄርሺንቲ ጌሰቲሢሮ ዬያቶ ቦያጉዲ ዲ ማዓንዳኔ።

37 ዬያ ዘቦና ዲቦናይዳፓ ታና ዓውሴ ናንጊና ናንጋ ጎዳሢ ሃያ ፒሊሰጻኤሜ ዓሢ ከጩፓ ታና ዓውሳንዳኔ» ጌዔኔ።

ዬያሮ ሳኦያሌ፡- «ኮሺከ! ዳንዳ፤ ናንጊና ናንጋ ጎዳ ኔኤና ማያንጎ!» ጌዔኔ።

38 ዩካፓ ሳኦፖኦሌ ፔኤኮ ስሎ ማኣዓሢ ዳውቴ ማይሴኔ፤ ሞኦኖ ባንጎፓ ደቆና ቶኦካ ዓጎ ባኮ ዓገ ዳዳ ማይንቶሢያ ዒዛ ማይሴኔ፤

39 ዳውቴ ዩያጉዴ ማኣዓሢ ማይንቴ ቤቁባኣሢሮ ጨንቾ ዓፓሮዎ ማኣዓሢ ዑፃ ቱኪ ዴንዳኒ ዔቃፖ ሃንቶ ባሺንቴኔ፤ ዩያሮ ዳውቴ ሳኦፖኦሌ ኮራ፡- «ሃይ ታኣም ዔርቴባኣ ባኣዚታሢሮ ሃያ ዓፒሎ ቢያ ማኣዒ ታ ስልታኒ ዳንዳዑሴ» ጋዓፖ፡ ዩያ ቢያ ጉሲ ጌሢኔ፤

40 ዩካፓ ፔኤኮ ኮኦሎማ ዔካፖ፡ ዎርዚ ዓቺፓ ደንጎ ሙሊሢ ሹቺ ደኦሪ ዔኪ ዒ ማራቶ ሃንቃፖ ቱኪ ሃንታ ቡራሾይዳ ዓገ፡ ዎሮማኣ ፔኤኮ ዔኪ ጎኦሊያዴ ባንሢ ዴንዴ።

ዳውቴ ጎኦሊያዴ ያሊ ባሺሢ

41 ዩካፓ ፒሊሰፄኤማ ዓሢ ጎኦሊያዴ ሃንጋ ዳውቴ ባንሢ ሙከሢ ሳርቁኔ፤ ዒማና ዒዛኮ ጌቲሞ ኬዳሢ ዒዛኮ ቤርታ ቤርታ ሙካኔ፤

42 ዳውቴ ዒ ኮሺ ዛጋፖ ቦሃኔ፤ ዓይጎሮ ጌዔቴ ዳውቴ ዘቁ፡ ሚዛጲ፡ ዳካ ናይታሢሮኬ፤

43 ዩያሮ ጎኦሊያዴ ዳውቴ ኮራ፡- «ኔኤኒ ታ ባንሢ ኮኦሎ ዔኪ ሙካሢ ታ ኔኤኮ ካኒዳ?» ጋዓፖ፡ ፔኤኮ ያኦዞ ሱንፆና ዒዛ ጋዳንቁ።

44 ዩካፓ፡- «ሃንዳ ሃኒ ዩዔ! ታ ኔና ዎዲ ሃሞፑራሢና ቦያናም ባንገባኣቴ!» ጌይ ሄርሺንቴ።

45 ዳውቴ ዒማና፡- «ኔኤኒ ታና ያላኒ ጨንቻ ዓፓሮንታ ዎርሢንታ ዴኤሚንታ ዔኪ ዩዔኔ፤ ታኣኒ ጋዓንቴ ኔኤኒ ሄርሺንቴ ቦሃ፡ ዒሰራዔኤሌ ስሎ ዓሶኮ ያኦዛሢ፡ ናንገና ናንጋ ጎዳ ማዔ ቢያ ባኮ ዳንዳዓ ያኦዛሢ ሱንፆና ኔና ያላንዳ፤

46 ናንገና ናንጋ ጎዳ ኔና ሃኖ ታኣም ዓኣሢ ዒንጋንዳ፤ ታ ኔና ባሺ ቶኦኮ ኔኤኮ ቲቃንዳ፤ ዩካፓ ፒሊሰፄኤማ ፖኦሊሶኮ ሌዞ ሃሞፑራሢና ካዮ ቦያናም ታ ዒንጋንዳ፤ ታ ያዲዴሰካፓ ዓጫ ቢያ ዒሰራዔኤሌኮ ያኦሲ ዓኣሢ ዔራንዳ።

47 ሃሃ ሃይካ ቡኪ ዓኣ ዓሳ ቢያ ናንገና ናንጋ ጎዳ ፔኤኮ ዳሮ ዓውሳሢ ጨንቻ ዓፓሮና ዎርሢናቱዎኣሢ ዔራንዳ፤ ስሎ ናንገና ናንጋ ጎዳ ያላንዳሢሮ ዒንሢ ኑ ባሻንዳጉዲ ዒ ማኣዳንዳ። ጌዔ።

48 ዩይ ፒሊሰፄኤማ ዓሢ ዒማና ዳውቴ ባንሢ ሙካዛ፡ ዳውቴ ዒዛና ዎላ ያልቶንዶ ቤዞ ዑኩና ጳሽኪ ዴንዴ።

49 ዩካፓ ፔኤኮ ኩጫ ቡራሾ ጋሮ ዳኪ ፔቴ ሹቺ ዔካፖ ጎኦሊያዴይዳ ዎራዛ፡ ሹጫ ባሊቶ ዑሪ ሶሮ ጋሮ ጌሌ፤ ዩያሮ ጎኦሊያዴ ዳዲና ሳዓ ሎኦሚ።

50 ዬያይዲ ዳውቴ ጨንቻ ዓፓር ባኣያ ጎኑሊያዳ ዎራ ሹቸና ዎዲ ያሎና ባሽኔ።

51 ዬካፓ ሃሃ ዳውቴ ጳሽኪ ዴንዲ ጎኑሊያዳኮ ሌዘ ዑፃ ገይ ዔቁ ጎኑሊያዳኮ ጨንቻ ዓፓር ቱጊ ዔካፃ ቶኦኮ ዒዛኮ ቲቁኔ።

ዬማና ፒሊሰፃኤሜ ዓሳ ዔያቶኮ ያሎና ዔርቴሢ፣ ጎኑሊያዳ ሃይቁሢ ዛጋፃ ጳሽኪኔ።

52 ዬካፓ ዒሰራዔኤሌ ዓሶና ዪሁዳ ዓሶና ዑኡዘ ፔኤኮ ጰጊዲ ሜርቲ ሜርቲ ዔያቶ ዳውሲ ዴንዲ ጋኣቴና ዔቅርኔናኮ ዲፆ ካር ሄላንዳኣና ዳኪ ዳኪ ዎዴኔ፤ ፒሊሰፃኤሜ ዓሶኮ ሌዛ ዴንዲ ጋኣቴና ዔቅርኔና ሃሃ ዴንዲ ሻዕራይሜ ዔኪ ዴንዳ ጎይፆ ሄላሢዳ ቢያ ሌሲ ሌሊ ማዔኔ።

53 ዒሰራዔኤሌ ዓሳ ፒሊሰፃኤሜ ዓሶ ዳውሲ ዳኬሰካፓ ማዓፃ ዔያቶኮ ጉርዶ ቡሬኔ።

54 ዳውቴ ዒማና ጎኑሊያዳኮ ቶኦኮ ዔኪ ዬሩሳላሜ ሙኬኔ፤ ጋዓንቴ ጎኑሊያዳኮ ያሎ ዓንጋሞ ፔኤኮ ዓፒሎና ማዠና ማኣርይዳ ገሣኔ።

ዳውቴ ሳኣፆኦሌ ኮራ ሙኬሢ

55 ዳውቴ ጎኑሊያዳ ያላኒ ዴንዳኣና ሳኣፆኦሌ ዛጋፃ ዒዛኮ ፖኦሊሶ ዓይሢ ዓቤኔሬ ኮይላ፡- «ሃይ ያናይዳይ?» ገይ ያኦጩኔ።

ዓቤኔሬ ማሃፆ፡- «ካኣቲዮ! ዒ ያናይታቴያ ታ ዔሩዋዋይ» ገዔኔ።

56 ሳኣፆኦሌ ዒማና፡- «ዴንዲ ዒ ያናይታቴያ ያኦጩ ዔሬ» ገይ ዓይሢኔ።

57 ዳውቴ ጎኑሊያዳ ዎዲ ያሎ ዓሳ ዴንኪ ዴዓ ቤዘ ማዒ ሙካዛ ዓቤኔሬ ዒዛ ዔኪ ሳኣፆኦሌ ቤርቶ ሺኢሹኔ፤ ዒማና ዳውቴ ጎኑሊያዳኮ ቶኦኮ ዔኪ ዓኣ ጎይሢ ዓኣኔ፤

58 ሳኣፆኦሌ ዳውቴ ኮይላ፡- «ዔኤዛይ ኔ ያናይዳይ?» ገይ ያኦጩኔ።

ዳውቴ ማሃፆ፡- «ታኣኒ ቤኤቴሌኤሜይዳ ናንጋ፣ ኔ ዓይላሢ ዒሴዬ ናይኬ» ገዔኔ።

18

ዮናታኣኔና ዳውቴና ዎላ ሳላዴ ሳሎ

1 ሳኣፆኦሌና ዳውቴና ገሰቲ ጋፔሰካፓ ሳኣፆኦሌኮ ናኣዚ፣ ዮናታኣኔ ዳውቴ ዒናፓ ናሽኮ ላጌ ማሄኔ፤ ዒዛ ዒ ዓዳ ፔናጉዲ ናሽኪኔ፤

17:50 2ሳሙ. 21:19። 17:51 1ሳሙ. 21:9።

2 ይመ ኬላፓ ዓርቃያ ሳኣዎኦሌ ዳውቴ ፔ ኮይላ ናንጊሼኔ፤ ፔ ማኣሪ ዴንዳንዳጉዲ ዳውቴ ዒ ዳኪባኣሴ፤

3 ዮናጉኣኔ ዳውቴ ሚርጌና ናሽኬሢረ ዒዛና ዋላ ሳሌ ሳላዴኔ፤

4 ዒዚ ዒማና ዒ ማኣዔ ዴኤፖ ኮኣቶ ኬሲ ዳውቴም ዒንጌኔ፤ ይያጉዲ ሃሃ ያሎ ማኣዓሢ፣ ጨንቾ ዓፓር፣ ዓኣዘንጎታ ቃልሾዋ ዒንጌኔ።

5 ሳኣዎኦሌ ዳኪ ዒዛ ያሊሳ ቤዛ ቢያ ዳውቴም ዔባ ኮሽካያ ማዓኔ፤ ይያር ሳኣዎኦሌ ፖኣሊሶኮ ሱኡጌ ማሂ ዒዛ ዶኦሬኔ፤ ሳኣዎኦሌኮ ያሎ ያላ ዓሶ ቢያሢ ይይ ዋዛሴኔ።

ሳኣዎኦሌ ዳውቴኮ ሞርኬ ማዔሢ

6 ዳውቴ ጎኦሊያዴ ዋዲ ማዓንቴ፣ ያሎ ዓሳኣ ፔ ማኣሪ ማኣሪ ዴንዳንጎቴ ዒሰራዔኤይዳ ዓኣ ካጎማ ካጎማ ቢያ ናንጋ ላኣላ ሳኣዎኦሌ ጎይሃ ዓካጊ ኬሰካያ ዒላሽ ኮርጊ ኮርጊ ጎኦሎዋ ዋርቂ ዋርቂ ሃሃ ካራቤያ ባዓኔ።

7 ዒማና ላኣላ፡- «ሳኣዎኦሌ ሺያ ዋዴኔ! ዳውቴ ጋዓንጎቴ ታጾ ሺያ ዋዴኔ!» ጌይ ጌይ ኮርጌኔ።

8 ሳኣዎኦሌ ይይ ዋዛሲባኣሢረ ኮሽ ዳጋዲ፡- «ዳውቴ ታጾ ሺያ ዋዴኔ ጌይ ሄርሺ ታና ሺያ ሌሊ ዋዴኔ» ጋዓ! ያዲ ማዔቴ ዒ ካኣጎዳንዳኔ ጌይሢኬ!» ጌዔኔ።

9 ይመ ኬላፓ ዓርቃያ ሳኣዎኦሌ ዳውቴ ቂኢሩሞና ዓልተሢና ዓርቂኔ።

10 ይማፓ ዚር ጉቴሎ ያኦሲዳፓ ዳከንቴ ፑርታ ዓያና ሳኣዎኦሌይዳ ጌሌኔ፤ ይያር ዒዚ ኬኤያይዳ ዣኣኦጉዲ ጉሪ ጌሰቲሢ ዓርቂኔ፤ ዒማና ዳውቴ ቢያ ኬሊ ማዳ ጎይያ ሳኣዎኦሌም ጎኦሎ ዋርቃኔ፤ ሳኣዎኦሌ ይማና ኩጫ ዋርሢ ዔኪ ዓኣኔ።

11 ሳኣዎኦሌ፡- «ዳውቴ ታኣጊ ኮጮና ጫርጊ ዓይሢኔ!» ጋዓ፣ ዋርያና ላሚ ላሚ ዶርባዛ፣ ዳውቴ ይያ ቢያ ዓኣሢኔ።

12 ናንጊና ናንጋ ጎዳ ዒዛ ሃሽ ዳውቴና ዋላ ማዔሢረ ሳኣዎኦሌ ዒዛ ዒጊጫኔ፤

13 ይያር ሳኣዎኦሌ ዳውቴ ዛጎ ዒዒ ያሎ ያላ ሺያ ዓሲ ዓይሣንዳጉዲ ዶኦሪ ዳኬም፣ ዳውቴ ያሎ ያላ ዓሶ ዔኪ ዴንዴኔ።

14 ናንጊና ናንጋ ጎዳ ዳውቴና ዋላ ዓኣሢረ ዒ ማዳ ባኮ ቢያ ዒዛም ጊኢጊሻኔ።

15 ሳኣዎኦሌ ዳውቴም ይያ ኮሽካ ባኮ ዛጊ ባሼ ዒዛ ዒጊጫሢ ዓርቂኔ፤

18:7 1ሳሙ. 21:11፤ 29:5።

16 ጋዓንቲ ዒ ዳንዲ ያላ ቤዛ ቢያ ባሺሳ ሱኡጌ ማዔሢሮ
ዒሰራዔኤሌይዳኣ ማፃሞ ዪሁዳይዳ ዓኣ ዳራ ቢያ ዳውቲ ናሽካኔ፤

ዳውቲ ሳኣዖኦሌ ናዎ ዔኬሢ

17 ዩካፓ ሳኣዖኦሌ ዳውቲ ኮራ፡- «ናንገና ናንጋ ጎዳኮ ያሎ
ዓቲንቁ ማዒ ኔ ያሌቲ ታናዎ ቶይዳሎ፣ ሜራቤ ኔኤም ታ ዒንጋንዳኔ»
ጌዔኔ፤ ዒዚ ዬያ ጌዔሢ፡- ዒ ፔኤሮ ዒዛ ዎዳኒ ኮይባኣሢሮ፣
ፒሊሰፂኤሜ ዓሳ ዒዛ ዎዳም ጌይኬ።

18 ዳውቲ ዒማና፡- «ታኣኒ ካኣቲኮ ባይሲ ማዓኒ ታናንሢ ዓይጎ
ዓሲዳይ? ታ ማኣሮ ዓሳ ዒሰራዔኤሌ ዓሶ ባኣካ ኮሺ ዳካቱዓዳ?»
ጌዔኔ።

19 ጋዓንቲ ሜራቤ ዳውቲም ዒንጎንድ ዎዳ ሄላዛ ሜሆላ
ካታማፓ ሙኩ፣ ዓድሪዔኤሌ ጌይንታ፣ ፔቲ ዓሲሰኬያም ዒዛ
ዒንገንቲኔ።

20 ያዲ ማዔቲያ ሜልኮኦ ጌይንታ፣ ሳኣዖኦሌኮ ናኣ ዳውቲ
ናሽኬኔ፤ ዬያ ሳኣዖኦሌ ዎይዛዖ ኮሺ ዎዛዳኔ፤

21 ፔ ዒኖና ዒዚ፡- «ሜልኮኦ ዳውቲም ታ ዒንጋንዳኔ፤ ዒዛ
ታኣም ዳውቲ ፒሪ ዓይሣንዳጉዲ ታ ማሃንዳኔ፤ ዩካፓ ዒዚ
ፒሊሰፂኤሜ ዓሶ ኩጫ ሃይቃንዳኔ» ጌይ ማሌኔ። ዬያሮ ሳኣዖኦሌ
ላሚ ዳውቲ ዔኤሊሳዖ፡- «ኔ ታኣኮ ባይሲ ማዓንዳኔ» ጌዔኔ።

22 ሳኣዖኦሌ ዒዛኮ ደንዘዎ ዔኤላዖ፡- «ኔ ማዳ ባኮና ካኣቲ
ኮሺ ዎዛዳኔ፤ ዒዛኮ ደንዘ ማዔ ቢታንታ ዓኣ ዓሳኣ ኔና ናሽኬኔ፤
ዬያሮ ዒዛኮ ኔ ናዎ ዔካንዳ ዎደማ ሃይማኬ» ጌይ ዳውቲም ዳሚና
ኬኤዛንዳጉዲ ዓይሢ ዳኬኔ።

23 ዬያሮ ዔያታ ዬያ ቢያ ዳውቲም ኬኤዛዛ፣ ዒዚ፡- «ታናጉዴ
ሃያ ማንቆ ዓሢም ካኣቲኮ ባይሳቲ ማዒያ ኮይሳያ ዒንሢም ማላ?»
ጌዔኔ።

24 ደንዘንሢ ዳውቲ ጌዔ ባኮ ሳኣዖኦሌም ኬኤዜኔ፤

25 ሳኣዖኦሌ ላሚ ሃሣ «ካኣቲ ፔ ናዖ ዛሎ ኔጊዳፓ ኮዓ ማጋጫ
ፔቲ ፂኤታ ፒሊሰፂኤሜ ዓሲ ኔ ዎዲ ዓቲንቶ ቤርቶ ቲቁ ዔኪ
ሙካንዳጉዲ ሌሊኬ» ጌይ ኬኤዙዎቲ ጌይ ዓይሢ ዳኬኔ። ዬያ
ሳኣዖኦሌ ማዳሢ፡- ፒሊሰፂኤሜ ዓሳ ዳውቲ ዎዳንዳጉዲኬ።

26 ሳኣዖኦሌኮ ደንዘ ዬያ ዳውቲም ኬኤዜኔ፤ ዳውቲያ ካኣቲኮ
ባይሲ ማዓንዳጉዲ ጌይንቲሢሮ ዎዛዳኔ። ዒማና ዔፖ ኬሎኮ
ቤርታ፣

27 ዳውቲና ዒዛኮ ፖኦሊሶና ዳንዲ ፒሊሰፂኤሜ ዓሶ ያሊ ላምፃ
ፂኤታ ዓሲ ዎዳኔ፤ ዳውቲ ካኣቲኮ ባይሲ ማዓንዳጉዲ ዬኖ ዓሶኮ

ዓቲንቶ ቤርቶ ቲቂያ ዔኪ ዴንዲ ፓይዲ ፓይዲ ካኣቲሞ ዒንገኔ፤ ዬያሮ ሳኣዎኦሌ ዒዛኮ ናዎ፣ ሜልኮኦ ዳውቴሞ ዒንገኔ።

28 ናንጊና ናንጋ ጎዳ ዳውቴና ዎላ ማዔሢንታ ዒዛኮ ናኣ ሜልኮኦኣኣ ዳውቴ ናሽኬሢ ሳኣዎኦሌ ዔሬ።

29 ዬያሮ ሳኣዎኦሌ ዳውቴ ዑሣ ዓኣጳ ዒጊጨሣሢ ዒ ናንጋ ዎዶዶ ቢያ ዳውቴኮ ሞርኬ ማዔ።

30 ዬኖ ዎዶና ፒሊሰጻኤሜ ዓሶኮ ያሎ ዓሳ ቢያ ዎዶ ሙኪ ሙኪ ዒሰራዔኤሌ ዓሶ ያላ፤ ያዲ ማዔቴያ ያላንታ ያሎ ቢያና ሳኣዎኦሌኮ ፖኦሊሶ ዓይሣ ዓሶይዳፓ ዳውቴ ዓይሣ ዓሳ ያሎና ባሻ፤ ዬያሮ ዳውቴ ያልዚና ኮሺ ዔርቴ ዓሲ ማዔ።

19

ሳኣዎኦሌ ዳውቴ ዎዶኒ ዳውሴሢ

1 ሳኣዎኦሌ ዳውቴ ዎዶኒ ማሌሢ ፔኤኮ ናኣዚ ዮናታኣንታ ዒዛኮ ዶንዘ ማዔ ቢታንታ ዓኣ ዓሶንታሞ ቢያ ኬኤዜ፤ ጋዓንቴ ዮናታኣኔ ዳውቴ ኮሺ ናሽካያኬ።

2 ዬያሮ ዳውቴሞ ዒዚ፡- «ታ ዓዳ ኔና ዎዶኒ ማሌሢር ዚር ጉቴ ኔና ባዴዔ፤ ሸሬ ቤሲዳ ዴንዲ ዓኣሽንቴ ዴዔ፤

3 ኔኤኒ ዬኖ ዴንዲ ዓኣሽንቴ ጎዜሎይዳ ታ ዓዶ ኮራ ታ ሙኪ ጌሰቲ፣ ዎይዜ ባኮዎ ኔኤሞ ኬኤዛንዳ።» ጌዔ።

4 ዩካፓ ዮናታኣኔ ዳውቴ ሄርሺ ሄርሺ ሳኣዎኦሌሞ፡- «ካኣቲዮ፣ ኔ ዓይላሢ ዳውቴይዳ ፑርታ ባኣዚ ማዲፖ፤ ዒዚ ኔኤሞ ፔቴታዎ ፑርቲሴ ባኣዚ ባኣሴ፤ ዒዚ ማዴ ባካ ቢያ ሚርጌ ካራና ኔና ማኣዴ፤

5 ዒዚ ፔ ሹሞፓሢ ሚጨንቱዎ? ጎኦሊያዴና ያልቲ ጎኦሊያዴ ዎዶ፤ ናንጊና ናንጋ ጎዳ ዒሰራዔኤሌ ዓሶሞ ዴኤፒ ባሽሢ ዒንገኔ፤ ኔኤኒያ ዬያ ዛጋዎ ዒማና ዎዛዴ፤ ዓካሪ ሃሢ ኔኤኒ ጌኤኮ፣ ዓሢ ዑፃ ፑርታ ባኣዚ ማዶኒ ዓይጎር ማላይ? ዔኤቢ ማዴ ባኣዚባኣ፣ ዳውቴ ጉሪ ኔ ዎዶኒ ዓይጎር ኮዔይ?» ጌዔ።

6 ዮናታኣኔ ዬያ ጌዔሢ ሳኣዎኦሌ ዎይዛዎ ዳውቴ ዎዶንዱዎያ ማዒያ ናንጊና ናንጋ ጎዳ ሱንጎና ጫኣቄ፤

7 ዬያሮ ዮናታኣኔ ዳውቴ ዔኤሊ ዬያ ቢያ ኬኤዜሰካፓ ሳኣዎኦሌ ኮይላ ዔኪ ዬዓዛ፣ ዳውቴ ዬያኮ ቤርታ ማዶ ጎይያ ካኣቲሞ ማዶ ዓርቄ።

8 ዩካፓ ፒሊሰጻኤሜ ዓሶኮ ያላ ጊንሣ ዴኡቄ፤ ያዲ ማዔቴያ ዳውቴ ዔያቶ ያሊ ዎዶ ኩርሳኣ ጌዔሞ ፒሊሰጻኤሜ ዓሳ ጳሽኬ፤

9 ጌቴ ኬሊ ናንገና ናንጋ ጎዳይዳፓ ዳኪንቴ ፑርታ ዓያና ሳኦጎኦይዳ ጌሌኔ፤ ዒዚ ዒማና ፔኤኮ ፑርፆ ኩጫ ዓርቂጋራ ዳዒ ዓኣኔ፤ ዳውቴያ ዒኢካ ጎኦሎ ፑርቃንቴ።

10 ሳኦጎኦይዳ ዳውቴ ኮጮና ዓይሢ ጫርጋንዳኔ ጌይ ፑርፆና ደርባዛ። ዳውቴ ዓኣሢም ፑርፆ ኮጮይዳ ደቂንቴኔ፤ ዳውቴ ዒማና ጳሽኪ ቶሌኔ።

11 ዬኖ ፑንቴሎ ዳውቴኮ ማኣሮ ማንገ ጉቴና ዒዛ ፑዳንዳጉዲ ሳኦጎኦይዳ ዓሲ ዳኬኔ፤ ጋዓንቴ ዳውቴኮ ማቻ። ማልኮኦላ ዳውቴም፡- «ሃኖ ዒባሊ ሃይፓ ኔ ኬሰኪ ፑኒባኣቴ ዚሮ ጉቴ ኔና ፑዳንዳኔ» ጌይ ኬኤዜኔ፤

12 ዬካፓ ዒዛ ማኣሮኮ ፑልቶ ካሮና ዳውቴ ኬይሲ ዳኬም ዒዚ ፑኒ ቶሌኔ፤

13 ዬያይዲ ዒዛ ዳኬሰካፓ ማኣራ ዔያታ ካኣሽካ ያኦዞኮ ማላሢ ዔኪ ዒ ላሃ ሻኦይዳ ላይሢ። ፑኣሪ ጋፓኔና ኮሺንቴ ኬሬ ቶኦካ ጌሢ። ዓፒላና ካንቄኔ።

14 ዬማና ሳኦጎኦይዳ ያሎ ዓሳ ዳውቴ ዓርቃኒ ሙካዛ ማልኮኦላ፡- «ዒዚ ሃርገ ላሃ ዓኣኔ» ዔያቶም ጌዔኔ።

15 ጋዓንቴ ሳኦጎኦይዳ ዬይ ጎኔታቴ ፔ ዓኣፒና ዛጋንዳጉዲ ዓሶ ማሃ ገንሣ ዳኬኔ፤ ዒዚ ዔያቶም፡- «ዒ ላሃ ዓርሶና ፑላ ኬዲ ዔኪ ዬዑፑቴ። ታ ታኣሮ ዒዛ ፑዳንዳኔ» ጌዔኔ።

16 ዬካፓ ዓሳ ዳንዲ ማኣሮ ጌላንቴ ካኣሽኮ ያኦዞ ማላሢና ኬሮይዳ ፑኣሮ ጋፓኖ ኬሮማና ሌሊ ዓኣኔ።

17 ዬያሮ ሳኦጎኦይዳ ማልኮኦሎ ኮይላ፡- «ታኣኮ ሞርካሢ ቶላንዳጉዲ ማዲ ሃያይዲ ኔ ታና ዓይጋ ጌሺይ?» ጌይ ያኦጮኔ።

ዒዛ፡- «ታ ፑዳንጎ ኔ ጋዓይ? ኔ ታና ቶሊሲ ዓይሲባኣቴ ታ ኔና ፑዳንዳኔ» ዒ ጌዔንቴም» ጌይ ማሄኔ።

18 ዬያይዲ ዳውቴ ቶሊ ሳሙዔኤል ኮራ ራኣማ ዳንዲ። ሳኦጎኦይዳ ማዴ ባኮ ቢያ ዒዛም ኬኤዜኔ፤ ዬካፓ ሳሙዔኤልና ዳውቴና ራኣማይዳ ዓኣ። ናዮቴ ዳንዲ ዒኢካ ዳዔኔ፤

19 ዳውቴ ራኣማይዳ ዓኣ። ናዮቴይዳ ዓኣሢ ሳኦጎኦይዳ ፑይዜሢ።

20 ዳውቴ ዓርቃንዳጉዲ ዓሲ ዳኬኔ፤ ዓሶንሢ ዒኢካ ሄላፆ ሳሙዔኤል ቡኩሴም ያኦሲ ማሊፆ ኬኤዛ ዓሳ ቡኪንቲ ዑኡዞ ፔኤኮ ዳጊዲ ያኦሲ ማላሢ ኬኤዛንቴ ዳንቄኔ፤ ዬማና ያኦሲኮ ዓያና ዬንሢ ሳኦጎኦይዳ ዳኬ ዓሶንሢ ዳኣ ኬይሢሮ ዬያታኣ ዑኡዞ ዳጊዲ ያኦሲ ማላሢ ኬኤዚ ዓርቄኔ።

21 ሳኦፖኦሌ ዬያ ዋይዛያ ላሚ ሃሣ ከኢታ ዓሲ ዳካዛ፣ ዬያታኦ ዬኖ ጎይያ ያኦሲ ማሊሢ ኬኤዚ ዓርቄኔ፤ ዬያር ሃሣ ሳኦፖኦሌ ሜሌ ከኢታ ዓሲ ሃይሣሲ ዳካዛ ዬያቶይዳኦ ዲማጉዳ ባኦዚ ማዲንቴኔ፤

22 ዬካፓ ሳኦፖኦሌ ፔኤር ራኦማ ዳንዳኒ ከሰኪ ሙኪ ሴኩ ገይንታ ቤዛ ዓኦ፣ ፔቴ ዳኤፒ ዋኦሢ ዔቴ ቤሲ ሃላያ፡- «ሳሙዔኤልና ዳውቴና ዓንካ ዓኦይ?» ገይ ያኦጫዛ፣ ናዮቴይዳ ዓኦሢ ዲዛም ዓሳ ኬኤዜኔ።

23 ዲዚ ዬኖ ቤዛ ዳንዳንቴ ያኦሲኮ ዓያና ዲዛ ዑፃኦ ኬዳኔ፤ ዬካፓ ዳንዲ ናዮቴ ሃላንዳኦና ጎይያይዳ ቢያ ዑኡዞ ዳጊዲ ዲዚያ ያኦሲ ማሊሢ ኬኤዚ ዓርቄኔ፤

24 ዲማና ዲዚ ሳሙዔኤል ቤርቶ ሙካያ ማኦሣሢ ፔኤኮ ኬሲ ኬኤሪ ያኦሲ ማሊሢ ኬኤዚ ዓርቄኔ፤ ዬካፓ ሮኦርጎታ ዋንቶጎታ ቢያ ዑሢ ካሎ ዲኦካ ላሢ ዋርቄ ፔኤቄኔ፤ «ሳኦፖኦሌያ ያኦሲ ማሊያ ኬኤዛ ዓሶ ማዲያ?» ገይንታ ሃይሳ ገሰቴንቴሢ ዬያይዳፓ ዔቄኬ።

20

ዮናታኦኔ ዳውቴ ማኦዳ ማኦዲያ

1 ዬካፓ ዳውቴ ራኦማይዳ ዓኦ፣ ናዮቴይዳፓ ዓኦሺንቴ ዮናታኦኔ ኮራ ዳንዲ፡- «ታ ዓይጎ ዋይይ? ዓይጎ ፑርታ ባኦዚ ታ ማዳይ? ኔ ዓዳ ታና ዋዳኒ ኮዓሢ ታ ዲዛም ዓይጎ ፑርቲሴምዳይ?» ገይ ያኦጫኔ።

2 ዮናታኦኔ ማሃያ፡- «ዬይ ኔና ሃሎፓ! ኔ ሃይቃዓኬ፤ ታ ዓዳ ማዳ ባኮ ኮሺ ማዔቴያ ፑርታ ባኦዚ ቢያ ታኦም ኬኤዛኔ፤ ዬያ ባኮ ዓዳ ታኦም ዓይጋ ዓኦቻንዳይ? ዬይ ፔቴታያ ማዓ ባኦዚቱዋሴ!» ገዔኔ።

3 ዳውቴ ጋዓንቴ፡- «ኔኤኒ ታና ናሽካሢ ኔ ዓዳ ጋፒ ዔራያኬ፤ ዬያር ዲዛኮ ማሊያ ኔ ዔራዋንቴ ዲ ማዳኒ ገዔ ባኦዚ ዓኦኔ፤ ዓይጎር ገዔቴ ኔ ዬያ ዔራሬቴ ያንዳሢ ዲ ዔሪኬ፤ ያኦሲ ሃይቆ፣ ኔ ሃይቆ! ማይ ዓካሪ ታ ሃይቃኒ ዓቴማ ፔቴ ታኦኪሢ ሌሊኬ!» ገይ ጫኦቄኔ።

4 ዮናታኦኔ ዲማና፡- «ኔ ኮዓ ባኮ ቢያ ታ ኔኤም ማዳንዳኔ» ገዔኔ።

5 ዳውቴ ዲዛም፡- «ዚር ዓገኖ ጻኤር ቦንቾ ኬሎኬ፤ ዬያር ታኦኒ ካኦቴና ዋላ ሙዓንዳያ ኮይሳኔ፤ ጋዓንቴ ታኦኒ ሃንቶ ዲባኒ ሃላንዳኦና ዳንዲ ፑኖም፤

6 ጎያንቴ ኔ ዓዳ ሙያ ቤዛ ታና ኮዔቴ ሲዛ ማኦር ዓሳ ቢያ ሌያ ቦንቾር ዲንጎ ባኮ ዲንጋሢር ቤኤቴሌኤማ ዲ ዳንዳኒ ዳውቴ ታና ኮሺ ሜታሲ ያኦጫኔ ገይ ኬኤዜ።

7 ይመና ካላታህ «ቃራኩ» ጌዔቴ፤ ታ ኔኤኮ ዓይላህ ሂርጋ ባኣያ ናንጋንዳህ ዔራንዳኔ፤ ካኣቲ ጎሪንቴቴ ዒ ታና ፑርታ ባኣዚ ማዳኒ ማሌህ ኔ ዔራንዳኔ፤

8 ናንጊና ናንጋ ጎዳ ቤርታ ኦኡኒ ዋላ ጫኣቄሂሮ ኔ ታኣም ጫኣቄ፣ ዲማዕ ጫኣቄሞ ካፒ ሃዳራ ኮሺ ባኣዚ ታኣም ማዕ፤ ታ ፑርታ ባኣዚ ማዕያ ማዔቴ ኔ ታና ኔኤር ዋዕ፤ ኔ ዓዴ ታና ዋዳንዳጉዲ ኔ ዓደ ኮራ ዓይጋ ኔ ዔኪ ዳንዳይ?» ጌዔቴ።

9 ዮናታኣኔ ጋዓንቴ፡- «ዬያጉዴ ባኣዚ ፔቴታዎ ማሊፖ! ታ ዓዴ ኔጊዳ ፑርታ ባኣዚ ማዳኒ ማሌያታቴ፤ ታ ኔኤም ኬኤዛዓዳ?» ጌዔቴ።

10 ዳውቴ ዒማና፡- «ኔ ዓዴ ታ ዛሎ ፑርታ ባኣዚ ጌይ ኔኤም ማሄያታቴ ዎ ታኣም ኬኤዛንዳይ?» ጌይ ዎኦጩ።

11 ዬያሮ ዮናታኣኔ፡- «ሃኒ ዬዔ! ኦ ፔቴ ቤሲ ዳንደም!» ጌዒ ዋላ ዳንዳይ፡

12 ዮናታኣኔ ዳውቴ ኮራ፡- «ናንጊና ናንጋ ጎዳ ማዔ ዒሰራዔኤሌ ዎኦዛህ ኦኡኮ ማርካ ማዎም! ዚሮ ሃይማ ዎዶ ሃንጎ ሂንታኣ ኬሎይዳ ዓደ ታ ዎኦጩንዳኔ፤ ዒዚ ኔ ዛሎ ማላ ማሊዓ ኮሺ ማዔቴ ታ ኔኤም ኪኢታ ዳካንዳይ፤

13 ኔኤም ዒ ፑርታ ባኣዚ ማዳኒ ማላያታቴ ዬያኣ ታ ኔኤም ኬኤዚባኣቴ፤ ሃህ ኔኤኒያ ኮሺና ቶላንዳጉዲ ታ ማሂባኣቴ ናንጊና ናንጋ ጎዳ ታና ዎዎደንጎ። ናንጊና ናንጋ ጎዳ ታ ዓደና ዋላ ማዔሂጉዲ ኔኤና ዎላኣ ማዎንጎ፤

14 ታኣኒ ሹምፔና ዓቲ ዓኣያ ማዔቴ ኔ ታኣም ጫኣቄ፣ ዲማዕ ጫኣቄሞ ካፒ ታኣም ጉሙርቂንታያ ማዔ፤ ታ ሃይቄቴ ጋዓንቴ፤

15 ናንጊና ናንጋ ጎዳ ኔኤኮ ሞርኮ ቢያ ኔ ቤርታፓ ዳውሲ ባይዛኣና ዬያ ኔኤኮ ጉሙርቂንታያ ማዒዎ ሃሹዋዎ ታ ማኣሮ ዓሶም ኮሺ ባኣዚ ማዕ፤

16 ታ ኔኤም፤ ኔኤኒያ ታኣም ጫኣቄ ጫኣቄማ ሃሺንቴዋዎ ዳዳዎንጎ፤ ዬያ ጫኣቄሞ ኔ ሃሹቴ ጋዓንቴ ናንጊና ናንጋ ጎዳ ኔጊዳ ፑርታ ባኣዚ ዓጋንዳኔ» ጌዔቴ።

17 ዮናታኣኔ ዓዳ ፔናጉዲ ዳውቴ ናሽካሂሮ፡- «ጎኔ ኔ ታና ናሽካያ ማዔሂ ዔርዛኒ ላሚ ታኣም ጫኣቄ» ጌዔቴ።

18 ዬካፓ ዮናታኣኔ፡- «ዚሮ ዓጊኖ ያኤሮ ቦንቾ ኬሎኬ፤ ኔኤኒ ዒኢካ ባኣያ ማዒዎ ዔርታንዳይ፤

19 ሃሣ ሂንቶ ዒባሊ ዒኢካ ኔኤኮ ባኣያ ማዒፃ ባሼና ዒርታንዳኔ፤ ዩያሮ ቢሪ ኔ ዓኣሺንቴ ቤዜሎ ዴንዲጋፓ ዔፄሌ ሹዎ ዙላ ዓኣሺንቴ፤

20 ታኣኒ ዩያ ሹዎ ዲካያ ማሊሲ ሃይሃ ዓኣዛ ዲካንዳኔ፤

21 ዩካፓ ዓኣዛ ዔካንዳጉዲ ፔቴ ናይ ታ ዳካንዳኔ፤ <ዓኣዛ ኔኤኮ ሃንጌናኬ፣ ዔኪ ዩዔ፤> ታ ጌዔቴ ኔና ሃለንዳ ፑርታ ባኣዚ ባኣያ ማዒፃ ዔርዛያታሢሮ ኔ ዓኣሺንቴ ቤዛፓ ኬሰካሊ ዳንዳዓኔ፤ ኔና ሃለንዳ ባኣዚ ባኣሢ ናንጊና ናንጋ ያኦዛሢ ሱንፆና ታ ጫኣቋ።

22 ጋዓንቴ ታኣኒ ናዓሢ ኮይላ፡- <ዓኣዛ ኔኤኮ ዑሣ ሱንጌኬ፣ ሃኒ ዔኪ ዩዔ፤> ታ ጌዔቴ ናንጊና ናንጋ ጎዳ ኔና ሃይፓ ዴንዳንዳጉዲ ጌዔሢሮ ዴዴንዳ።

23 ኦኡኒ ዎላ ጫኣቁ ጫኣቁሞ ናንጊና ኦ ካፓንዳያ ማዔሢኮ ያኦሲ ኦኡኮ ማርካኬ» ጌዔኔ።

24 ዩያሮ ዳውቴ ካኖ ባኣካ ዓኣሺንቴ ዴዔኔ፤ ዩካፓ ዓጊኖ ፄኤር ቦንቾ ኬሎና ሳኣዖኦሌ ሙዖ ሙዓኒ ዴዔኔ፤

25 ዓማና ካኣቴ ኮጮ ሃሊ ዒ ዴዓ ቦንቾ ቤዛይዳ ዴዓዛ፣ ዒዛ ሃሊ ዓቤኔሬ ዴዔኔ፤ ዮናታኣኔያ ካኣቴኮ ቤርቶ ዛላ ዴዔኔ፤ ዳውቴ ቤዛ ጋዓንቴ ጉሪኮ፤

26 ያዲ ማዔቴያ ሳኣዖኦሌ ዩኖ ዓቦ ዓይጎዎ ጌይባኣሴ፤ ዩያ ዒ ጌይባኣሢ፡- «ዳውቴ ሜቴ ባኣዚ ጎኦንቴ ናንዳኔ፤ ሃንጎ ዒ ዳሞቦ ጎይዖና ፔና ጌኤሺባኣያ ናንዳኔ» ጌይ ማሌሢሮኬ፤

27 ዩና ዓጊኖ ፄኤር ቦንቾላ ጋፔሰካፓ ሃሊሴ ኬሎዎ ዳውቴ ዴዓ ቤዛ ጉሪ ማዔኔ፤ ዩያሮ ሳኣዖኦሌ ዮናታኣኔ ኮይላ፡- «ዒሴዩ ናኣዚ ዳውቴ ዚጊኖንታ ሃኖንታ ሙዖ ቤዛ ሙኪባኣሢ ዓይጎሮዳይ?» ጌይ ዖኦጮኔ።

28 ዮናታኣኔ ዒማና፡- «ዳውቴ <ቤኤቴሌኤሜ ዓኣዳንዳኔ> ጌይ ታና ሚርጌና ሺኢቋኔ፤

29 ዒዚ፡- <ኦ ማኣሮ ዓሳ ካታሞይዳ ያኦሲሞ ዒንጎ ባኮ ዒንጋሢሮ፤ ሃሣ ታ ዒሼ ዒኢካ ታ ሙካንዳጉዲ ኪኣቴሢሮ ኔ ታና ቦንቻያ ማዔቴ ሃዳራ ታ ጌርሲንሢ ዛጋኒ ታ ዒኢካ ዴንዳሞ» ጌይ ታና ሺኢቋኔ፤ ሃያ ሙዖ ቤዛ ሙኩዎዖ ዒ ዓቴሢ ዩያሮኬ» ጌዔኔ።

30 ሳኣዖኦሌ ዒማና ዮናታኣኔይዳ ኮሺ ዳጋዲ፡- «ኦኡኒ ሃኖ ዓይሢንቶ ዒዳ፣ ፑርቴሎ ናዓሢ ሃይ! ኔ ኔና ዳውሲሳኒ፤ ሃሣ ኔ ዒንደዎ ዳውሲሳኒ ዒሴዩ ናዓሢ፣ ዳውቴና ዎላ ላጋቴሢ ታ ጋፐሲ ዔራኔ!

31 ዒሴዩ ናኣዚ፣ ዳውቴ ሃይቁባኣንቴ ኔኤና ኔ ካኣቴሞናኮ ቤሲባኣሢ ኔ ዔሩዓዳ? ሃሢ ዒዛ ዴንዲ ዔኪ ሙኬ! ዒዚ

ዎዲንታንዳያ ኮይሳኔ!» ጌዔኔ።

32 የናታኣኔ ዓዶ ኮይላ፡- «ዓይጎር ዒዛ ዎዶይ? ዒ ዓይጎ ፑርታ ባኣዚ ማዶይ?» ጌዔኔ።

33 ዬያር ሳኣዎኦሌ የናታኣኔ ዎዶኒ ኩጫ ዒ ዔኪ ዓኣ ዎርዖና ደርቤኔ፤ ዬካፓ የናታኣኔ ዒዛኮ ዓዴ፣ ሳኣዎኦሌ ዳውቴ ዎዶኒ ማሊ ዔቆህ ዔሬኔ፤

34 ዒማና የናታኣኔ ዳጋዲ ሙዖ ቤዛፓ ዔቂ ዴንዴኔ፤ ዬኖ ኬሎ ጌይፃ፡- ዓጊና ጸኤር ቦንቾ ኬሎኮ ላምዓሳ ኬሎና ፔቴታዖ ዒ ዔኤቢ ሙይባኣሴ፤ ዒዚ ዬያ ሙዖ ዒጻህ ሳኣዎኦሌ ዳውቴ ጫሽኪ ቶኦኪ ባይዜህረ ዖዩኩ።

35 ዚር ጉቴሎ ዔያታ ዎላ ጌሰቴ ጎይዖና የናታኣኔ ዳውቴና ካኣማኒ ዳውቴ ዓኣ ቤዞ ዴንዴኔ፤ ዒዚ ዴንዳዖ ፔቴ ዳካ ናይሰኬያ ዔኪ ዓኣዴኔ፤

36 ዒዚ ናዓህ፡- «ሩኡሪና ዴንዲ ታኣኒ ዱካ ዓኣዞ ኮይ ታኣም ዔኪ ዬዔ» ጌይ ዓይህኔ፤ ናዓህ ጳሽካዛ የናታኣኔ ዬያ ናዓህኮ ዑህ ሴካ ቤርቲም ፔቴ ዓኣዛ ዱኬኔ፤

37 ዬይ ናዓህ ዓኣዛ ኬዴ ቤዞ ሄላዛ የናታኣኔ፡- «ዓኣዛ ፔቶ ሶኦኬ!

38 ዬካ ጉሪ ዔቂፖ! ዑኬ ዴንዴ!» ጌይ ዒላቴኔ፤ ናዓህ ዒማና ዓኣዞ የናታኣኔም ዔኪ ሙኬኔ፤

39 ዬያ ዔያታ ዓኣቶ ማዳ ባኮ ዔራዞንህ የናታኣኔና ዳውቴና ሌሊኬ፤ ናዓህ ዔራ ባኣዚ ባኣሴ።

40 የናታኣኔ ናዓህ፡- «ሃያ ዓኣዞ ዔኪ ካታም ዴንዴ» ጌዔኔ።

41 ናዓህ ዴንዴሰካፓ ሹጮ ኩሎ ዙላ ዓኣሺንቴ ቤዛፓ ዳውቴ ኬሰኪ ጉምዓታዖ ሃይህ ማይንቴ የናታኣኔም ዚጌኔ፤ ዒዛና የናታኣኔና ዎሊ ሄርቃዖ ላምዓህ ቢያ ዬኤኬኔ፤ የናታኣኔፓ ባሼ ዬኤኬህህ ዳውቴኩ።

42 ዬካፓ የናታኣኔ ዳውቴ ኮራ፡- «ናጊና ናንጋ ጎዳ ኔኤና ዎላ ማዖንጎ፤ ኮሺ ዴንዴ፤ ኔኤና ታኣናና ባኣካ፤ ጊንህ ሃሃ ታ ዜርዖና ኔ ዜርዖና ባኣካ ናጊና ናንጋ ጎዳ ማርካ ማዒ ዴዖም፣ ጌይ ኑ ዎላ ጫኣቄ» ጌዔሰካፓ ዳውቴ ዴንዴኔ፤ የናታኣኔያ ካታም ማዒ ዴንዴኔ።

21

ዳውቴ ሳኣዎኦሌ ኮራፓ ዓኣሺንቴ ዴንዴህ

1 ዳውቴ ኖኦቤይዳ ዓኣ፣ ቄኤሳህ ዓቤሜሌኬ ኮይላ ዴንዴኔ፤ ዓቤሜሌኬ ዒማና ዒጊቹሞና ጎጋይቂ ጎጋይቂ ዳውቴ ጎይህ ዔካኒ

ከሰካዮ፡- «ዓሲ ኔ ኮራ ባኣያ ኔኤሮ ሌሊ ዓይጌ ኔና ዔኪ ዩዔይ?»
ጌይ ያኦጩኔ።

2 ዳውቴ ማሃዮ፡- «ታ ሃይካ ሙኩህሂ ካኣቲ፥ ሳኣዮኦሌ ታና ዓይህ
ባኣዚ ማዳኒኪ፤ ታና ሃይካ ዳኮና ባኮ ዛሎ ዓይጎ ዓሲማኣ ታ
ከኤዙዋጉዲ ካኣቲ ታና ላኣጌኔ፤ ታኣና ዋላ ዓኣ ዓሲም ኑ ካኣማንዳ
ቤሲ ታ ከኤዙኔ፤

3 ዩያሮ ሃህሂ ኔ ታኣም ሙዋ ባኣዚ ዒንጋንዳ? ደንጎ ካሣታቴያ
ሜሌ ኔ ኮራ ዓይጌ ዓኣቲያ ታኣም ዒንጌ» ጌዔኔ።

4 ቁኤሳህሂ ዒማና፡- «ያኦሲም ዲማዴ ካሃይዳፓ ዓታዛ ሃንጎ ዓሲ
ሙዓ ካሃ ባኣሴ፤ ኔኤና ዋላ ዓኣ ዓሳ ላኣለና ላሃባኣያ ማዒ ፔና
ካፒ ዓኣያታቴ ሃያ ካሃ ዔያታ ሙዓኒ ዳንዳዓኔ» ጌዔኔ።

5 ዳውቴ ቁኤሳህሂም፡- «ታ ዓሲና ኑ ዋላ ማዴም ዳኪንታ ዋዶና
ላኣለና ኑ ላሁዋሴ፤ ሼሌዔ ባኣዚርታዎ ኑና ዳኮዛ ታኣኮ ዓሳ ፔ
ዑያ ጌኤሺ ማሂ ካፓኔ፤ ሃናንህሂ ዋዚ ዔያታ ፔና ጌኤሺ ካፓንዳይ?»
ጌዔኔ።

6 ዩያሮ ቁኤሳህሂ ያኦሲም ዲማዴ ካሃ ዔኪ ዳውቴም ዒንጌኔ፤
ዩያ ዒ ማዴህሂ ዒዛኮ ዓኣ ካሃ ናንጊና ናንጋ ጎዳም ዒንጎ ባኣዚ
ማሂ ዒንጎናያ ሌሊታህሂርኩ፤ ዩይ ካሃ ያኦሲም ዲማዴ ዴጌ ሎኦኮፕ
ያይቶይዳ ዓኣያታንቴ ሜሌ ያይዲ ካሃ ቤዛ ጌህሂ ሺኢሸናያኩ።

7 ሳኣዮኦሌኮ ቆልሞ ሄንቃ ዓሲኮ ሱኡጌ ማዔ ዔደኣሜ
ዓሲሰኬይ፥ ደይቁ ዩዩ ከሎ ናንጊና ናንጋ ጎዳ ካኣሸካኒ ዒኢካ
ሙኪ ዓኣኔ።

8 ዒማና ዳውቴ ዓቤሜሌኬ ኮይላ፡- «ኔኤኮ ዋርህታቴያ ጩንቻ
ዓፓሮ ዓኣቲ ኔ ታኣም ዒንጋንዳ? ታ ከሰካኣና ካኣቲኮ ዓይህፃ ታና
ሩኡሪሼህሂር ዋርህታቴያ ሜሌ ባኣዚ ዔካኒ ዳንዳዒባኣሴ» ጌዔኔ።

9 ዩያሮ ዓቤሜሌኬ፡- «ዔኤላ ደኦጮይዳ ኔ ዋዴ፥ ፒሊሰፃኤሜ
ዓህ፥ ጎኦሊያዳኮ ጩንቻ ዓፓራ ታ ኮይላ ዓኣኔ፤ ዩይ ዔፑዶኮ ጊንዮ
ዛላ ቱርጫና ማሪንቲ ዓኣኔ፥ ዔካኒ ጌዔቴ ዔኬ፤ ሃይካ ዓኣ ያልዚ
ዓንጋሞማ ዒማ ሌሊኬ» ጌዔኔ።

ዳውቴ ዒማና፡- «ታኣም ዒንጌ! ዩያይዳፓ ባሽ ጩንቻ ዓፓሮ
ዓንካፓ ጴዳንዳኔ ኔ ጋዓይ?» ጌዔኔ።

10 ዩያይዲ ዳውቴ ሳኣዮኦሌ ኮራፓ ዓኣሸንቲ ዓኪሼ ጌይንታ
ጋኣቲ ካታሞ ካኣታህሂ ኮራ ዳንዳኔ፤

11 ዒማና ዩያ ካኣታህሂኮ ደንዞ ማዔ ቢታንታ ዓኣ ዓሳ፡- «ሃይ
ፔ ዓጮይዳ ካኣታዴ ዳውቴቱዓዳ? ሳኣዮኦሌ ሺያ ዋዴኔ! ዳውቴ

21:1 ማቲ. 12:3-4፤ ማር. 2:25-26፤ ሉቃ. 6:3። 21:6 ለዊ. ዓኬ 24:5-9።
21:9 1 ሳሙ. 17:51።

ታጾ ሺያ ዋዴኔ፤ ጌይ ጌይ ላኣላ ሄርሺ ኮርጌሢ ዒዛቱዓዳ?» ጌይ ዓኪሺ ያኦጩኔ።

12 ዔያታ ዴያ ጋዓሢ ዋይዚ ዳውቴ ዒኔ ዲጴኔ፤ ካኣታሢ ዓኪሺያ ኮሺ ዒጊጩኔ።

13 ዴያር ዔያታ ዓኣ ቤዛ ቢያ ዳውቴ ፔና ዣኣሽካያ ማሊሳኔ፤ ዔያታ ዒዛ ዓርቃዛ ዣኣኸጉዲ ካታሞ ጌሎ ካር ዋኣጪ ዋኣጪ፤ ፔኤኮ ቡኡጮይዳኣ ሳኣሶ ኬይሲሢ ዓርቁኔ።

14 ዒማና ዓኪሺ ዒዛኮ ደንዞ ማዔ ቢታንታ ዓኣ ዓሶ ኮራ፡- «ሃይ ዣኣኸ ዓሲታንቱሞ! ዒንሢ ታኣሞ ዓይጋ ሃያ ዔኪ ዴዔይ?»

15 ዣኣኸ ባይቁሞዳ? ሃያ ዣኣኸሢ ዒንሢ ታኣሞ ዔኪ ዴዔሢ? ሃያጉዴ ዓሲ ታ ማኣሪ ጌላኒ ኮይሳዳ?» ጌዔኔ።

22

ቁኤሶ ዋደናሢ

1 ዳውቴ ጋኣቴ ካታማፓ ዓኣሺንቲ ዓዲላማ ካታሞ ኮይላ ዓኣ፤ ፔቴ ዴኔ ባኣካይዳ ዔቴ ጌሌኔ፤ ዴያ ዒዛኮ ጌርሲንሢና ሃንጎ ማኣር ዓሶና ዋይዛዎ ዒኣካ ዴንዲ ዒዛና ዋላ ዴዔኔ፤

2 ዴያጉዲ ዴማ ዴማ ባኣዚና ማታዳ ዓሲ፤ ጋሌ ዓኣ ዓሲ፤ ዓሲና ፑርቴ ዓሲ ዒዛ ኮራ ዴንዴሢር ዴያቶኮ ሚርጉማ ያይዶ ጄኤታ ማዔኔ፤ ዳውቴ ዴያቶኮ ሱኡጌ ማዔኔ።

3 ዴካፓ ዳውቴ ዔቁ ሞዓኣቤይዳ ዓኣ፤ ማደጳ ዴንዲ ሞዓኣቤ ካኣቴ ኮራ፡- «ያኣሲ ታኣሞ ዓይጎ ባኣዚ ማደንዳቴያ ታ ዔራንዳያ ሄላንዳኣና ሃዳራ ታኣኮ ዓደና ዒንደና ኔ ኮራ ታ ዔኪ ሙኪ ጌሃሞ» ጌይ ያኦጩኔ።

4 ዴያይዲ ዳውቴ ፔኤኮ ዓደና ዒንደና ሞዓኣቤ ካኣቴ ኮይላ ጌሢኔ፤ ዳውቴ ካያ ፑኒ ፑኒ ናንጌ ዋደይዳ ቢያ ዔያታ ዒኣካ ዴዔኔ።

5 ዴካፓ ያኣሲ ማሊያ ኬኤዛ ጋኣዴ ዳውቴ ኮራ ሙካዎ፡- «ሃይ ካ ዴይፖ፤ ሃሢ ዑኩ ዪሁዳ ዴንዴ» ጌይ ኬኤዜሢር፡ ዳውቴ ዴካፓ ዔቁ ሄራቴ ካዮ ጌሌኔ።

6 ፔቴ ኬሊ ሳኣያኣሌ ፔኤኮ ኩጫ ዋርያ ዔኪ ጊቢዓይዳ ዓኣ ጌማራ ታማሪሰኬ ሚያ ዴማ ዴዒ፤ ዒዛኮ ደንዞ ማዔ ቢታንታ ዓኣ ዓሳኣ ዒዛኮ ዓጮ ጎንጂ ዔቁ ዓኣንቱ ዳውቴና ዳውቴ ዓሶ ማዔ ዓሶና ፔቴ ቤሰካ ዓኣሢ ዒ ዋይዜኔ፤

7 ዒማና ሳኣያኣሌ ዒዛኮ ደንዞ ኮራ፡- «ዒንሢ ሃይ ቢኢኒያማ ዓሳ ዋይዙዋቴ! ጎኔ ሃሢ ዒሴዬ ናኣዚ፤ ዳውቴ ዒንሢ ቢያሢሞ ጎሺንታ

21:11 1 ሳሙ. 18:7፤ 29:5። 21:12 ዓይኑ. 56። 21:13 ዓይኑ. 34።
22:1 ዓይኑ. 57፤ 142።

ዎይሮ ቱኮንዶ ቤሲንታ ዒንጋንዳያ፤ ሃሣ ዒዛ ፖኦሊሶኮዎ ሺያ ዓሲ ዓይሣያና ጭታ ዓሲ ዓይሣያ ማሂ ዒንሣ ዶኦራንዳያ ዒንሣሞ ማለ?

8 ዒንሣ ታና ባይዛኒ ዘርቴሣ ዬያሮዳ? ታ ሸዔ ናዓ ዳውቴና ዎላ ፔቴ ማዔሣ ታአም ዒንሣዳፓ ፔቴ ዓሲታዎ ከኤዚባኦ፤ ታ ዛሎ ማለ ዓሲ ፔቴታዎ ባኦ፤ ሃሣ ሃኖዎ ዒ ማዳ ጎይዎ ታ ዓይላሣ ታና ካቲ ካቲ ሺራንዳጉዲ ታ ናዓ ዒዛ ዘራሣ ታአም ዒንሣዳፓ ከኤዜ ዓሲ ባኦ፤» ጌዔ።።

9 ዒማና ቢታጎታ ዓኣ ዓሶና ዎላ ዔዶኦሜ ዓሣ ዶይቄ ዒኣካ ዔቄ ዓኣዎ፡- «ናኦቤይዳ ዓኣ፣ ዓሂፀቤ ናኣዚ፣ ዓቤሜሌኬ ኮይላ ዒሴዬ ናኣዚ ሙከንቴ ታኣኒ ዴንቄ፤

10 ዳውቴ ዓይጎ ማዳንዳያ ኮይሳቴያ ዓቤሜሌኬ ዒዛ ዛሎ ናንገና ናንጋ ጎዳ ዖኦጭ፤ ዬካፓ ዳውቴም ዳካ ሙኡዚና ፒሊሰጭሜ ዓሣ ጎኦሊያዴኮ ጨንቾ ዓፓሮና ዒዛም ዒ ዒንጌ።» ጌይ ከኤዜ።።

11 ዬያሮ ካኣቲ ሳኦፖኦሌ ዓሂፀቤ ናኣዚ ቄኦሳሣ፣ ዓቤሜሌኬና ናኦቤይዳ ዓኣ ዒዛኮ ዒጊኖ ማዔ ቄኦሶናም ቢያ ከኢታ ዳካዛ ዔያታ ሙከ።፤

12 ሳኦፖኦሌ ዒማና፡- «ዓሂፀቤ ናዓሣ! ዎይዜ» ጌዔ።።
ዓቤሜሌኬያ፡- «ዮ፣ ጎዳ!» ጌዔ።።

13 ሳኦፖኦሌ፡- «ኔኤና ዒሴዬ ናኣዚ፣ ዳውቴና ታና ባይዛኒ ጌሰቴሣ ዓይጎሮዳይ? ሙዖና ጨንቾ ዓፓሮና ኔ ዒዛም ዒንጊ ናንገና ናንጋ ጎዳኣ ኔ ዒዛ ዛሎ ዖኦጭሣ ዓይጎሮዳይ? ሃኣዛጌ ሃሣ ዒዚ ታ ፀፃ ዔቄ ታና ዎዳኒ ካቲ ካቲ ሺራ።» ጌዔ።።

14 ዓቤሜሌኬ ማሃዎ፡- «ዳውቴ ኔኤም ጉሙርቁንታያ፣ ኔኤኮ ፖኦሊሶ ዓይሣሣከ፤ ሃሣ ኔኤኮ ባይሲያ ባይሲ፤ ዬያ ሌሊቱዎንቴ ኔና ካፓ ዓሶዎ ዒ ዓይሣያከ፤ ኔኤኮ ካኣቱሞ ማኣሮይዳ ዓሳ ቡካ ቤዛ ዓሲ ቢያ ዒዛ ቦንቻ።።

15 ጎኔ፣ ታኣኒ ናንገና ናንጋ ጎዳ ዒዛ ዛሎ ዖኦጭ፤ ዬያ ታ ዒማ ከሎ ሌሊ ዖኦጭያቱዎሴ! ካኣቲዮ! ኔና ባይዛኒ ዎላ ጌሰቴዎ ዛሎኮታቴ ታናንታ ታ ማኣሮ ዓሶንታፓ ፔቴ ዓሲታዎ ያዲ ኔ ጋዓንዳያ ኮይሱዎሴ፤ ዓይጎሮ ጌዔቴ ዬያ ዛሎ ማሊ ኑ ፔቴታዎ ዔራ ባኣዚ ባኦ፤» ጌዔ።።

16 ካኣቲ ዒማና፡- «ዓቤሜሌኬ! ኔኤና ኔ ዒጊኖና ቢያ ሃይቃንዳያ ኮይሳቴ!» ጌዔ።።

17 ዬካፓ ሳኦፖኦሌ ዒዛኮ ኮይላ ዔቄ ዓኣ፣ ዒዛ ካፓ ዓሶ ባንሣ ሺራዎ፡- «ሃንሣ ናንገና ናንጋ ጎዳኮ ቄኦሶንሣ ዎዲዎቴ፤

ዓይጎር ጌዔቴ ዔያታ ዳውቴና ዎላ ታአም ዎይዚ ዒዲ ታጊዳ ዔቄኔ፤ ዬያ ሌሊቱዎንቴ ቢያ ባአዚ ዔራያታዎ ዳውቴ ፑኒ ዴንዴህህ ታአም ኬኤዚባአሴ» ጌዔኔ፤ ዒዛ ካፓዘንህህ ጋዓንቴ፡- «ናንገና ናንጋ ጎዳኮ ቄኤሶ ኑ ዎዳዓ» ጌዔኔ።

18 ዬያር ሳአዎኦሌ ዶይቄ፡- «ኔ ዔያቶ ዎዳ!» ጋዓዛ፥ ዔዶደአማ ዓህ ዶይቄ ዔቄ ቢያህህ ዎዳኔ፤ ዬኖ ኬሎና ዒ ዎዳ ዔፑዶ ማአዓ ቄኤሶኮ ሚርፑማ ሳሊታሚ ዶንጎኬ፤

19 ዬካፓ ሳአዎኦሌ ቄኤሶ ካታሞ ማዔ ኖኦቤ ካታሞይዳ ናንጋ ዓቲንቆንታ ላአሎንታ፥ ናአቶንታ ዳንቃ ዓአሎንታ፥ ባአቶንታ ሃርንታ፤ ዬያፑዲ ማራቶዎ ቢያ ዎዲሼኔ።

20 ጋዓንቴ ዓቢያታሬ ጌይንታ፥ ዓቤማሌኬ ናአቶፓ ፔቴ ዓቲንቄ ናይሰኬይ ሌሊ ቶሊ ዳውቴ ኮይላ ዴንዴኔ፤

21 ዓማና ዒዚ ናንገና ናንጋ ጎዳኮ ቄኤሶ ዎማይዲ ሳአዎኦሌ ዎዲ ጋፒሴቴያ ዳውቴም ኬኤዜኔ፤

22 ዬያር ዳውቴ ዓቢያታሬ ኮይላ፡- «ታአኒ ዬኖ ዓቦ ዔዶደአማ ዓህ ዶይቄ ዒኢካ ዛጋዎ ቢያ ባኮ ሳአዎኦሌም ዒ ኬኤዛንዳህህ ዔሬያዎይ፤ ሃህ ኔ ዒጊኖ ዎዲ ጋፒሶናህኮ ዳቢንታ ታጊዳዎይ፤

23 ኔ ጋዓንቴ ታ ኮራ ዴዔ፤ ዒጊጨፖ፤ ጎኔኬ፥ ሳአዎኦሌ ኔናንታ ታናንታ ዎዲ ኮዓኔ፤ ጋዓንቴ ሚታ ባአሴ ኔ ታአና ዎላ ኮሺ ናንጋንዳኔ» ጌዔኔ።

23

ዳውቴ ቁዒላ ካታሞ ባይሰንታፓ ዓውሴህ

1 ፒሊሰጄኤማ ዓሳ ቁዒላ ካታሞ ያሊ፥ ሃጊ ዓዓርሃና ሃአኮዎ ቡሪ ዔኪ ዴንዴህህ ዳውቴ ዎይዜኔ፤

2 ዬያር ዳውቴ፡- «ታ ዴንዲ ፒሊሰጄኤማ ዓሶ ያሎንዶ?» ጌይ ናንገና ናንጋ ጎዳ ያኦጨኔ።

ናንገና ናንጋ ጎዳ ማሃዎ፡- «ሂዮ! ፒሊሰጄኤማ ዓሶ ያሊ ቁዒላ ባይሰንታፓ ዓውሴ» ጌዔኔ።

3 ጋዓንቴ ዳውቴና ዓአ ዓሳ፡- «ኑኡኒ ሃይካ ዪሁዳይዳ ናንጋአና ሚርጌ ኑና ዒጊቻ ባአዚ ዓአኔ፤ ሃህ ኑ ዬያይዳ ቁዒላ ዴንዲ ፒሊሰጄኤማ ዓሶ ያሌቴ ባሺ ሚታ ኑና ሂላንዳኔ!» ጌዔኔ።

4 ዬያር ዳውቴ ላሚ ሃሃ ናንገና ናንጋ ጎዳ ያኦጨዛ፥ ናንገና ናንጋ ጎዳ፡- «ታ ኔና ፒሊሰጄኤማ ዓሶ ያሎና ባሺሳንዳህረ ዴንዲ ቁዒላ ያሌ» ጌዔኔ።

5 ዩካፓ ዳውቴና ዒዛ ዓሶና ቁዒላ ዴንዲ ፒሊሰጻኤሜ ዓሶ ሶሌኔ፤ ዩያቶይዳፓ ሚርጌሢ ዎዲ ባኣቶንታ ማራቶንታ ቡሪ ዔኬኔ፤ ዩያይዲ ዳውቴ ካታሜሎ ባይሰንታፓ ዓውሴኔ።

6 ዓቤሚሌኬ ናኣዚ ዓቢያታሪ ቶሊ ዳውቴ ኮይላ ቁዒላ ሙኬያና ዔፑደ ዔኪኬ ሙኬሢ።

7 ሳኣዎኦሎም ዒማና ዳውቴ ቁዒላ ሙኬሢ ኬኤዚንታዛ፡- «ዎኦሲ ዒዛ ታኣም ዓኣሢ ዒንጋኒኬ፤ ሹጮና ዙላ ዲርቁንቱ ካታም ዳውቴ ጌሌሢር ፔና ፒርይዳ ጌልዜኔ» ጌዔኔ።

8 ዩያር ሳኣዎኦሎ ፔኤኮ ፖኦሊሶ ዔኤሊ ቁዒላ ዴንዲ ዳውቴና ዳውቴኮ ዓሶና ማንጋንዳጉዲ ዒይሢኔ።

9 ዳውቴ ሳኣዎኦሎ ዒዛ ሶላኒ ማሌሢ ዎይዛዎ ቁኤሳሢ፤ ዓቢያታሪ ኮራ፡- «ዔፑደ ዔኪ ሃኒ ዩዔ!» ጌዔኔ።

10 ዩካፓ ዳውቴ፡- «ናንጊና ናንጋ ጎዳ ማዔ ዒሰራዔኤሌ ዎኦዛሢ! ኔኤኮ ዓይላሢ፤ ታና ዎዲኒ ጌዒ ሳኣዎኦሎ ሙኪ ቁዒላ ሶሊ ባይዚኒ ማሌሢ ታ ዎይዜኔ።

11 ሂዳዎ ሃሢ ቁዒላ ካታማ ናንጋ ዓሳ ታና ዓኣሢ ሳኣዎኦሎም ዒንጋንዳ? ታኣኒ ዎይዜሢጉዲ ሳኣዎኦሎ ሃይካ ጎኔ ሙካንዳ? ናንጊና ናንጋ ጎዳ ማዔ ዒሰራዔኤሌ ዎኦዛሢ! ኔ ታኣም ኬኤዛንዳጉዲ ታ ኔና ሺኢቃኔ!» ጌዔኔ።

ናንጊና ናንጋ ጎዳ፡- «ሂዮ፤ ሳኣዎኦሎ ጎኔ ሙካንዳኔ» ጌዔኔ።

12 ዳውቴያ፡- «ቁዒላይዳ ናንጋ ዓሳ ታኣና ዎላ ዓኣ ዓሶንታ ታናንታ ሳኣዎኦሎም ዓኣሢ ዒንጋንዳ?» ጌይ ላሚ ዎኦጩኔ።

ናንጊና ናንጋ ጎዳ ማሃዎ፡- «ሂዮ፤ ዓኣሢ ዒንሢ ዒንጋንዳኔ» ጌዔኔ።

13 ዩያር ዳውቴና ላሆ ጻኤታ ማዓ፡ ዒዛና ዎላ ዓኣ ዓሳ ቢያ ኔጉዎዎ ቁዒላ ሃሺ ዴንዲኒ ዔቁኔ፤ ሳኣዎኦሎ ዒማና ቁዒላፓ ዳውቴ ቶሊ ኬሰኬሢ ዎይዛዎ ማሌ ማሊዎ ሃሺኔ።

ዳውቴ ጌሚራ ሚርጌ ዓኣ ዓጩሎ ፑኒ ዴንዴሢ

14 ዳውቴ ዚፔ ኮይላ ዓኣ ዓሲ ናንጉዎ ዳውሎይዳ ጌሚራዳ ዓጩሰከኖይዳ ፑኒጎቱ ዴንዲ ናንጌኔ፤ ሳኣዎኦሎ ዒማና ዒዛ ዓርቃኒ ቢያ ዎዴ ኮዓኔ፤ ዎኦሲ ጋዓንቱ ዳውቴ ሳኣዎኦሎም ዓኣሢ ዒንጊባኣሴ፤

15 ሳኣዎኦሎ ዒዛ ዎዲኒ ሙኬሢ ፔቴና ዳውቴ ዴንቁኔ።

ዳውቴ ዒማና ዚፔ ኮይላ ዓኣ ዓሲ ናንጉዎ ዳውሎ ሆሪሼይዳ ዓኣኔ፤

16 ሳኣዎኦሎኮ ናኣዚ፤ ዮናታኣኔ ዒኢካ ዳውቴ ኮይላ ዴንዲ ዎኦሲ ዒዛ ጉሙርሳ ጎይሢና ካፓያ ማዔሢ ኬኤዚ፡-

17 «ዒጊጨፖ፤ ታ ዓዳ ፔቴታፖ ኔና ምክታንዳ ባኣዚ ባኣቤ፤ ኔኔኒ ዒሰራዔኤሌኮ ካኣቲ ማዓንዳሢና ታኣኒ ኔኤኮ ዳማ ኔና ሄሌሢ ማዓንዳሢ ታ ዓዳ ጋፒሲ ዔራኔ» ጌይ ደዲሼኔ።

18 ዬያሮ ለምዖንሢ ምላ ምሊኮ ላጌ ማዒፆ ዔርዘ ጫኣቁሞ ጫኣቄኔ፤ ዬካፓ ዳውቴ ሆሬሹይዳ ዳዓዛ ዮናታኣኔ ፔ ማኣሪ ማዒ ዳንዳኔ።

19 ዬኖ ዚፔ ካታሞይዳ ናንጋ ፔቴ ፔቴ ዓሲ ገቢዓይዳ ዓኣ ሳኣፆኦሌ ኮራ ሙከ። «ዳውቴ ኑ ዓጫ ዪሁዳይዳ ዓሲ ናንጉሞ ዳውሎኮ ደኦሎ ዛላ ሃኪላ ዲካ ዓኣ ሆሬሹይዳ ዓኣሺንጉት ዓኣኔ።

20 ካኣቲዮ! ኔ ዒዛ ዓርቃኒ ኮዔቴ ኑ ኮራ ሙከ፤ ኑኣኒ ዒዛ ኔኤም ዓርቁ ዒንጋንዳኔ» ጌዔኔ።

21 ሳኣፆኦሌ ማሃዖ፡- «ታኣም ዒንሢ ዬያይዲ ኮሺ ማለሢ ማሌሢር ናንገና ናንጋ ጎዳ ዒንሢ ዓንጃም!

22 ሃሣ ለሚ ዳንዲ ዛጉሞቴ፤ ዒ ዓኣ ቤዘ ዳንቄሢ ያናታቴያ ፆኦጪ ዔሩሞቴ፤ ዒዚ ኮሺ ጪንጫታሢ ታኣኒ ሞይዜኔ፤

23 ዒ ዓኣሺንታ ቤዘ ቤዘ ኮሺ ዛጉሞቴ፤ ዒንሢ ዳንቄ፣ ማርካ ማዓ ባኣዚ ባኣዚ ዓኣቴ ዑኩና ታኣም ዔኪ ዬዑሞቴ፤ ዬካፓ ታ ዒንሢና ምላ ዓኣዲ ዒዚ ዒኢካ ናንጋ ጎይሣታቴ ዪሁዳ ዓጮ ቢያ ኮዓንዳያ ኮይሳያ ማዔቴያ ከሚ ታ ዒዛ ዓርቃንዳኔ» ጌዔኔ።

24 ዬያሮ ዔያታ ሳኣፆኦሌ ዳንዳንዳሢኮ ቤርታ ዚፔ ማዒ ዓኣዳኔ፤ ዒማና ዳውቴና ዳውቴ ዓሰና ዪሁዳኮ ዓሲ ናንጉሞ ዳውሎኮ ደኦሎ ዛላ ዓኣ፣ ዓይጎ ዓሲያ ናንጉሞ ማዖኔ ቦኦሎዳከ፤

25 ሳኣፆኦሌና ዒዛኮ ፖኦሊሶና ዳውቴ ዳውሲ ዓርቃኒ ዳንዳኔ፤ ዳውቴ ዬያ ዔሬሢር ማዖኔኮ ዓሲ ናንጉሞ ዳውሎይዳ ላሌ ሹቸ ሚርጌ ዓኣ ፔቴ ጌሜሪ ከሰኪ ዒኢካ ዳዔኔ፤ ሳኣፆኦሌ ዬያ ሞይዚ ዳውቴ ኮይፆ ዓርቄኔ፤

26 ሳኣፆኦሌና ዒዛኮ ፖኦሊሶና ጌሜሬሎኮ ፔቴ ዛላ ማዓዛ፣ ዳውቴና ዳውቴ ዓሰና ባጎ ዛላ ማዔኔ፤ ዒማና ዳውቴና ዳውቴ ዓሰና ዔያቶ ዓርቃኒ ዑኩ ሳኣፆኦሌና ሳኣፆኦሌኮ ፖኦሊሶናፓ ቶላኒ ካራ ኮዓኔ።

27 ዬይ ያዲ ጌይ ዓኣንቴ ፔቴ ከኢታ ዓሲ ሳኣፆኦሌ ኮይላ ሙካዖ፡- «ዑኩና ሙከ! ፒሊሰጻኤሚ ዓሳ ዓጮ ዖሊ ዓርቃኒ ዑከኔ» ጌዔኔ።

28 ዬያሮ ሳኣፆኦሌ ዳውቴ ዳውሲያ ሃሺ ፒሊሰጻኤሚ ዓሳ ዖላኒ ዳንዳኔ፤ ዬና ቤዛ፡- «ዲማዲሢ ላሌ» ጌይንቴሢ ዬያርከ።

29 ደውቴ ዬኖ ቤዛፓ ዔቂ ዒ ቤርታ ዓኣሺንቲ ዴዔ፥ ዔንጌዲ ጌይንታ ደውላዳ ዓጮ ዴንዴ።

24

ደውቴ ሳኣዖኦሌ ዎዲዎዎ ሃሺህ

1 ሳኣዖኦሌ ፒሊሰጻኤሜ ዓሶ ዖሊ ማዔሰካፓ ደውቴ ዔንጌዲ ዓጮኮ ኮይላ ዓኣ ዓሲ ናንጉዎ ደውሎይዳ ዓኣህሂ ዎይዜ፤

2 ዬዖር ዒዚ ዒሰራዔኤሌ ዓሶ ባኣካፓ ጎኣባ ጎኣባ ማዔ ሃይሃ ሺያ ዖልዚ ዓሲ ፔኤና ዎላ ዔኪ «ዎይሎ ላሎ» ጌይንታ ቤዛኮ ዓባ ኬሰካ ባንዖና ደውቴ ደውሲ ዴንዴ፤

3 ዒዚ ዴንዲቤቃ ጎይዖ ዓጮይዳ ማራይ ዎርቃ ቤሲሰኬኖኮ ኮይላ ዓኣ ፔቴ ዴኔ ዔቴ ሺኤሺር ጌሌ፤ ዒማና ደውቴ ፔ ዓሶና ዎላ ዬኖ ዔቴሎ ጋራ ፑኒ ዴዒ ዓኣ።

4 ዒማና ደውቴና ዎላ ዓኣ ዓሳ ደውቴ ኮይላ፡- «ዎይዜ፥ ሃይ ኔኤኮ ዓይጎ ዖኦዲይ! ናንገና ናንጋ ጎዳ ኔኤኮ ዎርካህ ኔ ኩጮ ጋር ጌልዛንዳህ ኔኤዎ ኬኤዜ፤ ሃይሾ ሃህ ኔ ዎርካህዳ ኮይሴ ባኣዚ ኔ ማዳኒ ዳንዳዓ፤» ጌዔ፤ ዬካፓ ደውቴ ዳዲና ጎቹንቲ ቃኣ፻ ቃኣ፻ ሳኣዖኦሌ ዓኣ ቤዛ ሙካዖ ዒዚ ዔሩዎንቲ ዒ ማኣዔ ማኣዓህኮ ዓጮፓ ቲቂ ዔኬ፤

5 ጋዓንቲ ደውቴ «ዓይጋ ታ ዬያይዴይ?» ጌይ ማሊ ማታዳ፤

6 ዬዖር ዒዛና ዎላ ዓኣ ዓሶ ኮይላ፡- «ናንገና ናንጋ ጎዳ ደኣሚ ካኣታህ ታ ዓዳህ ታ ዎዲዎጉዲ ዖኦሲ ታኣኮ ኩጮ ዓርቆንጎ! ዒዚ ናንገና ናንጋ ጎዳ ዒዛ ደኣሬ ካኣቲታህሮ ታ ዒዛ ፔቴታዖ ዔኤቢ ዎኣታንዳያ ኮይሱዎሴ!» ጌዔ።

7 ሂዚ ጌይዖና ዒዛ ዓሳ ሳኣዖኦሌ ዎዲዎጉዲ ደውቴ ዓሶ ላኣጌ።

ዬካፓ ሳኣዖኦሌ ዔቂ ዬኖ ዴኖ ዔቴሎፓ ኬሰኪ ዴንዴ፤

8 ዒማና ደውቴያ ዒኣካፓ ኬሰኪ ሳኣዖኦሌ ጊንዖ ዴንዲ ሙኪ ዑካዖ፡- «ካኣቲዮ!» ጋዓዛ፥ ሳኣዖኦሌ ሺሪ ዛጋንቲ ደውቴ ሳዖይዳ ላህ ቦንቾ ዔኤለህህ ዒዛ ዔኤሌ።

9 ዬካፓ ደውቴ፡- «ታኣኒ ኔና ዎዳንዳኔ ጌይ ጌይ ጌሰታ ዓሶ ሃይሶ ኔ ዓይጎር ዎይዛይ?»

10 ሃኖ ሃህ ዴኖ ዔቶ ባኣኮይዳ ኔ ዓኣንቲ ናንገና ናንጋ ጎዳ ኔና ታ ኩጮ ጋር ጌልዜንቲ ኔ ዓቴህ ኔ ኔ ቶኣኪና ዛጋኒ ዳንዳዓ፤ ፔቴ ፔቴ ዓሳ ኔና ታኣኒ ዎዳንዳጉዲ ዘሬ፤ ጋዓንቲ ታኣኒ ኔና ሚጪንቲ

፤፮፡፳፻፲፱ ሳሙዔ.ጌ.ሌ. ማፃኣፖ 24:11

11 ታ ዓዳህ! ኔ ማእዒ ዓኣ ማእዒህዳፓ ታ ተቂ ዔኬህሂ ሃኣዛገ።
ዒማና ታ ኔና ዎዳኒ ዳዳንዳዓኔ፤ ጋዓንቴ ታኣኒ ዩያይዲያ ሃሺ ኔኤኮ ማእዒህሂ ዓጫፓ ተቂ ዔኬኔ፤ ኔኤም ዓይህንቴ ዒፃኒና ኔና ዎዳያ ዎዳኒ ታ ኮዑቀያታህሂ ዩያና ኔ ዔራኒ ዳንዳዓኔ፤ ኔኤኒ ጋዓንቴ ፔቴታዎ ታ ኔና ዔኤቢ ዎኦቱዋንቴ ዎዳኒ ታና ኮጲሳኔ።

12 ዓካሪ ዳቢንቴህ ኦጊዳፓ ዎያታቴያ ናንገና ናንጋ ጎዳ ደማሲ ኡም ዎጎንጎ! ታኣኒ ኔና ፔቴታዎ ዔኤቢ ዎኦታኒ ኮዑቀኣሂሮ ኔኤኒ ታኣም ማዲ ሃንታ ፑርቶ ባኮ ቢያህሂ ዛሎ ናንገና ናንጋ ጎዳ ፔኤር ኮሞ ኮዎንጎ።

13 ፤፮፡፳፻፲፱ ሳሙዔ.ጌ.ሌ. ማፃኣፖ 24:12

14 ዓካሪ ሂንዳ ዒሰራዔኤሌኮ ካኣታህሂ ዎና ዎዳኒ ኮይ ሺራቴ ዛገ። ዎና ዒ ደውሳቴያ ማሌ! ታናንህሂ ዓይጎ ዓሲዳይ? ሃይቁ ካኒ ሃሃ ሳይዚቱዋዓዳ!

15 ናንገና ናንጋ ጎዳ ዎጎንጎ፤ ኡና ላምዎንህሂዳፓ ዳቢንቴህሂ ዎያታቴያ ዒዚ ጌሰቴ ኩንሦንጎ፤ ሂንዳ ሃኖ ባኮ ዛሎ ናንገና ናንጋ ጎዳ ታኣም ሞኦቶንጎ፤ ኔ ኩጫፓ ዒ ታና ዓውሶንጎ» ጌዔኔ።

16 ደውቴ ሂዚ ጌይ ጋፓፓማና ሳኣዎኦሌ፡- «ታ ናዓሦ፡ ደውቴ! ሃይ ጎኔ ሃህሂ ኔ ዑኡሲዳ?» ጋዓዎ ዩኤፒ ዓርቁኔ፤

17 ዩካፓ ደውቴም ዒዚ፡- «ኔኤኒ ጎኔ ፒዜ ዓሲኬ! ታናኬ ዳቢንቴህሂ፤ ዩያጉዳ ፑርታ ባኣዚ ታ ኔኤም ማዴያታንቴ ኔኤኒ ታኣም ኮሺ ማዶ ማዴኔ!

18 ናንገና ናንጋ ጎዳ ኔ ኩጮ ጋር ታና ጌልዛዛታዎ ኔ ታና ዎዲባኣሂሮ ታኣም ኔኤኒ ኮሺ ባኣዚ ማዳያታህሂ ሃኖ ኔ ማርካሴኔ።

19 ሞርኬ ፔ ኩጮ ጋር ጌሌም ዎዲዎዎ ሃሻንዳ ዓሲ ፔቴታዎ ባኣሴ፤ ሃኖ ኔ ታኣም ማዴ ኮዦ ማዶር ናንገና ናንጋ ጎዳ ኔና ዓንጅንጎ!

20 ዎይዜ፤ ኔኤኒ ዒሰራዔኤሌኮ ካኣቲ ማዓንዳህና ዒሰራዔኤሌይዳ ኔ ካኣታዳንዳ ካኣቱማ ደዑቀዎ ደዲ ናንጋንዳህሂ ሃኖ ታ ጎናሲ ዔራኔ።

21 ዩያር ታ ሱንፆና ታ ማኣር ዓሶ ሱንፆና ባይቁ ዋለንቴዎጉዲ፡ ታ ዜርዎ ኔ ዎዲ ባይዚንዱዋኣህሂ ታኣም ጫኣቁ» ጌዔኔ።

22 ደውቴ ዒማና ዎዲ ዲንዱዎያታህሂ ጫኣቁኔ።

ዩካፓ ሳኣዎኦሌ ፔ ማኣሪ ማዒ ዴንዳዛ፡ ደውቴ ፔ ዓሶና ዎላ ዔያታ ፑኒ ናንጋ ቤዞ ዓኣዴኔ።

25

ሳሙዔኤሌኮ ሃይቦ

1 ሳሙዔኤሌ ሃይቁም ዒሰራዔኤሌ ዓሳ ቢያ ፔቴና ሙኪ ዒዛ ዩኤኪ፣ ራኣማይዳ ዓሳ ዒዚ ናንጋ ማኣሮኮ ዲሮ ጋራ ዒዛ ዔያታ ዲኡኤኤ።

ዳውቴና ዓቢጋይሎ ጎዖዘና

ዩካፓ ዳውቴ ፓኣራኣኔይዳ ዓሳ ዓሲ ናንጉዋ ዳውሎ ዴንዴኔ፤
2-3 ዒኣካ ማኣሮ ዓሳ ዒዛኮ ካኣሌቤ ቶኦኪ ማዔያ፣ ናኣባኣሌ ጌይጎታ ፔቴ ዓሲ ዓኣኔ፤ ዒዚ ማኣዖኔ ዓጮይዳ ሸይጎቴያ፣ ቁርሜሎሴ ካታሞኮ ኮይላ ጎሺ ዒዛኮ ዓኣያኤ፤ ዒዚ ሚርጌና ዖርጎቹ ዓሲታሢሮ ሃይሃ ሺያ ማራይና ፔቴ ሺያ ዋኣሪያ ዒዛኮ ዓኣኔ፤ ማቻ ዒዛኮ፣ ዓቢጋይላ ሚርጌ ሚዛጳያ ሃሣ ዒናና ዓኣ ላኣሊኤ፤ ዒዚ ጋዓጎቴ ዒኔ ዔርቱዋ ፑርታ ዓሲኤ፤

ዒዚ ዒማና ቁርሜሎሴይዳ ፔኤኮ ማራቶ ዑፃፓ ጋፓኖ ታይዚሳኔ።

4 ዳውቴ ዓሲ ናንጉዋ ዳውሎ ቦኣሎይዳ ዓኣዖ ዩያ ዋይዜኔ፤

5 ዩያሮ ዒዚ ኪኢታ ዓሲ ታጾ ዶኦሪ፣ ናኣባኣሌ ኮይላ ቁርሜሎሴ ዴንዲ ዒዚ ዒዛ ሳራሢ ሳራሢያ ኬኤዛንዳጉዲ ዓይሣኔ፤

6 ዔያታ ናኣባኣሌም ኬኤዛንዳጉዲ ሂዚ ጌይ ዓይሣ ዒ ዳኬኔ፡- «ኔናጎታ ኔ ማኣሮ ዓሳጎታ፤ ሃሣ ኔኤኮ ዓኣ ባኮጎታም ቢያ ኮሹሞ ማፖጎጎ ጌዒ ዒዛ ሳራሡዋቴ።

7 ሃሣ ኔኤኒ ማራቶኮ ጋፓኖ ታይዚሳሢ ዒ ዋይዜኔ፤ ኔኤኮ ቆልሞ ሄንቃ ናኣታ ኦኡና ዋላ ናንጋኣና ፔቴታዖ ኦ ዔያቶ ዔኤቢ ዋኦቲባኣሢ ኔ ዔራጎዳጉዲ ዒ ኮዓኔ፤ ዔያታ ቁርሜሎሴይዳ ዓኣ ዋዶና ዒንሣኒኮ ቆልሞይዳፓ ፔቴታዖ ዉኡቁንቲባኣሴ፤

8 ዔያቶ ኔ ዖኦጮቴ ዒማ ጎይዖ ዔያታ ኔኤም ኬኤዛንዳኔ፤ ሃይሾ ሃሣ ኦ ሃኖ ዋዛሮ ጊኣጊሺጎቴ ሙኡዚ ኬሊዳ ኦ ሙኤኔ፤ ኦና ኔ ቦንቹ ዔካንዳጉዲ ዳውቴ ኔና ሺኢቁሢሮ ኦና ኔኤኮ ዓይሎንሣና ኔ ላጋሢ ዳውቴናሮ ጌይ ኔኤም ዳንዳዒጎቴ ጎይዖ ኦም ኮይሳ ባኣዚ ዒንጌቴራ።»

9 ዳውቴ ዳኬ ዓሳንሣ ዩያ ኪኢቶ ዳውቴ ሱንዖና ናኣባኣሌም ኬኤዛዖ፣ ዒ ጋዓ ባኮ ዋይዛኒ ካፔኔ፤

10 ጋዓጎቴ ናኣባኣሌ፡- «ሂንዳ ዋዚ ዋዚ! ዳውታሢ ዖናዳይ? ዒሴዬ ናኣዚ ዖናይዳ? ታ ዒዛ ዛላ ዋይዚያ ቤቁባኣሲ! ሃሣ ሃይ ዓጫ ፔ ጎዳንሣዳፓ ቤቲ ቤቲ ሙኤ ካራሚና ኩሚያኤ!

11 ታኣኮ ካሦንታ ዋኣፎንታ፤ ዬያጉዲ ሃሣ ታኣኮ ማራቶ ጋፓኖ ታይዛ ዓሶም ታሹኬ ቆልሞ ዓሸኮ ዓንካፓ ሙኬቴያ ታዔሩዋ ዓሰም ዓይጌ ታና ዒንጊሳይ?» ጌዔኔ።

12 ዬካፓ ኪኢቶ ዓሶንሣ ማዒ ሙኪ ናኣባኣሌ ጌዔ ባኮ ዳውቴም ኬኤዜኔ፤

13 ዬያሮ ዳውቴ፡- «ጩንኛ ዓፓሮ ዒንሣኮ ቱኩዋቴ!» ጌዒ ዒዛኮ ዓሶ ዓይሣዛ፡ ዔያታ ዓይሣንቴ ጎይፆ ማዳኔ፤ ዳውቴያ ፔኤኮ ጩንኛ ዓፓሮ ቱኤቴኔ፤ ዬካፓ ዔያቶኮ ዓኣ ባኮ ካፓንዳ ላምፆ ዌኤታ ዓሲ ሃሺ ፆይዶ ዌኤታ ዓሲ ዔካፆ ዓኣዳኒ ዔቄኔ።

14 ዒማና ናኣባኣሌኮ ማዶ ማዶ ዓሶይዳፓ ፔቴይ ዒዛኮ ማኛ፡ ዓቢጋይሎ ኮይላ፡- «ሃያ ሃይሶ ኔ ዋይዚያ? ዳውቴ ዒዚ ዓኣ፡ ዓሲ ናንጉዋ ዳውሎይዳፓ ኪኢታ ዓሲ ሳራሥሣና ዋላ ኑ ጎዳሣም ዳኬኔ፤ ጋዓንቴ ዒዚ ዔያቶ ጩሽኪ ቶኦኪ ባይዜኔ፤

15 ዬና ዓሳ ኑም ኮሺ ማዶ ማዶ ዓሲታንቴኬ፤ ኦጊዳ ፔቴታፆ ማቶ ዔያታ ማዢባኣሴ፤ ዔያቶና ዋላ ኑ ሞኦፆ ናንጌ ዋዶና ኦኡኮ ቆልሞይዳፓ ፔቴታፆ ዉሲ ዉኡቁባኣሴ፤

16 ቆልሞ ኑ ዋላ ሄንቂ ናንጌ ዋዶይዳ ሮኦሮንታ ዋንቶንታ ዔያታ ኦኡኮ ዋርዲያ ማዒ ቃዜኔ።

17 ሃሣ ሃዳራ ዬያ ባኮ ማሊጋፓ ኔ ማዳኒ ኮይሳ ባኮ ጊኢጊሺ፤ ፆዲ ማዒባኣያታቴ ኑ ጎዳሣና ዒዛኮ ማኣሮና ኩርሳኒ ማሎናኔ፤ ኔ ዔራሣጉዲ ኑ ጎዳሣ ዓሲ ጋዓ ባኣዚ ዋይዙዋያኬ!» ጌዔኔ።

18 ዬያሮ ዓቢጋይላ ዑኬና ላምፆ ዌኤታ ካሣ፡ ዋይኔ ዑሺ ላምፆ ሱርባና ኩንሣ፡ ዶንጎ ማራይ ዓሸኪ ሚቹ፡ ታፆ ላንካይ ኪሎ ማዓንዳ ሻኣቆና ቱሽ፡ ዌኤታ ሶዬ ዋይኔና ላምፆ ዌኤታ ቤሌሴ ሚፆ ዓኣፖ ዲንቆናያና፤ ዬያ ቢያ ሃራና ጩኣኔኔ።

19 ዬካፓ ዓይሎ፡- «ቤርታ ቢሩዋቴ፤ ታጊንፆ ሙኬኔ» ጌይ ዳኬኔ፤ ዒዛ ፔኤኮ ዓኒም ጋዓንቴ ዬያ ኬኤዚባኣሴ።

20 ዒዛ ሃራ ቶጊ ጌሜሮ ዴማ ዓኣ፡ ሺሪ ሺሪ ዴንዳ ጎይፆና ኬዳንቴ ዳውቴ ፔ ዓሶና ዒዛ ዔሪባኣንቴ ዒዛና ካኣሜኔ፤

21 ዳውቴ ዒዛና ካኣማንዳሣኮ ቤርታ ፔ ዒሮና፡- «ዬያ ዓሣኮ ቆላ ፔቴታፆ ባይቁዋጉዲ ዓሲ ናንጉዋ ቦኦሎይዳ ጉሪታ ካፒ ላቤኔ ጌይሣኬ፤ ታዒዛም ኮዢ ማዳሣ ዛሎ ዒ ፑርታ ማዲ ማሃባይ!

22 ሃኖ ሳዓ ካሩዋንቴ ዒዛሮ ማዔ ዓቲንቆ ቢያ ታኣኒ ዋዲ ጋፒሲባኣቴ ፆኦሲ ታና ባይዘም!» ጌይ ማሌኔ።

23 ዒማና ዓቢጋይላ ዳውቴ ዴንቃፆ ዑኬና ሃሮ ዑፃፓ ኬዲ ዳውቴኮ ቶኮ ዴማ ሎኦሚ ቦንኛ ዔኤሊሣ ዔኤሌኔ፤

24 ዒዛ ሎአሜ ቤዛ ዓኣዎ፡- «ታ ጎዳሢያ! ሃዳራ ታኣኒ ኔ ዓይሌላ ጋዓ ባኮ ዋይዜ! ዬይ ዳቢንታ ታ ዑፃ ማዎንጎጎ፤

25 ናኣባኣሌ * ባኮ ዔኤቢኬ ጌይፖ! ዒዚ ዒዛኮ ሱንጾ ጎይዎ ዔኤያኩ! ታ ጎዳ፣ ኔኤኮ ዓይላ ኑ ማኣሪ ሙካኣና ታኣኒ ባኣሴ፤

26 ኔ ሞርኮ ኮሚ ኔ ዎዲዎጉዲ ኔና ላኣጊ ቃዜሢ ናንጊና ናንጋ ጎዳኬ፤ ሃሢ ታ ኔኤም ናንጊና ናንጋ ጎዳሢ ሱንጾና ጫኣቃኔ፤ ኔ ሞርኮንታ ኔና ዎዲ ኮዓ ዓሲ ቢያ ናኣባኣሌጉዲ ዔያቶ ኮይሳ ሜቶ ዔኮንጎ፤

27 ታ ጎዳ! ሃዳራ ሃያ ኔ ዓይሌላ፣ ታኣኒ ኔኤም ዒንጋኒ ዔኪ ሙኩ ባኮ ዔኪ ኔ ዓሲም ዒንጌ።

28 ኔኤኒ ናንጊና ናንጋ ጎዳኮ ያሎ ያልታሢሮ ዒዚ ኔኤና ኔ ዜርዎናኮ ካኣቱም ጋፑዎያ ማሃንዳኔ፤ ዬያሮ ታ ጎዳ፣ ታኣኒ ዳቢ ዳቢንቶ ታም ዓቶንጎ ጌዔ፤ ኔኤኒ ናንጋ ዎዶ ቢያይዳ ዓይጎዎ ፑርታ ባኣዚ ማዳያ ማዒፖ።

29 ዓይጎ ዓሲያ ማዎም ኔና ያሊ ዎዲ ኮዔቴ ፔቴ ዓሲ ፔኤኮ ዒ ሚጨንታ ባኣዚ ካፓሢጉዲ ናንጊና ናንጋ ጎዳ ማዔ ኔኤኮ ያኣዛሢ ኮሺ ኔና ካፓንዳኔ፤ ኔኤኮ ሞርኮ ጋዓንቴ ፔቴ ዓሲ ሹቺ ዎሪ ዳካሢጉዲ ዒዚ ፔኤሮ ዎሪ ዳካንዳኔ።

30 ናንጊና ናንጋ ጎዳ ኔኤም ሃጊ ማዓንዳ ዎዘ ዒንጌ ጎይዎ ኮሺ ማዔ ባኣዚ ቢያ ኔኤም ማዲ ዒሰራዔኤሌይዳኣ ኔና ዒ ካኣታሴ ዎዶና፣

31 ፔቴታዎ ኔ ማሊ ሜታዳንዳ ባኣዚ ባኣሴ። ዎይቴ ጌዔቴ ታ ጎዳ! ኔኤኒ ካራ ባኣ ጎይሢና ጊንሣ ሃሃ ኮሚ ዔኪ ጌይ ኔ ዎዶ ዓሲ ባኣሴ፤ ዬያሮ ታ ጎዳሃ! ናንጊና ናንጋ ጎዳ ኔና ዓንጃ ዎዶና ታና ዋሊ።» ጌዔ።

32 ዒማና ዳውቴ ዒዘም፡- «ታኣና ኔ ካኣማንዳጉዲ ኔና ታ ባንሢ ዳኬ ናንጊና ናንጋ ጎዳ ማዔ ዒሰራዔኤሌ ያኣዛሢ ጋላቲንቶንጎ!

33 ሃሮ ታኣኒ ዓሲ ዎዲዎጉዲ፤ ሃሃ ኮሚያ ታ ዔኮዎጉዲ ኔ ማሌ ኮዦ ማሊዎሮ ኔኤኒ ዓንጃንቴያ ማዔ።

34 ታ ኔና ዎዲዎጉዲ ናንጊና ናንጋ ጎዳ ታና ቃዜኔ፤ ኔ ዎንዬ ዑኩና ሙኪባኣያታቴ ናኣባኣሌኮ ዓቲንቆ ፔቴታዎ ዓይሱዎዎ ሳዓ ካራንዳሢኮ ቤርታ ቢያሢ ታኣኒ ዎዲ ናንጊና ናንጋ ጎዳ ማዔ ዒሰራዔኤሌ ያኣዛሢ ሱንጾና ጫኣቆንቴኬ» ጌዔ።

35 ዒማና ዳውቴ ዓቢጋይላ ዒዘም ዔኪ ሙኩ ባኮ ዔኪዎ፡- «ኔ ማኣሪ ኮሺ ዓኣዳ፤ ኔ ታና ሺኣቆሢ ታ ዋይዜኔ፤ ኔ ጌዔ ባኮ ቢያ ታ ማዳንዳኔ» ጌዔ።

* 25:25 ናኣባኣሌ ጌይዎ፡- ዔብሪ ዓሶ ሙኡጮና «ዔኤያ» ጌይሢኬ።

36 ዩካፓ ዓቢጋይላ ካኣቲ ማርካ ገአጊሾና ሙኡዚጉዲ ሙዖ ገአጊሾ ሙይያይዳ ዓኣ፡ ናኣባኣሌ ኮይላ ማዒ ዴንዴኔ፤ ዒዚ ዒማና ዑሽኪ ማሢንቲ ኮሺ ዎዛዲ ዓኣሢሮ ሳዓ ካራንዲያ ሄላንዳኣና ፔቲታዖ ዒዛም ዒዛ ዩያ ባኮ ኬኤዚባኣሴ፤

37 ዚሮ ጉቲ ማሢፃ ዒዛኮ ዓኣፓፓ ዓኣዳዛ ቢያ ባኮ ዒዛም ዒዛ ኬኤዜኔ፤ ዩያሮ ዒዚ ዒኔ ዲጲ ዲቃቲሢሮ ሃይቄ ሌሲጉዲ ማዔኔ።

38 ናንጊና ናንጋ ጎዳ ዒዛይዳ ፑርታ ሃርጌ ዓጌሢሮ ታጶ ኬሊኮ ጎንፃፓ ዒዚ ሃይቄኔ።

39 ዳውቲ ናኣባኣሌ ሃይቄሢ ዎይዛዖ፡- «ታና ዒ ጫሽኬሢሢሮ ናንጊና ናንጋ ጎዳ ናኣባኣሌ ዎዲ ኮሚ ዔከ፡ ሃሃ ታናኣ ዳቢንቲዳፓ ካፔሢሮ ናንጊና ናንጋ ጎዳሢ ጋላቲንቶም፤ ናኣባኣሌኮ ፑርቶ ማዶሮ ዒዚ ዒዛ ዎዴኔ» ጌዔኔ።

ዩካፓ ዳውቲ ዓቢጋይሎም ከኢታ ዓሲ ዳኪ ዔካኒ ዒዛ ኮዔሢ ኬኤዜኔ።

40 ዳውቲኮ ዓይላ ዒዛ ዓኣ፡ ቄርሜሎሴ ዴንዳዖ፡- «ዳውቲ ኔና ዔካኒ ኮዓሢሮ ኔና ዔከ ዴንዳኒ ኑ ሙኬኔ» ጌዔኔ።

41 ዓቢጋይላ ዒማና ሳዖ ባንሢ ሂርኪ ጌይ ቦንቾ ዔኤለሢሢ ዔያቶ ዔኤላዖ፡- «ታ ዒዛም ማዳ ዓይሌኬ፤ ዒዛኮ ማዶ ማዳ ዓሶኮዎ ቶኮ ማሰካኒ ታ ዔኤሳኔ» ጌዔኔ።

42 ዩካፓ ዒዛ ዑኬና ዔቄ ፔኤኮ ሃሮ ቶጊ ዒዛኮ ዓይሌ ማዒ ማዳ ደንጎ ላኣሊያ ፔኤና ዎላ ዔከ ዳውቲኮ ዓይሎና ዎላ ዴንዲ ዳውቲም ሎዔኔ።

43 ዳውቲ ዩያኮ ቤርታ ዓሂኖዓም ዔከ ዓኣኔ፤ ዒዛ ዒይዚራዔኤሌ ካታማ ሾይንቲያኬ። ዩካፓ ሃሃ ላምዓሲ ላኣሊ ማሂ ዓቢጋይሎ ዔኬኔ፤

44 ሳኣዖኦሌ ዒዛ ናዎ፡ ዳውቲኮ ማቾ፡ ሜልኮኦ ጋሊሜ ካታማ ሾይንቲ ላዊሾ ናኣዚ ፓሊፃም ዒንጊናኣኮኬ።

26

ዳውቲ ሃሃ ሳኣዖኦሌ ዎዲዎ ሃሼሢ

1 ዳካ ዓሲ ዚፔይዳፓ ሳኣዖኦሌ ዓኣ፡ ጊቢዓ ሙካዖ፡- «ዳውቲ ሃሃ ዩሴሞኔኮ ሆታ ዓኣ፡ ሃኪላ ጌሜራ ዓኣሺንቲ ዓኣኔ» ጌይ ዒዛም ኬኤዜኔ።

25:44 2ሳሙ. 3:14-26። 26:1 ዓይኑ. 54።

2 ዩያር ሳኦኦሌ ዑኩና ዔቁ ዒሰራዔኤሌፓ ጎኑባ ጎኑባ ሃይሃ ሺያ ሶልዚ ዓሲ ዔካዎ ዳውቴ ኮዒ ዚፔይዳ ዓኣ ዓሲ ናንጉዋ ዳውሎ ዴንዴኔ፤

3 ሳኦኦሌ ዩሴሞኔኮ ሆታ፡ ሃኪላ ጌሚርኮ ጎይሢ ዓሸካ ዱንኪ ዴዔኔ፤ ዳውቴ ዒማና ዓሲ ናንጉዋ ዳውሎይዳ ዓኣኔ፤ ዒዚ ሳኦኦሌ ዒዛ ኮዒ ሙኩሢሢ ዋይዛዎ፡

4 ሙሪ ዓሲ ዳኪ ሳኦኦሌ ጎኔ ዒኢካ ሙኩሢሢ ዔሬኔ፤

5 ዩያር ዑኩና ዔቁ ዴንዲ ሳኦኦሌንታ ሳኦኦሌኮ ፖኦሊሶ ዓይሣ፡ ኔሪ ናኣዚ ዓቤኔሬንታ ላሃ ቤዛ ዎካታቴያ ዱማሲ ዔሬኔ፤ ሳኦኦሌ ዒማና ዔያታ ዱንኪ ዴዔ ቤዛ ጊንዔም ሶሎ ዓሳኣ ዒዛኮ ኮይሎይዳ ቢያ ጊንዒ ዓኣኔ።

6 ዒማና ዳውቴ ሂኢታ ዓሢ ዓቢሚሌኩና ፃድያ ናኣቶይዳፓ ዒዮዓቤ ጌርሲ ዓቢሻዬና ኮይላ፡- «ዒንሢ ላምዎንሢሢ ዳታና ዎላ ሳኦኦሌኮ ሶሎ ዓሳ ዓኣ ቤዛ ዴንዳንዳሢ ሶናዳይ?» ጌይ ሶኦጩኔ።

ዓቢሻዬ፡- «ታ ዴንዳንዳኔ» ጌዔኔ።

7 ዩያር ዩኖ ዎንቴሎ ዳውቴና ዓቢሻዬና ሳኦኦሌንሢ ዴንኪ ዓኣ ቤዛ ጌሌኔ፤ ዒኢካ ዔያታ ሄላዎ ሳኦኦሌ ጊንዒ ዓኣንቴ ዴንቄኔ፤ ዎርፃ ዒዛኮ ቶኦኮ ዛላ ደቂንቴ፡ ዓቤኔሬንታ ሃንጎ ሶሎ ዓሶንታ ዒዛኮ ኮይሎይዳ ቢያ ላሂ ዓኣኔ፤

8 ዓቢሻዬ ዒማና ዳውቴ ኮይላ፡- «ፆኦሲ ሃኖ ኔ ሞርካሢ ኔ ኩጩ ጋር ጌልዜኔ፤ ዩያር ሃሢ ታኣኒ ዒዛኮ ዎርፆ ዔኪ ጫርጊ ሳዎና ዒዛ ፃጳንዳኔ፤ ላሞ ባኣዚ ባኣያ ፔቴና ታ ጫርጋንዳኔ!» ጌዔኔ።

9 ዳውቴ ጋዓንቴ ዓቢሻዬም፡- «ኔ ዒዛ ዎዳንዳያ ኮይሱዎሴ! ናንጊና ናንጋ ጎዳ ዶኦሚ ካኣታሢ ካኣቶ ዎዳ ዓሲ ፑርታ ሜታ ሄሊ ዓቱውሴ፤

10 ናንጊና ናንጋ ጎዳ ሃይቆ! ዒ ፔኤር ሳኦኦሌ ዎዳንዳኔ፤ ሃይቃ ዎዳ ዒዛኮ ሄሌም ሃንጎ ሶልዚና ዒ ሃይቁዎዎ ዓታዓኬ፤

11 ናንጊና ናንጋ ጎዳ ቴሽኪ ካኣታሢ ካኣቲ ዎዲሢ ሃኮ! ኑ ዎዎዳንዳይ ጌዔቴ ዒዛኮ ዎርፆና ዎኣዎ ጎሻና ዔኪ ዴንዳንዳኔ» ጌዔኔ።

12 ዩያር ዳውቴ ዎርፆንታ ዎኣዎ ጎሻንታ ሳኦኦሌኮ ኬዳፓ ዔካዎ ዓቢሻዬና ዎላ ዴንዴኔ፤ ናንጊና ናንጋ ጎዳ ሃይቁጉዲ ዔያቶ ጊንዒሺሢሢ ዩይ ቢያ ማዲንታኣና ዓይጎ ዓሲያ ዴንቄይ፡ ሃሣ ጴጪ ዔሬይ ባኣሴ።

13 ዩካፓ ዳውቴ ዛሬና ሶ ሱኮ ፒንቃዎ ፓዴ ቤሰካ ዓኣ ዴኬ ቶኦኪ ኬሰኪ፡

14 ዑኡዞ ፔኤኮ ጰጊዲ ሳኦጎኡኮ ጎሎ ዓሶጎታ ዓቤኔሬጎታ ዋይዛጎዳጉዲ፡- «ዓቤሬኔ! ኔ ዋይዛ!» ጌዒ ዔኤሊጎቴኔ።

ዓቤኔሬ ዒማና፡- «ሃያይዲ ካኣቲ ገንዑዋጉዲ ዒላታሢ ጎናዳይ?» ጌዔኔ።

15 ዳውቴ፡- «ዓቤኔሬ! ኔኤኒ ዒሰራዔኤሌይዳ ዔርቴ ጰኤፒ ዓሰቱዋዓዳ? ሂዳዎ ኔ ጎዳ፣ ኔኤኮ ካኣቲ ዛጊ ካፑዋኣሢ ዓይጎርዳይ? ኑጊዳፓ ፔቴ ዓሰ ኔ ጎዳ ዋዳኒ ዒጎሢ ዓኣ ቤዞ ጌሌጎቴኔ፤

16 ኔ ማዳ ባካ ቃራ ማዳቱዋሰ፤ ዓቤኔሬ፤ ናጎጊና ናጎጎ ጎዳ ሃይቆ! ናጎጊና ናጎጎ ጎዳ ቲሽኪ ካኣታሢ፣ ዒጎሢኮ ጎዳ፣ ዒጎሢኮ ካኣቲ ዒጎሢ ካፓኒ ዳጎዳዒባኣሢር ዒጎሢ ቢያሢም ሃይቢ ኮይሳያከ! ዒዛኮ ኬር ኬዴ ዓኣ ዋርዎጎታ ዋኣዎ ጎቾጎታ ሃሢ ዋካ ዓኣቴያ ሂጎዳ ዛጌ!» ጌዔኔ።

17 ሳኦጎኡሌ ዒማና ዳውቴኮ ዑኡዞ ዲማሲ ዔራራ፡- «ታ ናዓሢዮ ዳውቴ! ጎኔ ዬይ ሃሢ ኔናዳ?» ጌይ ዎኦጤኔ።

ዳውቴ ማሃዎ፡- «ሂዮ ካኣቲዮ! ታናኬ፤

18 ታ ጎዳ! ኔኤኮ ዓይላሢ፣ ታና ኔኤኒ ዓይጎ ዳውሳዎ? ታ ዓይጎ ዋኣቴይ? ዓይጎ ፑርታ ባኣዚ ታ ማዳይ?

19 ካኣቲዮ! ታ ኔኤም ጋዓሢ ዋይዘ! ኔና ታ ዑፃ ዔቁሴሢ ዋንዴ ናጎጊና ናጎጎ ጎዳ ማዔያታቴ ዒጎጎ ዒጎጊሢ ዒጎጊ ዒዛኮ ዳጎ ሸሚሳኒ ዳጎዳዒጎታጎዳያ ታጎቴኔ፤ ዬያ ማዳሢ ዓሰ ማዔቴ ናጎጊና ናጎጎ ጎዳኮ ጋዳማ ዔያቶ ሄሎጎጎ፤ ዓይጎር ጌዔቴ ናጎጊና ናጎጎ ጎዳ ካኣሽኪጎታ ዓጮይዳፓ ማሌ ዎኦዞ ካኣሽኮ ዓጮ ታና ዔያታ ዳኬሢርኬ።

20 ናጎጊና ናጎጎ ጎዳይዳፓ ታና ሃኪሲ ማሌ ካኣሺ ካኣሽኪጎታ ዓጪዳ ታና ዋዲሺፖ፤ ሃያጉዴ ጰኤፒ ዒሰራዔኤሌ ካኣቲ ታና ሳይዘጉዲ ማዔሢ ዓይጎ ዳውሲ ሃጎታይ? ዓሰ ናጎጉዋ ዳውሎይዳ ናጎጎ ካርካቾጉዲ ታና ዒ ዓይጎር ኬማይ?» ጌዔኔ።

21 ሳኦጎኡሌ ዒማና፡- «ጎኔ ታ ዳቤኔ፤ ታ ናዓሃ፣ ዳውቴ! ማዒ ታ ኮይላ ሙኬ፤ ዋጎቴ ኔ ታና ዋዲዋዎ ሃሺሢር ማይ ታ ኔና ዋዳኒ ኮዑዋሰ፤ ታ ቦኣኬኔ! ጰኤፒ ዳቢጎቴ ታ ዳቤኔ!» ጌዔኔ።

22 ዳውቴ ማሃዎ፡- «ካኣቲዮ! ዋርዎ ኔኤኮ ሃኣዛጌ፤ ኔኤኮ ፖኦሊሶፓ ፔቴ ዓሰ ሙኪ ዔኮጎጎ።

23 ጉሙርቁጎታያ ማዔ፣ ኮዥ ዓሶም ኮዥ ማዳሢ ዛሎ ኮሺ ባኣዚ ዒጎጎሢ ናጎጊና ናጎጎ ጎዳኬ፤ ሃሢ ሃኖ ናጎጊና ናጎጎ ጎዳ ኔና ታ ኮጮ ጋር ጌልዜጎቴ ታኣኒ ዒዚ ደኦሪ ካኣታሢሢ፣ ኔና ዋዳኒ ኮይባኣሴ።

24 ሃኖ ታኢኒ ኔ ሽምጋህ ለንቹህጉዲ ናንገና ናንጋ ጎዳ ታና ዬያጉዴ ማቶገ ከሲ ካፖንጎ» ጌዔኔ።

25 ሳኦጎኦሌ ዳውቴም፡- «ታ ናዓሦ፡ ያኦሲ ኔና ዓንጅንጎ! ሚርጌ ዴኤፒ ባኦዚ ኔ ማዳንዳኔ፤ ዬይያኦ ኔኤም ጊኢጋንዳኔ» ጌዔኔ።

ዬካፓ ዳውቴ ዒ ኮዔ ቤዞ ዴንዴም፡ ሳኦጎኦሌያ ፔ ማኦሪ ማዒ ዴንዴኔ።

27

ዳውቴ ፒሊሰጻኤሜ ዓሶ ባኦካ ዴንዲ ናንጌህ

1 ዳውቴ ፔ ዒኖና፡- «ፔቴ ዓቢ ሳኦጎኦሌ ታና ዎዲዎ ዓታዓከ፤ ዬያሮ ታኢኒ ማዳንዳያ ኮይሳህ ቤቲ ፒሊሰጻኤሜ ዓሶ ዓጮ ዴንዲህከ፤ ዬካፓ ሳኦጎኦሌ ዒሰራዔኤሌ ዓጮይዳ ታና ኮይያ ሃሽም ኮሺ ናንገ ታ ናንጋኒ ዳንዳዓኔ» ጌይ ማሌኔ።

2 ዳውቴ ዒዛና ዎላ ዓኦ፡ ላሆ ጻኤቶ ዓሶ ዔኪ ኔጉዎጎ ጋኦቴ ካታዎ ካኦቲ ማጎኪ ናኦዚ ዓከሺ ኮይላ ዓኦዴኔ፤

3 ያኦዴይዲ ዳውቴንታ ዒዛ ዓሶንታ ፔ ማኦሮ ዓሶና ዎላ ጋኦቴ ዓጮይዳ ዴዔኔ፤ ዒማና ዳውቴኮ ላምጎ ላኦላ ዒዛና ዎላከ፤ ዔያታ፡- ዒይዚራዔኤሌ ካታማ ሾይንቴ ዓሂኖዓማንታ ቁርማሎሴ ካታማ ሾይንቴህ ናኦባኦሌኮ ማቾ፡ ዓቢጋይሎንታከ፤

4 ዳውቴ ጋኦቴ ቤቲ ዴንዴህ ሳኦጎኦሌ ዎይዘጎ ዒዛ ዴንቃኒ ኮይ ሺሮ ሃሽኔ።

5 ካኦቲ ዓከሺ ኮይላ ዳውቴ፡- «ኔኤኒ ታና ናሽካያ ማዔቴ ፔቴ ዳካ ካታማይዳ ናንጋንዳጉዲ ታና ጌህ፤ ታ ጎዳ፡ ኔኤኒ ካኦታዲ ዴዒ ዓኦ ካታዎይዳ ኔኤና ዎላ ታ ናንጋንዳያ ኮይሱዎሴ» ጌዔኔ።

6 ዬያሮ ካኦቲ ዓከሺ ጻቅላጌ ካታዎ ዳውቴም ዒንጌኔ፤ ዬማፓ ዓርቃጎ ጻቅላጌ ዪሁዳ ካኦቶ ዓጪ ማዒ ዓቴኔ።

7 ዬያይዲ ዳውቴ ፒሊሰጻኤሜ ዓጮይዳ ፔቴ ለዔና ያይዶ ዓገኒና ዴዔኔ።

8 ዬና ዎድና ቢያ ዳውቴንታ ዒዛ ዓሶንታ ጌሪሹራ ዓሶ፡ ጌሪዛ ዓሶ፡ ዓማሌቁ ዓሶዎ ያሌኔ፤ ዬና ዓሳ ቤርታፓ ዓርቃጎ ዴንዲ ሹራና ጊብጻያ ሄላንዳኦና ዒኦካ ናንጋያከ።

9 ዒዚ ዒማና ዓቲንቆንታ ላኦሎንታ ቢያ ዎዲ ዎዲ ማራታ፡ ባኦታ፡ ሃራ፡ ጋኦላህንታ ማኦላህያ ዓሶኮ ቢያ ዔካኔ፤ ዬካፓ ዳውቴ ዓከሺ ኮይላ ሙካዛ፡

10 ዓከሺ፡- «ሃህ ዒንህ ዎኖ ዛሎ ዴንዲ ያሊ ሙከይ?» ጌይ ዳውቴ ያኦጮኦና ዒዚ ማሃጎ፡- «ኑኤኒ ያሊህ ዪሁዳኮ ደኦሎ ዛሎ

ዓጮ፤ ሃሣ ዩራህሚዔኤል ፃጰ ዓጮንታ ቁና ዓሳ ናንጋ ዓጮንታኬ» ጋዓኔ።

11 ዲማና ደውቲ ዓቲንቄ ማዔቲያ ላኣሊ ጋኣቲ ዔኪ ሙኩዋዖ ዋዋዳኔ። ዬያ ዒ ማዳሢ፡- «ደውቲ ዬያይዴኔ» ጌይ ከኤዛንዳሢሮኬ። ደውቲ ፒሊሰፄኤሚ ዓጮ ናንጌ ዋዶና ቢያ ዬያይዲፃ ዒዛኮ ዔርቲያኮ።

12 ካኣቲ ዓኪሼ ጋዓንቲ ደውቲ ጉሙርቃሢሮ ፔ ዒኖና፡- «ዒ ፔ ዓጊና ዒዛ ዒፃንዳ ባኣዚ ማዳሢሮ ዒ ናንጋ ዋዶይዳ ቢያ ታኣሞ ማዳያ ማዓንዳኔ» ጌይ ማላኔ።

28

1 ዳካ ዋዴኮ ጊንፃፓ ፒሊሰፄኤሚ ዓሳ ዒሰራዔኤል ዓሶ ያላኒ ፔኤኮ ፖኦሊሶ ቡኩሴኔ፤ ዓኪሼ ዲማና ደውቲ ኮይላ፡- «ኔኤና ኔ ዓሶና ታ ዛላ ማዒ ያልታንዳያ ኮይሳሢ ኮሺ ዔሬ» ጌዔኔ።

2 ደውቲ ማሃዖ፡- «ታ ኔ ዓይላሢ ዋኦታንዳ ጎይያ ኔ ዛጋዓዳ!» ጌዔኔ።

ዓኪሼ፡- «ቃራኬ! ታኣኒ ኔና ጋፒንሢ ጉሙርቄ፣ ታና ካፓያ ማሢ ጌሣኔ!» ጌዔኔ።

ሳኣዖኦሌ ሃይቄ ዓሶኮ ዔኤዢ ዔኤላ ዢዋ ኮይላ ዴንዴሢ

3 ዬያኮ ቤርታ ሳሙዔኤል ሃይቄሞ፣ ዒሰራዔኤል ዓሳ ቢያ ዒዛ ዛሎ ያዩ ዬኤኪ ዒዚ ናንጋ ራኣማ ካታሞይዳ ዒዛ ዲኦኩኔ፤ ሳኣዖኦሌያ ዢዋንታ ሃይቄ ዓሶኮ ዔኤዢ ዔኤላ ዓሶንታ ዒሰራዔኤል ዓጮፓ ዋልቁና ደውሲ ዳኬኔ።

4 ፒሊሰፄኤሚኮ ያሎ ዓሳ ሙኪ ሹኔሚ ካታሞ ኮይላ ዴንኪ ዴዔኔ፤ ሳኣዖኦሌያ ዒሰራዔኤል ዓሶ ዔኪ ጊልቦዓ ዴካ ዴንኪ ዴዔኔ፤

5 ሳኣዖኦሌ ዲማና ፒሊሰፄኤሚ ፖኦሊሶኮ ሚርጉሞ ዛጋዖ ዓጊጮኔ፤ ካራ ባይዚ ዲቃቲኔ።

6 ዬያሮ ዒዚ ዋዳንዳቲያ ናንጊና ናንጋ ጎዳ ያኦጮኔ፤ ጎዳ ጋዓንቲ ዓውቲና ማዔቲያ ዒዛ ማሊያ ደማሲ ዔርዘ ባኮናኣማዖም፣ ሃሃ ያኦሲ ማሊያ ኮኤዛ ዓሶ ዛሎናኣ ኮኤዛኒ ኮይባኣሴ።

7 ዬካፓ ሳኣዖኦሌ፡- «ሃይቄ ዓሲኮ ዔኤዢ ዔኤላ፣ ፔቲ ላኣሊ ታኣሞ ኮዑዋቲ፤ ታ ዴንዲ ዒዛ ኮራ ያኦጮንዳኔ» ጌይ ዒዛኮ ደንዢ ዓይሣኔ።

28:3 ሌዊ. ዓከ 20:27፤ ላሚ. ዋማ 18:10-11፤ 1ሳሙ. 25:1። 28:6 ፓይ. ማፃ 27:21።

ዔያታ፡- «ዔንደሬ ካታማ ሾይንቲ፣ ፔቲ ለአሊሰከና ዓኣኔ» ጌይ ኬኤዜኔ።

8 ዩካፓ ሳኦኦኤል ፔኤኮ ማኣዓሢ ለኣሚ ማይንቲ፣ ዓሲ ዒዛ ዔሩቐጉዲ ዲሚና ፔኤና ዋላ ላምዖ ዓሲ ዔኪ ለኣሌሎ ኮራ ዖኦኪ ዲንዴኔ፤ ዒኢካ ሃሃላዖ፡- «ሃይቄ ዓሲኮ ዔኤዢኹ ኮርካ ዖኦጪ ማዓንዳ ባኣዚ ታኣም ኬኤዜ፤ ታኣኒ ኔኤም ኬኤዛንዳ ዓሢኮ ዔኤዢኹ ታኣም ዔኤሊ ኬሴ» ጌዔኔ።

9 ለኣሌላ ዒማና፡- «ካኣቲ ሳኦኦኤል ማዳ ባኮ ቢያ ኔ ዔራኔ፤ ዒዚ ዡዋና ሃይቄ ዓሲኮ ዔኤዢኹ ዔኤላ ዓሶ ዒሰራዔኤል ዓጫፓ ዳውሲ ባይዜኔ፤ ሃሢ ኔኤኒ ታና ፒሪ ዋዲሻኒ ኮዓሢ ዓይጎርዳይ?» ጌዔኔ።

10 ዩካፓ ሳኦኦኤል፡- «ናንገና ናንገ ጎዳ ሃይቆ! ዩያ ዛሎና ኔና ሃላንዳ ባኣዚ ባኣሴ» ጌዒ ዒዞም ማሃኔ።

11 «ሂዴቶ ዖና ታ ኔኤም ኬሶንደይ?» ጌይ ለኣሌላ ዒዛ ዖኦጪኔ።

ዒዚ ማሃዖ፡- «ሳሙዔኤል ታኣም ኬሴ» ጌዔኔ።

12 ዒዛ ሳሙዔኤል ዴንቃዖ ዒላቲ፣ ሳኦኦኤል ኮይላ፡- «ኔ ካኣቲ ሳኦኦኤልታዖ ዓይገ ኔ ታና ጌሹይ!» ጌዔኔ።

13 ዩካፓ ካኣቲ፡- «ዒገጪፖ! ሃሢ ኔኤም ጴዳ ባካ ዓይጎዳይ?» ጌይ ዖኦጪኔ።

ዒዛ ማሃዖ፡- «ዱኡፒዳፓ ዔኤዢኹ ኬሰካንቲ ታ ዴንቃኔ» ጌዔኔ።

14 ዒዚ፡- «ማላሢ ዋዚዳዳይ?» ጌይ ዒዞ ዖኦጪኔ።

ዒዛ ማሃዖ፡- «ዳኤፒ ኮኦቲ ማኣዔ ጋርቺ ዓሲ ኬሰካኔ» ጌዔኔ።

ሳኦኦኤል ዒማና ዩይ ሳሙዔኤል ማዔሢ ዔራዖ ሂርኪ ጌይ ቦንቾ ዔኤሊሢ ዔኤሌኔ።

15 ሳሙዔኤል ሳኦኦኤል ኮይላ፡- «ኔ ታና ሃውሾ ለኣጋሢ ዓይጎርዳይ? ዱኡፓፓ ዓይገ ኔ ታና ዔኤሊሲ ኬሲሴይ?» ጌዔኔ።

ሳኦኦኤል ማሃዖ፡- «ሃኣዛጌ፣ ታኣኒ ዳኤፒ ሜቶይዳ ኬዴኔ! ፒሊሰጸኤሜ ዓሳ ታና ዖላኔ፤ ዖኦሲ ታና ሃሹኔ፤ ዖኦሲ ማሊዖ ኬኤዛ ዓሲና ማዖም ዓውቲናኣ ታኣም ኬኤዞ ዒጸኔ፤ ዩያር ታ ዋዳንዳቲያ ኔ ታኣም ኬኤዛንዳጉዲ ታ ኔና ዔኤሊሲ ኬሴኔ» ጌዔኔ።

16 ሳሙዔኤል ሳኦኦኤልም፡- «ናንገና ናንገ ጎዳ ኔገዳፓ ዱማዲ ኔኤኮ ሞርኬ ማዔሰካፓ ታና ኔ ዓይገ ዔኤሊሳይ?»

17 ናንገና ናንገ ጎዳ ታ ዛሎና ኔኤም ኬኤዜ ባኮ ኩንሣኔ፤ ዒዚ ካኣቲም ኔገዳፓ ዔኪ ኔ ባጋሢ፣ ዳውቲም ዒንጌኔ፤

18 ናንገና ናንገ ጎዳ ኬኤዜ ባኮ ኔኤኒ ዋይዚ ዓይሢንታዖ ማዒባኣሴ፤ ዓማሌቄ ዓሶና ዔያቶር ማዔ ባኮ ቢያ ኔ ባይዚ

ኩርሲባኣሴ፤ ናንጊና ናንጋ ጎዳ ሃሢ ዬያ ቢያ ማዳሢ ዬያ ዛሎናኬ።

19 ዬያር ዒዚ ኔናጎታ ዒሰራዔኤሌ ዓሶጎታ ፒሊሰጻኤማ ዓሶም ዓኣሢ ዒንጋንዳኔ፤ ዚር ኔኤና ኔ ናኣቶና ታ ዓኣ ቤዘ ዒንሢ ሙካንዳኔ፤ ናንጊና ናንጋ ጎዳ ዒሰራዔኤሌ ፖኦሊሶ ፒሊሰጻኤማ ዓሶም ዓኣሢ ዒንጋንዳኔ» ጌዔኔ።

20 ሳሙዔኤሌ ዬያ ጌይ ኬኤዛዛ ሳኣዎኦሌ ዲቃታ? ላቢ ሳዓ ሎኦሜኔ፤ ርኦርጎታ ዋንቶጎታ ቢያ ሙኡዚ ሙይባኣሢር ዒ ዎልቁ ባይቄኔ።

21 ዒማና ላኣሌላ ሳኣዎኦሌ ባንሢ ሙካዎ ዒዚ ዒጊቹሞና ጎጋይቃጎቴ ዛጊ፡- «ታ ጎዳ፣ ኔ ታኣም ጌዔ ባኮ ዎይዚ ዔኤዒ ታ ሸምፖ ታ ሃይቄዎ ዓቴኔ፤

22 ዬያር ኔኤኒያ ሃሢ ታ ኔና ዎኦጫ ባኮ ሃዳራ ማዳ፤ ዳካ ሙኡዚ ታ ኔኤም ጊኢጊሻዛ ዎልቁ ዳንቂ ዳንዳኒ ሙዔ» ጌዔኔ።

23 ሳኣዎኦሌ ጋዓጎቴ፡- «ፔቴታዎ ታ ሙዓዓ» ጌይ ዒጻኔ፤ ያዲ ማዔቴያ ዒዛኮ ደንዛ ዒ ሙዓንዳጉዲ ዘሬኔ፤ ዬያር ጋፒንዎይዳ ዒዚ፡- «ዔኤዔ» ጌይ ሎኦሜ ቤዛፓ ዔቂ ሻኣላይዳ ዳዔኔ፤

24 ዒማና ላኣሌላ ዲቹ ናኦሪ ዒዛኮ ዓኣንቴ ዑኩና ሹኪ ዳካ ዲኢሊ ዔኪ ዲርካዎ ላኣዳ ላኣዳኔ።

25 ዬያ ሙዎ ሳኣዎኦሌና ዒዛኮ ደንዘናም ዒዛ ሸኢሸም ዔያታ ሙዒ ዒማ ዋንቶ ዒኢካፓ ዳንዳኔ።

29

ፒሊሰጻኤማ ዓሳ ዳውቴ ዒጻሢ

1 ዒሰራዔኤሌ ዓሳ ዒይዚራዔኤሌ ደኦጮይዳ ዓልቃ ዎኣዎ ዓኣ ቤዛ ዲንኪ ዓኣንቴ፡ ፒሊሰጻኤማኮ ዎሎ ዓሳ ቡከጎጎቴ ሙኪ ዓፔቄይዳ ዲንኬኔ፤

2 ደንጎ ፒሊሰጻኤማ ካኣታ፡- ዛላ ጻኤታ፡ ዛላ ሺያ ማዒ ፓቂጎጎቴ ዎሎሮ ኬሰኬኔ፤ ዒማና ዳውቴ ፔ ዓሶና ካኣቴ ዓኪሼኮ ፖኦሊሶ ሄሊሲ ዎላኒ ኬሰኬኔ፤

3 ፒሊሰጻኤማኮ ፖኦሊሶ ዓይሣ ዓሳ ዔያቶ ዳንቃዎ፡- «ሃኣታ ዔብሬ ዓሳ ሃይካ ዓይጎዎዳይ?» ጌይ ዎኦጮኔ።

ዓኪሼ ማሃዎ፡- «ሃይ ዒሰራዔኤሌ ካኣቴኮ ደንዘ ማዔ፡ ዳውቴቱዎዳዳ! ዒዚ ታ ኮይላ ሙኪ ሚርጌ ዳዔኔ፤ ዒዚ ሳኣዎኦሌ ዒዒ ታ ኮይላ ሙኬሰካፓ ታኣም ፑርታ ማዓ ባኣዚ ፔቴታዎ ማዲ ቤቂባኣሴ» ጌዔኔ።

28:18 1ሳሙ. 15:3-9።

4 ጋዓንቴ ፒሊሰጻኤሜኮ ፖኦሊሶ ዓይሣ ዓሳ ካአቲ ዓኪሽ ኮይላ ጎሪንቲ፡- «ሃያ ዓሣ ኔኤኒ ቤርታ ዒዛም ዒንጌ ካታም ማሃ ዳኬ፤ ዒዛ ኦኡና ዋላ ያላ ኬሲጉ፤ ዓይጎሮ ጌዔቴ ያላ ፑርቲ ዳንዴ ዋደና ሺሪ ኦና ያላኒ ዒ ዳንዳዓኔ፤ ዒዚ ፔ ጎዳና ዋላ ቡካኒ ኦ ዓሶ ዋዲሣዳፓ ማሌ ዒ ዋዳንዳያ ኔኤም ማላይ?

5 ሃሣ ሃያኮ ቤርታ ላኣላ ኮፆ ኮርጋ፡- «ሳኦኦሌ ሺያ ዋዳኔ! ዳውቴ ታጾ ሺያ ዋዳኔ! ጌዔሣ ሃያ ዳውቴቱዋዓዳ?» ጌዔኔ።

6 ዬያሮ ካአቲ ዓኪሽ ዳውቴ ዔኤላዎ፡- «ናንገና ናንጋ ጎዳ ሃይቆ! ኔኤኒ ታኣኮ ጉሙርቁንታ ዓሲኬ፤ ሃያ ያሎ ኔኤኒ ኬሰኪ ያልቲቲ ቃራታዎኬ፤ ኔ ሙኬማፓ ሃኖ ሃላንዳኣና ታኣም ፑርታ ማዓ ባኣዚ ማዴያ ታ ዳንቁባኣሴ፤ ጋዓንቴ ቢታንታ ዓኣ፡ ሃንጎ ዓሳ ኔኤኒ ኦኡና ዋላ ያሎ ኬሰኪ ያላንዳጉዲ ኮይባኣሴ፤

7 ዬያሮ ዔያቶም ኮሽኩዋ ማዶ ማዲፃፓ ኮሺና ማዒ ጊንሣ ኔ ዳንዴቲ ቃራኬ» ጌዔኔ።

8 ዳውቴ ማሃ፡- «ታ ጎዳ! ዓይጎታ ማዴይ? ኔ ጌዔሣጉዲ ኔኤም ታ ማዴያ ዓርቁማፓ ዳቢንቲ ታጊዳ ጴዲባኣያ ማዔቴ ታኣኮ ጎዳ፡ ሃሣ ካአቲ ማዔ ኔ ጊንፆ ዓኣዲ ኔ ሞርኮ ታኣኒ ያሎዋጉዲ ላኣጋሣ ዓይጎዳይ?» ጌዔኔ።

9 ዓኪሽ ዳውቴም፡- «ታኣኒ ታ ዛሎና ቃራኬ ጋዓኔ፤ ዓይጎሮ ጌዔቴ ታኣኒ ኔና ያኦሲ ኪኢታንቻጉዲ ጉሙርቃኔ፤ ጋዓንቴ ቢታንታ ዓኣ፡ ሃንጎ ዓሳ፡- ኦኡና ዋላ ዒ ያላ ኬሰካኒ ዳንዳዑዋሴ» ጌዔኔ።

10 ዬያሮ ኔናንታ ኔኤና ዋላ ሙኬ፡ ኔ ጎዳኮ ዓይላ ዚሮ ሚኢሪ ዓባ ያርቃማና ዒንሣ ሙኬ ቤዘ ማዒ ዳንዲዋቲ» ጌዔኔ።

11 ዬካፓ ዳውቴና ዒዛ ዓሶና ዚሮ ጉቲ ሚኢሪ ፒሊሰጻኤሜ ማዒ ዳንዳኒ ኬሰኬኔ፤ ፒሊሰጻኤሜ ዓሳኣ ዒማና ያሎሮ ዒይዚራዔኤሌ ደኣጮ ዳንዴኔ።

30

ዓማሌቄ ዓሶ ያሎና ያሎ

1 ዳውቴና ዒዛ ዓሶና ሃይሣሳ ኬሎ ዪቅላጌ ሃሌኔ፤ ዔያታ ዒኢካ ሃላንዳሣኪ ቤርታ ዓማሌቄ ዓሳ ዪሁዳኮ ደኣሎ ዛሎ ዓጮና ዪቅላጌና ያላ ዓርቁ ዪቅላጌ ካታም ታሚና ሚቹ፡

2 ዒኢካፓ ላኣሎንታ ዴጌ ናኣቶንታ ጋርቾዋ ቢያ ዲዒ ዔኬኔ፤ ዔያታ ኬሰኪ ዳንዳዎ ዳንቁ ባኮ ዲዒ ዔዔኬኔያፓ ዓቲም ዋዲ ዋዲባኣሴ፤

29:5 1 ሳሙ. 15:3-9።

3 ደውቴና ዒዛ ዓሶና ማዒ ዒኢካ ሙካዖ ካታማ ሚቸንቲ፥ ዒያቶኮ ላኣሎንታ ዓቲንቆንታ ዉዲሮ ናኣቶንታ ዲዒንቲ ዔውቴህ ዴንቄን፤

4 ዩያሮ ደውቴና ዒዛ ዓሶና ላባንዲያ ሄላንዳኣና ዒኔ ማቂ ጋፑዋ ዬፒ ዑኡዞ ፔኤኮ ዴጊዲ ዩኤኮኔ።

5 ዒማና ደውቴኮ ላምዖ ላኣላ፥ ዒይዚራዔኤሌ ካታማ ሸይንቲ ዓሂኖዓምንታ ቁርሜሎሴ ካታም ዓሂ ናኣባኣሌ ማቻ ዓቢጋይላኣ ዲዒንቲ ዔውቴኔ።

6 ዓሳ ቢያ ዒያቶኮ ዉዲሮ ናኣቶና ዓቲንቆ ናኣቶና ዲዒንቲህሮ ዳጋዲ ደውቴ ሹቻ ዲይ ዎዳኒ ጌሰቲም ደውቴ ሜቶይዳ ኬይኔ። ያዲ ማዔቴያ ናንጊና ናንጋ ጎዳ ማዔ ዒዛኮ ምኣዛህ ዲዲም ዒዛም ዒንጌኔ።

7 ዩካፓ ደውቴ ዓቤሜሌኬ ናኣዚ፥ ቁኤሳህ፥ ዓቢያታሬ ኮይላ፡- «ዔፑደ ታኣም ሃኒ ዔኪ ባዔ» ጋዓዛ፥ ዓቢያታሬ ዔኪ ዩኤኔ።

8 ደውቴ፡- «ዩያቶ ምናና ዲዒ ዔኪ ዓኣዴ ዓሶ ደውሲ ታ ዓርቆንዶ?» ጌዒ ናንጊና ናንጋ ጎዳ ምኣጭኔ።

ናንጊና ናንጋ ጎዳ ማሃዖ፡- «ሂዮ! ጊንዖ ዴንዴ፤ ዒያቶ ኔ ዓርቂ ዲዒንቲ ባኮዋ ቢያ ማሃንዳኔ» ጌዔኔ።

9 ዩያሮ ደውቴንታ ላሆ ጄኤቶ ዓሶንታ ዴንዲ ቢሶሬ ዎሮ ዓጮ ሄላዛ ዛላ ዓሲ ዒኢካ ላቢ ዴዔኔ።

10 ደውቴ ጋዓንቲ ምዶ ጄኤታ ዓሲ ዔኪ ዴንዴኔ፤ ላምዖ ጄኤቶ ዓሳ ዎሮና ፒንቂዖ ባሽንቲ ላቤህሮ ጊንሂም ዓቲኔ።

11-12 ዒማና ደውቴና ዎላ ዓኣዳ ዓሳ ጊብፄ ዓጪ ዓሲ ማዔያ፥ ፔቲ ዴጌሰኬይ ዓሲ ናንጉዎ ደውላ ዴንቂ ደውቴ ኮይላ ዔኪ ሙኮኔ፤ ዒያታ ዒዛም ካህ፥ ዎኣህ፥ ቤሌሴ ሚዖ ዓኣፖ ዲንቆና ቡንፂህንታ ላምዖ ሶዬ ዎይኔ ሜሌያ ዒንጋዛ ዒዚ ሙዒ ዑሽካዖ ዴይኔ፤ ዩያኮ ቤርታ ሃይሆ ኬሊ ጉቤ ካህና ዎኣህና ዒ ዴንቂባኣያኮ።

13 ዩካፓ ደውቴ ዒዛ ኮይላ፡- «ኔ ዖ ዓይሌዳይ? ዓንካፓ ኔ ሙኮይ?» ጌይ ምኣጭኔ።

ዴጌህ ማሃዖ፡- «ታኣኒ ጊብፄ ዓሲታዖ ፔቲ ዓማሌቄ ዓሲም ማዶ ማዶ ዓይሌኬ፤ ታ ሃርጊንቲህሮ ሃይሆ ኬሊኮ ቤርታ ታ ጎዳህ ታና ሃሺ ዓኣዴኔ፤

14 ዩያኮ ቤርታ ዩሁዳኮ ዶኦሎ ዛላ ዓኣ፥ ኬሪታ ዓሶ ዓጮንታ ካኣሌቤ ዓጮዎ ዖሊ ዓርቂ ጂቅላጌ ታሚና ኑ ሚቸኔ» ጌዔኔ።

15 ደውቱ፡- «ዩና ዓሳ ዓኣ ቤዞ ዔኪ ኔ ታና ዓኣዲኒ ዳንዳዓ?»
ጌይ ያኦጮኔ፤

ዴጌህ ማሃ፡- «ኔኤኒ ታና <ዎዲንዲዎሴ> ሃህ <ኔ ጎዳሂሞ ዓኣሂ
ታ ኔና ዒንጊንዲዎሴ> ጌይ ጫኣቁቴ ታ ኔና ዔኪ ዓኣዲ ዳዎኒ
ዳንዳዓኔ» ጌዔኔ፡፡

16 ዩካፓ ዒዚ ደውቱ ዔኪ ዩና ያሎ ዓሳ ዓኣ ቤዞ ዴንዴኔ፤

ያሎ ዓሳ ዒማና ፒሊሰጄኤማ ዓሶና ዪሁዳ ዓሶናፓ ዲዒ ዔኬ
ባካ ኮሺ ዲቢታሂር ዲማዲ ዲማዲ ዴይ ሙይ ሙይ ሃህ ዑሽኪ
ዎዛዲሂዳ ዓኣኔ፤

17 ደውቱ ዲሞና ዔያቶይዳ ያልዚ ቡሊ ዴንዲ ሳዓ ካራንዳያ
ሄላንዳኣና ያሌኔ፤ ጋኣላሂ ቶጊ ጳሽኪ ቶሌ ያይዶ ጄኤታ
ዴጌሰከንሂፓ ዓታዛ ዩኖ ያሎ ዓሶፓ ቶሊ ዓቴ ዓሲ ፔቴታፖ
ባኣሴ፤

18 ደውቱ ዓማሌቁ ዓሳ ዲዒ ዔኬ ዓሶንታ ቆሎንታ፤ ዩያጉዲ
ዒዛኮ ላሞፖ ላኣሎዎ ቶሊሲ ማሄኔ፡፡

19 ፔቴታፖ ፓጮ ባኣዚ ባኣያ ደውቱ ዒዛ ዓሶኮ ዓቲንቆንታ
ዉዲር ናኣቶንታ፤ ዓማሌቁ ዓሳ ዲዒ ዔኬ ባኮ ቢያ ማሄኔ፤

20 ባኣታ፡ ማራታ፡ ዎኣራ ቢያ ማሂ ዔኬኔ፤ ዒዛኮ ዓሳ ቆልሞ ዒሺ
ዒሺ፡- «ሃይ ቢያ ደውቱ ያሎና ባሺ ዲዒ ዔኬሂከ!» ጌዔኔ፡፡

21 ዩያይዲ ደውቱ ቢሶሬ ዎር ዓጮ ላቢንቲ ዓቲ ላሞፖ ጄኤቶ ዓሶ
ኮይላ ማዒ ሙኬኔ፡፡ ዔያታ ደውቱንታ ዒዛና ዎላ ዓኣዴ ዓሶ ዔካኒ
ጎይሃ ከሰከኔ፤ ደውቱ ዒማና ዔያቶ ባንሂ ሙካፖ፡- «ዒንሂ ዎዚ
ዓኣይ?» ጌይ ዔኤሌኔ፡፡

22 ጋዓንቲ ደውቱና ዎላ ዓኣዴ ዓሶፓ ፓሠዎ ማሊሂ ዓኣ ፔቴ ፔቴ
ዓሲ፡- «ኑኡና ዎላ ያሎር ዔያታ ዴንዲ ባኣሂር ኑ ዲዒ ዔኪ ሙኬ
ባኮ ዔያቶሞ ጊሽካንዳያ ኮይሱዎሴ፤ ዔያቶኮ ናኣቶና ላኣሎና ሌሊ
ዔካፖ ዓዓኣድንጎ» ጌዔኔ፡፡

23 ደውቱ ዒማና፡- «ታ ዒሽንሦ! ናንጊና ናንጋ ጎዳ ኑና
ባሺሴያታሂር ዒንሂ ዩያይዲ ዳንዳዑዎሴ! ኑና ሽሞፔና ካፒ ዩያ
ያሎ ዓሶ ባሺሴሂ ዒዛከ፤

24 ዒንሂ ጋዓ ባኮ ዓሲ ዎይዛንዳያቱዎሴ፤ ጊንፃ ዓቲ ማሆ
ካፒሂንታ ያሎ ዴንዲ ያሌሂንታ ቢያ ዲዒንቲ ዔውቱ ባኮ ሄኮ
ጊሽታንዳያ ኮይሳ» ጌዔኔ፡፡

25 ደውቱ ዩያይዲፖ ዒማ ከላፓ ዓርቃፖ ዎጌ ማሂ ማዴሂር
ዒሰራዔኤሌ ዓጮይዳ ሃና ሄላኣና ማዲንቲ ማዲንቲ ዓኣኔ፡፡

26 ደውቱ ያቅላጌ ማዒ ሙካፖ ዒዚ ዲዒ ዔኬ ባኮኮ ዛሎ
ዒዛኮ ዒጊና ማዔ፤ ዪሁዳ ዓጮ ጋርቾ ዓሶሞ ዳከኔ፤ ዒ ዳከ ዲዒ

ዔኬ ባኮና ዋላ፡- «ሃይ፣ ናንጊና ናንጋ ጎዳኮ ሞርኮ ቡፃፓ ዔውቲ ቢንሢም ቢንጊንታ ባኣዚኬ» ጋባ ኪኢታኣ ዳኬኔ።

27 ዬያ ባኮይዳፓ ሃሃ ቤኤቴኤሌይዳ ዓኣ፣ ዪሁዳኮ ደኦሎ ዛላ ዓኣ፤ ዬያጉዲ ያቲሬ ካታሞይዳ ዓኣ ዓሶማኣ ቢያ ዳኬኔ፤

28 ሃሃ ጊንሃ ዓርዔኤሬ፣ ሲፕሞቴ፣ ዔሸቴሞዓንታ

29 ራካሌንታይዳ ዓኣ ዓሶም፤ ዬያጉዲ ሃሃ ዪራህሚዔሌ ቶኦኮ ማዔ፣ ቁና ዓሶም፤

30 ሆርማ፣ ቦርዓሻኔ፣ ዓታኬንታ፣

31 ኬብርኦኔ ካታሞይዳ ናንጋ ዓሶማኣ ቢያ ዳኬኔ፤ ዬያ ሌሊቱሞንቴ ዒዛንታ ዒዛ ዓሶንታ ሃንቴ ቤዞ ቢያይዳ ናንጋ ዓሶፓ ዬይ ባካ ሄሉሞ ዓቴ ቤሲ ባኣሴ።

31

ሳኣዎኦሌና ናኣቶናኮ ሃይቦ (1ዎኦሲ. ዓሃኬ 10:1-12)

1 ፒሊሰጄኤሚ ዓሳ ጊልቦዓ ደካ ዒሰራዔኤሌ ዓሶና ዋላ ያሎ ዓርቁ፣ ዒኢካ ሚርጌ ዒሰራዔኤሌ ዓሲ ዎደም ሚርጌ ዓሲ ጳሽኪ ፑኔኔ።

2 ጋዓንቴ ፒሊሰጄኤሚ ዓሳ ጊንዎ ደውሲ ዔያቶ ሄሊ ሃይሃ ሳኣዎኦሌኮ ናኣቶ ዮናታኣኔ፣ ዓቢናዳኣቤንታ ማልኪሹዓንታ ዎደኔ።

3 ሳኣዎኦሌ ዓኣ ቤዛ ያላ ደዴሢሮ ሂኢኸና ያላ ዓሳ ዒዛ ፓልዔና ደኪ ማኣሳንሣኔ፤

4 ዬያሮ ሳኣዎኦሌ ዒዛኮ ያሎ ዓንጋሞ ዔኪ ጊንዎ ሃንታ ደጌሢ፡- «ሃኣታ ዓቲንቶ ቤርቶ ቲቁንቲባኣ፣ ፒሊሰጄኤሚ ዓሳ ሙኪ ታና ጫርጊ ዓማሊ ሸሩሞጉዲ ኔ ኔኤሮ ጩንቾ ዓፓሮ ቱጊ ታና ጫርጊ ዎደ» ጋዓዛ፣ ደጌሢ ጋዓንቴ ዬያይዳኒ ዒጊጩሢሮ ሳኣዎኦሌ ፔ ጩንቾ ዓፓሮኮ ጊዳ ሎኦሚ ጫቲ ሃይቁኔ።

5 ዬይ ደጌሢያ ሳኣዎኦሌ ሃይቁሢ ዛጋዎ ፔ ጩንቾ ዓፓሮይዳ ሎኦሚ ጫቲ ሃይቁኔ።

6 ሳኣዎኦሌንታ ዒዛኮ ሃይሃ ዓቲንቆ ናኣቶንታ፤ ዬያጉዲ ዒዛኮ ያሎ ዓንጋሞ ዔኪ ሃንታሢያ ሃይቁሢ ዬያይዲ ማዓዛ፣ ሳኣዎኦሌና ያሎሮ ኬሰኬ ዓሳ ዬኖ ዓቦ ዒኢካ ሃይቁ ኩዳኔ።

7 ዮርዳናሴ ዎሮኮ ዓባ ኬሰካ ዛሎና ዒይዚራዔኤሌ ደኦጮ ሱካ ዓኣ፣ ዒሰራዔኤሌ ዓሳ ዔያቶኮ ያሎ ዓሳ ባሸንጌ ጳሽኬሢ፤ ሳኣዎኦሌንታ ዒዛኮ ናኣቶንታ ሃይቁሢ ዋይዛዎ ፔኤኮ ካታሞ ሃሺ ሃሺ ጳሽኬም ፒሊሰጄኤሚ ዓሳ ሙኪ ካታሞ ዓርቁኔ።

8 ዬኖ ያሎ ከሎኮ ገንጻኝ ዓቦ ፒሊሰጻኤሜ ዓሳ ሃይቁ፥
ዒሰራዔኤል ዓሳኮ ሌዛፓ ዓንጋሞ ጉሲ ዔካኒ ዴንዳያ ሳኦኦኤልና
ዒዛኮ ሃይሆ ናኦቶና ገልቦዓ ዲኮይዳ ሃይቁ ዓኦንቲ ዴንቁኔ።

9 ዬካፓ ሳኦኦኤልኮ ቶኦኮ ቲቁ፥ ያሎ ማኦሚያ ጉሲ ዔኪ ዔያቶ
ያኦዞ ካኦሽኮ ማኦሮና ዔያቶኮ ዴሮናሞ ዒሰራዔኤል ዓሳ ባሽኒቲያ
ማዔሚ ከኤዛንዳጉዲ ዬያ ዒንገ ከኢታ ዓሲ ዳኮኔ።

10 ፒሊሰጻኤሜ ዓሳ ሳኦኦኤልኮ ያሎ ዓንጋሞ ዓሰታሮቲ ጌይንታ
ዔያቶኮ ላኦኦ ያኦዞሎ ማኦራ ጌሣኔ። ሳኦኦኤልኮሞ ሌዞ ቤትሻኔ
ካታሞኮ ዙሎ ከልቁ ዲርቆና ከኤሎይዳ ሚሰማሬና ጳርቁ ዳሬኔ።

11 ዒማና ጌሌዓይይዳ ናንጋ ያቤሽ ዓሳ ፒሊሰጻኤሜ ዓሳ
ሳኦኦኤልይዳ ማዴ ባኮ ዋይዛዛ፥

12 ዔያቶኮ ያሎና ዔርቲ ዓሳ ቢያ ዲማ ዔቁ ቤትሻኔ ዴንዲ
ሳኦኦኤልና ዒዛኮ ናኦቶናኮ ሌዞ ካታሞ ዲያ ከኤሎይዳፓ ከይሲ
ዔኪ ያቤሽ ሙካያ ታሚና ሚቹኔ።

13 ዬካፓ ሜጌያ ያቤሽ ካታማ ታማሪሰኬ ጌይንታ ሚያ ዴማ
ዲኡኪ ላንካይ ከሊ ሙኡዚ ሃሺ ዴዔኔ።

ጌሌዢ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዢ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-13

PDF generated using Haiola and XeLaTeX on 13 May 2025 from source files dated 13 May 2025

bbcfb90a-3ae3-5452-983d-6c4c02375929